

# *TSHIKHATHI TSHA TSHIVHIDZO*

## *TSHA PHEGAMOSI*

 Zwo luga. Zwino, u ya nga hune nda ḋivha, ndi khwiṇe u zwi litsha. Zwo luga.

<sup>2</sup> Ro takala nga u vha fhano hafhu madekwana a ḥamusi ri kha ino tshumelo ya Murena. Huno madekwana o fhiraho ndo pfa unga Nwahagidi wo swika zwavhukuma. Zworalo-ha ri na dziṇwe, ndi a tenda ndi dziṇwe mbudziso hafha, nahone ndi ḫodzi vheya kha tshikwama tshanga u itela uri... Ndi—ndi a kholwa heyi thabelo... ya u zwi rabelisa. Huno ri khou... Nahone ndi ḫozi lingedza u fhindula zwa khwiṇe zwine ndi—zwine ndi nga kona.

<sup>3</sup> Ni ri, arali wa nga vhudza Doc arali a nga ralo “u bvisela izwo nn̄da,” izwo ndi... zwi khou mpenyela hafha, zworalo, a thi ho fhasi ha tshedza tshihulu. Ni a ḋivha, a—a thi muṇwe wa havha vhareri vha tshedza tshihulu. Ngauralo zwi ḫozi vha khwiṇe tshi si ho, ndi a kholwa. O fhelaho...

<sup>4</sup> Ndo tshi humbelia, Doc. Ndi khou rembuluwa, ndi—ndi khou rembuluwa, ni a vhona. Oo, oo, ni ita mini...? Ni khou tea u ya henefho na shuma khatsho? [Mukomana Branham o fara nyambedzano na murathu wawe, Doc—Mudz.] Oo, zwo luga, itanu tshi litsha. Ee. Zwo luga, itanu tshi litsha. Oo, hai! Zwino, ni so ngo tshi wisela fhasi. Ee. Zwino ndi funa izwo zwa vhudi. Tshinwe tshifhinga... Huno a thi funi tshedza tshi tshi khou penyele tshifhaṭuwoni tshanu, ni a ḋivha. Huno—huno kha tshi penyele hafha hune nda ḫozi kona u vhona zwavhudī. Ndi a u livhuwa, muṇe wanga. Izwo ndi ḫozi mu kondisela.

<sup>5</sup> Ni a ḋivha, ni nga si fhedze izwi zwikhathi zwa tshivhidzo. Huno ḥamusi musi ndi tshi khou guda nga hetshi, ndo amba na muṭumakadzi wanga, nda ri, “Oo, nne-nne! Ndi—ndi na maṇwalwa o eḍanaho u rera therō dza fuṭhanu kha hetshi tshithihi.” Ni a vhona? Huno a tou... a hu na ndila ya u zwi ita fhedzi u tou kwama nga ntha, huno khaṇwe musi ri tshi ḥwala bugu zwenezwo ri ḫozi lingedza u wana zwinzhi khao.

<sup>6</sup> A tho ngo u vhona hafha, murathu. Hu ita hani, Mukomana West? Ndi kha ḫi bva u pfa mafhungo a vhudi, uri wa u fhedzisela wa muṭa wa Mukomana Daulton o ḫa, muṇwe mutukana... muṇwe musidzana. Ndi vha fumi, vho ralo? Vha ṭahe. Ni a elelwa uri ho vha hu fhasi ha vhushumeli vhuswa musi Murena a tshi mu vhudza afho uri... muṭa wawe u do tshidzwa. Ndi kale ndi tshi khou vha rabelela, ndo ima henefho ndi sa ḋivhi uri ndi ḫozi mini, Muya Mukhethwa wa ri, “Ndi u ḥneya muṭa wau.” Ni a

vhona? Oho-ho. Huno khoyo heneffo, muñwe na muñwe wawho. Ni a vhona uri Murena u zwi ita hani? Ni a vhona, maipfi Awe o khunyelela, ha vhuyi a ralo, ha kundelwi. Zwo luga, a ri ḥodi u dzhena thungo ya phodzwo Khethwa, ri khou lingedza u dzula u ya... hetshi tshipiqa, kha lino siya kha sia la tshiporofito.

<sup>7</sup> Zwino, madekwana a ɿamusi ndi khou ya u lingedza u amba, huno arali nda kona, huno ri ḥo dzhena kha sia la divhazwakale ya hetshi tshikhathi tshihulu tsha tshivhidzo, ya tsha vhuvhili... kana tshikhathi tsha vhuraru tsha tshivhidzo tshine ra vha khatsho madekwana a ɿamusi. Ni khou ɿiphina ngazwo? Zwi tou vha zwavhuđi. Ndi elekanya uri ndi zwa vhudi u vhona uri Murena Yesu vho ri fhaṭutshedza hani nahone vha ri neya hezwi zwithu, nahone ri zwi livhuwa nga mbilu dzashu dzothe, a tshi ri ɿivhisela phanda zwine zwa khou ya u itea kha tshifhinga tshi no da. U ɿivha magumo a tshe mathomoni, nahone ro takala zwihiłu nga izwo. Ngauralo ri khou fulufhela Murena uri u ḥo ri fhaṭutshedza.

<sup>8</sup> Huno no vhuya na zwi limuwa, madekwana o fhelaho, Muya Mukhethwa wo ri neya (nga murahu ha musi tshumelo yo fhelah) milaedza miraru na mimuya miraru. Kokotolo. Huno musi Muya u tshi khou amba, zwenezwo wa vhuya murahu kha ḥhalutshedzo ya u fhedza, wa dovhola, wa ri, "Zwine Muya wa amba kha zwivhidzo..." Oo, "Uyo a na n̄devhe, nga a pfe zwine Muya wa amba na zwivhidzo." Musi... Huno Muya u tshi khou amba nga dzimpho dla tshivhidzo. Oo, ngavhe tshivhidzo tshi tshi fara uho u dzika zwino, ni a vhona, itanu dzika. Ndi ḥogomele; Sathane u ḥo bvelela, a lingedza u ni isa magumoni hu si na ndila. Ni vhe na vhučanzi uri ndi Muya Mukhethwa tshifhinga tshothe. Huno arali hu Muya Mukhethwa, U ḥo amba tswititi kha zwithu zwine zwa khou itea. Ndi zwa u maandafhadza tshivhidzo. Ni a vhona? Huno-ha arali na dzika kha izwo, Mudzimu u ḥo ni neya zwinzhi. Ni a vhona, isani phanda na u engedza zwinzhi kha zwinzhi. Huno musi...

<sup>9</sup> Zwino, muñwe muthu o vha a tshi khou founa huno a tshi vhudzisa... vhatthu vho founa ɿamusi huno vha tshi vhudzisa uri dzitshumelo dza phodzo dzi ḥo itea lini. Zwino, musi dzino tshumelo dzi tshi tou fhela, madekwana a Swondaha i tevhelaho, ndi khou bva lwa mađuvha matuku, u tou awedza mukulo wanga zwičuku, huno Swondaha i tevhelaho, Murena a tshi funa, ri ḥo vha na tshumelo ya phodzo, matsheloni a Swondaha i tevhelaho. Izwo zwi ḥo vha... a thi ɿivhi uri zwi ḥo itea nga duvha lifhio, fhedzi i ḥo vha vhege ya u bva... Nga la vhu<sup>18</sup>, Swondaha matshe-... Izwo zwo luga, Mukomana Neville? Uhm? [Mukomana Neville u ya fhindula, "Ee, muñe wanga."—Mudz.] matsheloni a Swondaha, ya dzi<sup>18</sup>, u rabelela vhalwadze.

<sup>10</sup> Huno kha hezwi, mufunzi washu hafha, a thi athu wana tshifhinga tsha u amba zwinzhi nga hae, fhedzi ndi khou ḥoda vhoiñwi nothe, ni tshi lingedza u ḥangana na mufunzi washu. U

tou vha ene—ene murathu wa vhukuma kha Kristo. Ro takala vhukuma nga u vha na murathu ane... o aluswaho kha maitele a Methodisi a na vhukhethwa. Huno rothe ri a divha Orman Neville, nnyi na nnyi u mona hafha u ya mu divha. A hu na muthu ane a nga sumba muñwe kha vhutshilo hawe. Ndi nga... Ha ntodi ndi tshi amba izwo, fhedzi ndi khwiñe ndi tshi mu fha luvha zwino, u fhirisa thulwi yothe ya maluvha musi o no lovha. Ni a vhona? Huno tshino ndi tshifhinga.

<sup>11</sup> Vhuñwe vhusiku ndo vha ndi tshi khou bva tshivhidzoni huno muñwe muthu a ri, “Oo, Mukomana Branham, ndi livhuwa iyo pfunzo.”

Huno nda ri, “Ndi a livhuwa.”

<sup>12</sup> Huno-ha muñwe muthu o vha o ima munangoni, (zwo itea miñwaha minzhi yo fhiraho, henefha thaberenakeleni) mushumeli, a ri, “Zwo luga, Mudzimu kha rendwe, nne a thi ṭodi muthu a tshi mmbudza izwo.” Ni a vhona? A ri, “Ndi ṭoda vhugala hothe vhu tshi ya kha Mudzimu.”

Nda ri, “Zwo luga, vhu ralo.” Ni a vhona? Huno nda ri, “Zwo luga, ndi a zwi takalela, nne.” Nda ri, “Ndi a zwi takalela nga maanda.” Huno nda ri, “Ndi khou tea u vha wa ngoho.”

Huno a ri, a ri, “Zwo luga, nne a thi ṭodi vhatu vha tshi mmbudza izwo, Mudzimu kha rendwe!”

Nda ri, “Hu tou vha na phambano nthihi vhukati ha nne na iwe: Ndi khou amba ngoho khazwo, huno iwe a u khou ralo.”

<sup>13</sup> Nnyi na nnyi u ya takalela... Arali na dzhia ñwana muñuku, na sea nae zwiñuku, u ðo ita zwa khwiñe. Ni a vhona? Ndi zwone. Ni a vhona? Huno Mudzimu, tshifhinga tshothe, U takalela u vhudza vhana Vhawe musi vha tshi ita zwone. Ni a takalela u vha vhudza musi vha tshi khakha, zwino ngani ni sa vha vhudzi musi vha tshi khou ita zwi re zwone? Ni a vhona?

<sup>14</sup> Zworalo ndi livhuwa Mudzimu nga maanda musi Mukomana Neville a mufunzi wa vhano vhatu fhanu kha ino thaberenakele. Huno musi ndi tshi vhona uyu munna, a bvaho kha Methodisi, a tshi ongolowa u... Ngani, u fana na musi ri tshi khou ṭoda u la kha vhengele li si lone. Zworalo... fhedzi u wanulusa nga—nga Muya Mukhethwa muhulu, huno zwino ri tshi dzhena kha idzo mpho; huno zwino Muya Mukhethwa u tshi khou mu shumisa lwo fhelelaho musi a sa shumisi muhumbulo wawe. Lavhelesani thalutshedzo na muungo muthihi, na u tsa ntha na phasi hu fanaho, u fana na madzina na masala, na zwiñwe zwinzhi, huno zwi tshi fhinduleya murahu hafhu.

<sup>15</sup> Huno hoyu murathu muñuku, a thi kholwi uri u... Junior Jackson. Zwo luga, ndi ðo fhumula, Junie. Ndi livhuwa Mudzimu nga Junie Jackson, murathu ngangoho u na mpho khulu i bvaho ha Murena.

<sup>16</sup> Huno itou dzula u wa u diṭukufhadza. Zwino, muňwe na muňwe tshivhidzoni u na tshinwe tshithu tshire a tea u ita; fhedzi ni so ngo tshi sukumedzela dabo u itela tshinwe tshithu, tendani tshi tshimbilelane na tshivhidzo tshothe. Ndi zwa u itela Mudzimu, zwithu zweithe. Ni a vhona? Ni a vhona? Muňwe na muňwe ha ḥodi u amba nga dzindimi, muňwe na muňwe a ṭalutshedza.

<sup>17</sup> Lingedzani u ita tshinwe tshithu tsha vhudi nahone ni dzule ni wa vhudi; ni so ngo farelela tsinyuwo, hu so ngo vha na nndwa, ni so ngo tendela mbiti. Hu si na ndavha uri muthu ndi muvhani na uri vha ni amba luvhi hani, ni so ngo vha elekanyela zwivhi mbiluni yanu; ngauri heneffo diabolo u do dzula ngomu, a ita tshinwe tshithu heneffo. Ni zwi litshe zwi tibedzeye nga lufuno luvhuya, u bula, na u dzudzanya, na u ita zwivhuya kha havho vha ni itelaho zwivhi. "Arali ni tshi itela zwivhuya avho vha ni itelaho zwivhuya fhedzi, ngani," Yesu o ri, "vhadzulapo zwavho a vha iti nga u ralo naa?" Ni a vhona? Vhaitazwivhi, nnyi na nnyi u ya kona u itela zwivhuya havho vho no mu itela zwivhuya. Fhedzi i vhani muvhuya kha havho vha sa ni iteli zwivhuya, itani tshinwe tshithu ni tshi itela havho vha sa ni iteli tshithu. Ambani ipfi lavhudi kha muthu a no ni amba zwivhi, nga heyo ndila ni bvisa tsinyuwo dzothe mbiluni yanu; nahone ni dzula ni kha lufuno na muňwe na muňwe, tenda fhedzi na dzula kha lufuno.

<sup>18</sup> Zwino ni ri, "Zwo luga, vho ralo..." A ri vhahaṭuli, Mudzimu ndi Muhaṭuli. Huno a ni nga do ḥoda hoyo muthu a ṭungufhadzaho a tshi bviselwa nnda, ni do ralo? Na luthihi, hu si na ndavha uri ndi vhone vho nnyi. Ni nga si ḥode hezwo, zworalo lingedzani u vha wa vhulenda khavho. "Huno lufuno lu tibedza vhunzhi ha zwivhi." Uh-huh. Ee, mune wanga. Lufuno, lwa vhudi, Mukriste, Lufuno luvhuya.

<sup>19</sup> Arali muňwe muthu a nga bvelela huno a ni vhidza "muvhumbuluwi-mukhethwa" na madzina othe o fhambanaho, zwino—zwino ni so ngo ita sa zwenezwo, ni a vhona, arali ni sa koni u ita sa izwo, itanu bvela kule khazwo. Fhedzi mbiluni yanu, ni tea u swika fhethu hune na ri, "Zwo luga, zwi... zwino, khaňwe, murathu, arali na pvesesa, nga ndila ine nda ralo ngayo, u do pfa nga ndila ine nda pfa ngayo." Ni a vhona? Huno ni vhe wa vhuq̄i khae, huno ni ise phanqa ngauralo. Huno nahoh ra fhambana u fana na vhuvvađuvha hu kule na vhukovhela, izwo a zwi ḥisi phambano.

<sup>20</sup> Vhunga ndo amba vhuňwe vhusiku, ndi na murathu ane a...ndi munna-munna a vhonala, Melvin; o lapfa, a vha na mavhudzi mapfufhi. Zwino, a ri vhonali ri tshi fana u fhira musi ri si ho kha vhushaka na luthihi. Nahone ḥashu—ḥashu dzangalelo lo fhambana, nahone zwine ra tama zwo fhambana; fhedzi mme awe ndi mme anga, khotsi awe ndi khotsi anga, ndi murathu wanga. Ni a vhona? Ngauri ro bebwa muṭani muthihi.

<sup>21</sup> Zwino, ro fhambana. Melvin a si Mukriste, nahone u takalela bola ya u posana, mbambe ya bere, na zwithu zwi ngaho izwo. Huno ndi—ndi elekanya uri u takalela phai ya tshokoleiti, zworalo ndi na vhuțanzi uri ro fhambana heneffo. Zworalo a—a thi takaleli mbambe ya bere kana bola ya u posana, ndi takalela u rea khovhe na u zwima. Ni a vhona? Huno a nga si rembulusele izwo tshanda tshawe, na nne ndi nga si rembuluse tshanda tshanga ndi tshi itela izwo. Zworalo-ha, ni a vhona, fhedzi u takalela phai ya tshokoleiti huno nñe ndi takalela nđuhu. Zworalo-ha . . .

<sup>22</sup> Zwino, a thi khou humbulela, ni a vhona. Fhedzi ndo amba izwo kha muțangano huňwe fhethu, uri ndi takalela phai ya tshokoleithi, huno madekwana o no tevhela ndo vha ndi na tshokoleithi thanu . . . kana phai dza nđuhu, huno ndo vha ndi na phai dza nđuhu mna kana thanu dze dzikhaladzi dza baga huno dza nndisela. Nñe-nñe! Ro vha na mihuvho lufherani Iwanga! Fhedzi, a—a thi ḥodi u zwi amba nga nđila iňwe-vho. Ni a vhona?

<sup>23</sup> Zworalo ndi khou ḥoda u tou ni sumbedza phambano, ni a vhona. Fhedzi hu si nā nđavha uri u mini, ndi a mu funa, ndi murathu wanga. Huno-ha ha Mukriste ngauri u vhona zwithu nga tshiňwe tshedza, ndi vhona zwithu kha Tshedza tsha Kristo; fhedzi a thi koni uri ha murathu wanga, ngauri ri vharathu vho bebwaho muțani muthihi.

<sup>24</sup> Zwino, madekwana o fhiraho, ndo topola zwiňwe zwithu, ayo a u fhedza. Huno elelwani zwino, mulaedza wa u thoma u ḥa kha tshivhidzo murahu ha iyo ine na i diňha, nndani ha fhasi ngei Kentucky, ho vha uri hu tshi ḥo vha na zwithu zwi mangadzaho kha heyi mițangano zwine zwa ḥo dzinginyisa vhanzhi. Ni ya elelwa izwo? Zwi kha theiphi, zwino. Ni a vhona? Madekwana o fhiraho tshiňwe tsha hone tsho dzumbululwa. Ngauralo zwo imanyana zwițuku, fhedzi ndi na vhuțanzi uri no zwi gavha; ngauri Muya Mukhethwa wo zwi disa, izwo ho vha hu: “hele ya u ya Nga Hu Sa Pheli, a hu na zwithu zwo raloho Bivhilini.”

<sup>25</sup> A hu na hele ya u ya Nga Hu Sa Pheli. Arali na wana u ya Nga Hu Sa Pheli . . . Arali na swa heleni lwa U Ya Nga Hu Sa Pheli, zwenezwo ni na Vhutshilo Vhu Sa Pheli uri ni di wane ni hafho, arali ni tshi khou tshila. Huno hu na tshivhumbeo tshithihi tsha Vhutshilo Vhu Sa Pheli, ndi Mudzimu! Ni a vhona? Zworalo, huno Bivhili a i funzi hele ya U Ya Nga Hu Sa Pheli, i funza nga ha hele ya “tshothe.” Izwo zwi nga dzhia miňwaha ya zwigidi zwa fumi zwa milioni, a thi diňhi, fhedzi zwi tea u guma.

<sup>26</sup> Ngauri ndi khou tea u Zwi disa heneffo. Ndi Zwi vhetshela kule na zwivhidzo na zwiňwe u swika ndi . . . zwi kha nne uri ndi Zwi ambe. Huno-ha hu na zwithu zwinzhi ngomu hafha zwine zwi kha nñe uri ndi Zwi ambe, huno zworalo madekwana maňwe na maňwē ri a zwi wana.

<sup>27</sup> Fhedzi zwino, u bva zwino u ya phanda, ni thome u vheya kha kuhumbulele kwanu kwa tshimuya, ni a vhona, tendelani Muya Mukhethwa u tshi Zwi dzenisa ngomu. Huno arali na pfa na u hanedzana Nazwo, itanu bva huno ni ri, “Mukomana Branham a tungufhadzaho, u—u tou vha a sa divhi. Ndi khou ya u mu rabelela.” Huno ni ite zwenezwo, huno zworalo ndi do... Murena u do ita uri ndi divhe zwi re Ngoho, fhedzi na nga mpfela vhuṭungu, huno ni si—ni si nthahele kule. Ngauralo izwo zwi nga vha zwi ngoho, fhedzi-ha, fhedzi, oo, ndi khou dipfa ndi wa vhuḍi ndi tshi khou zwi elekanya nga heyi ndila. Zworalo zwi tou tumanya zwethe. Huno ndi, oo, ndi—ndi nga vha ndi tshi khou khakha; fhedzi hu nga vha hu na tshikhala hafho tshine thi divhi tshithu ngatsho, zworalo khañwe ni a ralo, huno ni rabele uri Murena a ntsumbedze tshone.

<sup>28</sup> Huno zwino, na n̄tha ha zwithu zwethe, isani phanda na u rabelisana nahone ni so ngo tendela diabolo a tshi sumbedza tsinyuwo fhethu na huthihi. Ni a vhona? Dzudzani mimuya yanu yo kuna kha ino awara, ngauri ri kha awara dza u vala dza divhazwakale ya lino shango. Ni a vhona? Ri vhufheloni, dzikhonani, hu si na na u timatima.

<sup>29</sup> Musi ri tshi tsa na zwino zwikhathi zwa tshivhidzo, ri khou ya u zwi wana hu si kale, nahone khañwe zwinzhi madekwana a ɻamusi. Ri khou ralo nga vhunzhi kana zwiṭuku u khwathisedza na u wana vhubo hune ra khou tea u zwi vala, huno zwino madekwana a ɻamusi ri dzumbulula zwiñwe zwithu zwa tshimuya zwavhukuma. Elelwani zwino, ndo zwi amba, ni do tea u dzenisa kuelekanye kwanu kwa tshimuya. Fhedzi lavhelesani Mañwalo, zwi tea u vha *kha* Mañwalo, nahone zwi tea u vha zwo *fhira* kha Mañwalo. Ni a vhona? Zwino elelwani yone... Yone ndivho ya Ipfi, ya uri, “Zwo luga, ndo ya tshikoloni tsha n̄tha. Ndo ya kha tshikolo tsha Bivhili. Ndo ya gudedzini.” Izwo a zwi ambi tshithu. Vhafarisei vhothe na Vhasadukei vho ita zwithihi, huno vha kundelwa nga u divha Yesu nga maela dza milioni. Ni a vhona?

<sup>30</sup> Mañwalo, nzumbululo ya Mañwalo, “yo dzumbiwa mañoni a vhaṭali na vha divhaho, huno ya dzumbulelwa vhuskie vhune ha do guda.” Ngauralo nn̄danu ha musi nñe na inwi ra vha vhuskie nahone ra rula mibilu dzashu, huno ra ri, “Murena, Iwe—Iwe ri vhudze, huno ro—ro thetshelesa.” Huno ni gavhe mbekanyo ya tshimuya. Zwino elelwani izwo, maipfi ane a do ambiwa madekwana a ɻamusi u ya phanda, gavhani mbekanyo ya tshimuya, ngauri ri khou swika kha tshikhathi tshihulu tshi mangadzaho tsha tshivhidzo.

<sup>31</sup> Zwino, ndo elekanya uri zwo vha zwi zwenezwo fhedzi. Zwino elelwani madekwana a matshelo, madekwana mañwe na mañwe ri vha ri kha tshiñwe tshikhathi tsha tshivhidzo. Nahone ndi na vhuṭanzi uri ri nga vha na tshifhinga tshinzhi matshelo tsha u gidima ḫuvha loṭhe kha hezwi, huno na matshelo nga

madekwana. Fhedzi, ni a vhona, vhanzhi vhavho vha do vha vha tshi khou shuma nahone ndi do lingedza u tou swaya nga nthā ha hoyu mulaedza, u amba zwithu two ambiwaho hafha, zwine ni nga dzhiya tshiñwe tshazwo huno na isa phanda, na tshi amba u swika hune zwi si tsha ambeya uri zwi do fhelela ngafhi. Ni a vhona? Fhedzi. . . Huno-ha na zwi guda hayani, huno ndi do vha ndi tshi khou ni rabelela, na inwi ni tshi khou nthabelela, huno Mudzimu a ri fhaṭutshedza sa vhana Vhawe vha tendaho.

<sup>32</sup> Zwino phanda ha musi ri tshi thoma, ndi a ḋivhudzisa arali zwi sa do ni kondela nga maanda uri ri ime.

Huno ni a zwi ḋivha uri ndi ngani ndi tshi takalela u ima huno nda rabela? Yesu o ri, “Musi ni tshi ima, ni tshi rabela, ni rabele, ‘Khotsi ashu Vha re Tađulu.’ Zwenezwo ni hangwelane.” Ni a vhona? Huno Gidioni o khetha mmbi yawe tshiñwe tshifhinga kha vhane vho ponya huno vha gwadama nahone vha dzhia madi, kana vhe vha ima huno vha dzhia madi. Ni a vhona? Ngauralo vhe vha wa, vhe vha—vhe vha diededza phanda ha midzimiisili, huno o zwi ḋivha uri vho vha so ngo vhofheya uri vha ṭuve. Ngauralo, vhe vha ima vho vula maṭo avho tshifhinga tshothe. Ri zwi ita ngauralo, u ima huno ra rabela. Zwino, ndi a tenda kha u gwadama na rabela, nazwo-vho; fhedzi, u ima na rabela, ndi elekanya uri zwi amba tshiñwe tshithu kha riñe, two ralo.

Kha ri kotamise ḫoho dzashu zwino, mbilu inwe na inwe yo kotamiswa:

<sup>33</sup> Khotsi wa tshilidzi wa Tađulu, musi zwino ri tshi khou swika ro dzika kha Khulunoni Yau ya vhulamukanyi. Huno a ri khou da u U humbelā uri u ri neye vhulamukanyi, ngauri rothe ri do fhedzwa, fhedzi ri khou da, ri tshi lila “Khathutshelo, O Murena!” Shela kha riñe, madekwana a namusi, zwa Muya Wau Mukhethwa; hu si ngauri ro fanelwa, fhedzi ngauri a ro ngo fanelwa, huno musi ri tshi zwi limuwa na u zwi ṭovhowa, nahone a ri khou da dzinani lashu, ngauri a lo ngo fanelwa. A ri na vhulamukanyi, kana—kana tshithu na tshithihi, zwivhuya zwashu zwa khwine zwi vha raga dza tshika maṭoni Au. Ngauralo ri da nga u dītukufhadza nga Dzina la Murena Yesu, ri tshi Mu disa phanda hashu, Malofha a mulanga Wawe, ri tshi A hwala mbiluni dzashu, nahone ri tshi ri, “Mudzimu, ri khathutshele riñe vhaita zwivhi vhane ra khou lilela khathutshelo kha awara ya khakhathi.” Izwo, musi liñwe duvha pfunzo ya u fhedza yo reriwa, a ri divhi uri zwi do itea lini; tshifhinga tsha u fhedza musi hu tshi do vha na mukosi une wa do ya mayani; Bivhili i do dzula yo valeya kha phuluphithi; zwanda zwi do kuvhanganywa; huno phaiphi dza unga; duvha li do vha li tshi khou kovhela. O Mudzimu! Zwenezwo ndzumbe, O Tombo la Zwikhathi, nga iyo awara.

<sup>34</sup> Huno ri a zwi vhona uri a hu na u ponya zwino, a hu na tshiñwe tshithu fhedzi kha Iwe. Ri vhona tshaka dzi tshi khou kwashekana. Ri vhona Bivhili i tshi vuledzeya. Ri vhona Isiraele i tshi phaphama. Ri vhona Mulaedza kha Tshivhidzo. Huno awara i tsini na u fhela, nga tshifhinga tshire zwithu zwi hou tea u dzumbululwa, nahone Mapfundu a Sumbe a vuleya.

<sup>35</sup> Mudzimu, Mudzimu, O Mudzimu, ri khathutsheli, ri lilela khathutshelo. Huno sa mulanda Wau, ndi lilela khathutshelo kha muñwe na muñwe a re Vhuhoneni Vhukhethwa madekwana a ñamusi. Mudzimu, hu so ngo vha na muthu muthihi zwawe vhukati hashu ane a vha na tshivhi tuyani wawe, fhedzi kha tshi tanzwiwe zwino nga Malofha a Murena Yesu, uri roþhe ri tangane ngeyo fhethu havhudzi seli ha lutombo.

<sup>36</sup> Huno musi ndi tshi khou dzhena kha Luñwalo madekwana a ñamusi, Khotsi, oo, a tho ngo fanewa. Mudzimu, a hu na na muthihi washu o fanewaho. Ri a tanganedza uri a ri ðivhi tshithu, Khotsi, fhedzi ri khou ðitika nga Muya Mukhethwa uri A ri dzumbululele. Musi ri tshi putulula kha-kha ndivho yashu ya muhumbulo ye Iwe wa ri ñeya, ðivhazwakale, ngavhe Muya Mukhethwa u tshi ñetshedza mbekanyo ya tshimuya mbiluni dzashu. Zwi tendele, Khotsi, ngauri ri lindela kha Iwe nga Dzina la Yesu Murwa Wau. Amen. Ri nga dzula.

<sup>37</sup> Kha ndima ya vhu<sup>2</sup> ya Bugu ya Nzumbululo, na tshivhidzo tsha vhuvhili, tshikhathi tsha vhuraru tsha tshivhidzo. Ri thoma...[Khaladzi u amba nga dziñwe ndimi—Mudz.] Nkhangweleni.

<sup>38</sup> Khotsi ashu Vha re Taðulu, kha hu rendwe Dzina Lau. Muvhuso Wau u ðe, hu itwe lufuno Lwau, kha lifhasi vhunga ngei Taðulu. Ri Ú humbela uri u vhe na rine, Khotsi, nahone u ri fhaþutshedze, nahone u ri thuse ri vhe vha mihibumbulo yo þalifhaho kha ino awara ya khakhathi khulu vhukati ha vhathu. Musi ndado na zweþhe zwi tshi khou itea, ri thuse ri vhe vha khwiñe, Murena, ri vhe vhalanda Vhau nga Dzina la Kristo. Amen.

<sup>39</sup> Zwino, ndo thoma nga u amba izwo, uri ni zwi ðivhe. No zwi dzhieila nzhele uri þhalutshedza yo ngo ða kha Ipfi? Khaladzi ashu o vha o ðoliswa nga Muya Mukhethwa, a zwi timatimisi, fhedzi o ñetshedza mulaedza nga murahu ha musi Ipfi lo bulwa, ni a vhona. Zwe bva nnñanyana ha maitele a zwithu. Zwino, izwo zwe luga, khaladzi mufuriwa, ni nga vha ni nnyi kana nnyi. Muya Mukhethwa u kha inwi, oo, zwi a kondà u u fara nga u ralo, ndi a zwi ðivha. Zwi tou fana na... Kana musi ni tshi khou amba tshiñwe tshithu huno... Ni a vhona, fhedzi zwe luga; fhedzi no zwi pfa na musi zwi sa athu u thoma, ni a vhona. Huno ndi ngazwo, ni a vhona, zwi vhuya murahu musi Muya u tshi khou shuma. Mimuya ya vhaporofiti i pfa vhaporofita, ni a vhona. Ndi inwi hoyo.

<sup>40</sup> Zwino, khañwe Muya Mukhethwa wa ni dolisa hafhu, itanu...ndi fulufhela A tshi ralo, nga murahu ha musi tshumelo yo no fhela. Huno ni lavhelese ḥhalutshedzo i tshi bvelela, ni a vhona, ngauri zwi tea u vha zwi ndilani heneffho, ni a vhona; fhedzi ri khou dzhena kha Ipfi, ni a vhona, hafha ngomu. Ngauralo, zwino, izwo zwe vha zwi zwa Mudzimu zwavhukuma, zwe vha zwe ralo zwavhukuma; ndi a zwi tenda nahone ndo zwi pfa nga mbilu yanga yothe, ngauri ndo pfa u vhuya hazwo murahu, ni a vhona. Fhedzi Muya Mukhethwa...tsho vha tshi si tshone tshifhinga. U na mulaedza kha khaladzi wa tshivhidzo, fhedzi *hafha* ndi hone hune A khou shuma Mulaedza Wawe zwino. Ni a vhona, Ha nga Dīdādisi, O vheya zwithu zwothe ngonani. Ndi a kholwa noṭhe ni khou pfesesa, ni a vhona, ndi zwone.

<sup>41</sup> Zwino kha—kha ndima ya vhu<sup>2</sup> ya Bugu ya Nzumbululo. Huno kha ri...Ri thoma madekwana a ḥamusi na—na Tshikhathi tsha Phegamosi, ndima ya vhu<sup>12</sup>. Zwino, madekwana o fhelaho ro litsha kha ndimana ya vhu<sup>11</sup>:

*Uyo a na ndevhe, nga a pfe zwine Muya wa vhudza zwivhidzo; Uyo ane a kunda ha nga vhaissi nga lufu lwa vhuvhili.*

<sup>42</sup> Zwino, kha tshikhathi tsha u thoma tsha tshivhidzo, ri wana uri Vhanikołatini vho thoma. Mudzimu a Dīdzumbulula sa... Yesu a Dīdzumbulula ene muñe sa Mudzimu Ramaanda: a hu na muñwe, a hu na zwipiđa, a hū na zwipiđa zwa Mudzimu, O vha a Mudzimu a eṭhe.

<sup>43</sup> Zwino, kha tshikhathi tsha tshivhidzo madekwe, ri wana uri O ima muñangano nahone O ḥwalela tshivhidzo hezwi zwithu, nahone a vha vhudza nga vhushai havho. Fhedzi O ri vho vha vha...havha Vhanikołaiti, na zwiñwe zwinzhi, uri U ya zwi vhenga.

<sup>44</sup> Madekwana o fhiraho vho vha vha tshi khou...vho ambara khare ya vhavhulawa. O vha vhudza uri vha so ngo ofha, u swika lufuni, uri U do—U do vha navho. Huno-ha mafheleloni A ri, “Uyo ane a kunda! Uyo ane a kunda ha nga thithiswi nga lufu lwa vhuvhili.”

<sup>45</sup> Zwino, arali hu na lufu luthihi, nahone ri a ḫivha nga halwo, zwenezwo hu tea u vha na luñwe lufu huñwe fhethu; ngauri luñwe lu fu ri lu fa hafha ḥamani, lufu lwa vhuvhili ri lufa muyani, muya. Ndi, “Huno muya une wa tshinya u do fa.” *U fa* zwi tou vha, “u bva kha zwithu zwoṭhe;” ni a vhona, ni khou—ni khou...*Lufu* zwi amba, “u ḥusawa, ndi—ndi—ndi u hwaliwa, u dzumbiwa kule.” Zwenezwo musi vhafuñwa vhashu vha tshi fa, a vha tsha tshila u ya nga hune ra ḫivha. Izwo ri zwi vhidza lufu.

<sup>46</sup> Fhedzi Mukriste ha fi. A hu na Luñwalo lune lwa ri Mukriste u ya fa, ngauri u na Vhutshilo Vhu Sa Fheli. Musi muitazwivhi a tshi fa, o fhela, nahone muya wawe u do fhedza wo fa. Fhedzi

musi Mukriste a tshi fa, u vha o lindela na Yesu a tshi vhuya murahu hafhu. Oo, ndi fulufhela ndo vha ndi na tshifhinga tsha u dzhena kha izwo magumoni a bono madekwana a ɿamusi, afho hune ra vhuya murahu; nahone ni do zwi vhona, uri zwi ɿisa hani izwo zwithu zwithihi zwa lufu lwa vhuvhili. Heyi ndima nthihi ine ra vha khayo madekwana a ɿamusi i amba zwithu zwithihi, nahone iyo mbekanyo yavhud̄i nga maaanda hafha.

<sup>47</sup> Zwino—zwino, madekwana a ɿamusi, ri khou ya u vhala hovhu vhurifhi nga u ɿavhanya, ngauri ndi na mañwe—mañwe mafhungo a ɿivhazwakale ane ra khou ɿoda u thoma u dzhena khao, nahone nda lingedza u sa ni fareledza lwa tshifhinga tshilapfu. Zwino, kha... murahu ha musi hedzi tshumelo dzo no fhela, tshifhinga tshinwe na tshinwe hune nda zwi vhala nga u ɿavhanya, arali ni tshi khou ɿoda u wana mbekanyo yazwo; Mukomana Mercier hafha u nazwo zweþhe, ndo mu fha notsi; huno a nga ralo ngauri u khou ɿwala kha bugu, u do ni ɿeya tshini na tshini tshire na ɿivha...na—na ɿoda khazwo. Izwo zwi do vha zwi zwavhud̄i, Mukomana Mercier.

<sup>48</sup> Ndimana ya vhul2:

*Kha murumiwa wa tshividzo tsha Phegamosi mu ɿwalele hezwi; U ralo uyo ane a vha na banga li fhiraho la mutsheya hoþhe;*

*Mishumo yau Ndi a i ɿivha, na hune wa dzula hone, na...tshidulo tsha Sathane...huno iwe wo farelela dzina ɿanga, nahone a wo ngo landula lutendo lwanga, na kha hayo maduvha e Antipasi o vha a muvhulaiwa wanga a fulufhedzeyaho, we a vhulaiwa vhukati hanu, hune Sathane a dzula hone.*

*Fhedzi Ndi u vhengela zwithu zwi si gathi, ngauri iwe u na avho vhane vha farelela kha pfunzo ya Biliamu, we a fundedza Balaka uri a pose tshikhukhuli phanda ha vhana vha Isiraele, uri vha le zwithu two kumedzwaho midzimuisili, na uri vha ite vhutudzi.*

*Na iwe u na havho vhane vha farelela kha pfunzo... (ndi mishumo murahu hafho kha Efesa, zwino yo no vha “pfunzo”)... pfunzo ya Vhanikolatini,... (Ni a elelwa ndi tshi khou ni vhudza vhunwe vhusiku, uri two swika hani kha izwo? Yone mishumo ngei Efesa, zwino ndi “pfunzo”)... yone—yone pfunzo ya Vhanikolatini, zwone zwithu zwine Nda zwi vhenga. (Uhm!)*

*Shanduka; kana Ndi do da ha iwe nga u ɿavhanya, nahone ndi do lwa navho... (hu si Tshividzo tsha vhukuma)... navho nga banga la mulomo wanga.*

*Uyo a na ndevhe, nga a pfe zwine Muya wa vhudza zwividzo; Uyo ane a do kunda Ndi do mu fha a la mana yo dzumbiwaho, nahone ndi do mu (mu) fha tombo litshena, nahone kha ilo tombo hu na dzina liswa lo*

*nwaliwaho, line a hu na muthu ane a li divha nndani  
ha uyo ane a li t̄anganedza.*

Zwino Murena kha engedze phathutshedzo Dzawe kha Izwi, nahone a ri thusē zwino musi ri tshi lingedza.

<sup>49</sup> Zwino kha mvulatswinga ya itshi tshivhidzo. Ndi tshivhidzo tsha tshikhathi tsha vhuraru, tshi vhidzwaho u pfi Phegamosi. Huno dzone—dzone datumu dzine tshino tshivhidzo tsho thoma ngadzo ho vha u bva nga 312, A.D. 312 u swika 606.

<sup>50</sup> Tshikhathi tsho vha tshi: pfunzo ya mazwifhi, Saṭhane a tshi zwifha, mutheo wa vhuvhusi ha vhupapa, na mbingano ya tshivhidzo na muvhuso.

<sup>51</sup> Malamba o vha a: mana yo dzumbamaho, tombo litshena.

<sup>52</sup> Huno naledzi, muruňwa wa itshi tshivhidzo, nga zweothe zwe Muya Mukhethwa wa ntendela nda ita, ndo dzhia Martin Mukhethwa. Yo vha i—i nzumbululo ye nda netshedzwa, ngauri musi ndi tshi vhala nga vhaňwe vhakhethwa kha itsho tshifhinga. Ndo dzhia Martin Mukhethwa ngauri o vha a munna muvhuya, u ya nga hune nda pfesesa o vha a tshi fhira zwe Patrick Mukhethwa o vha a zwone zwi tshi vhalwa lwa fumi.

<sup>53</sup> Zwino, Patrick Mukhethwa o vha a muđuhulu wa Martin Mukhethwa; khaladzi a Martin Mukhethwa o vha a mme a Patrick Mukhethwa. Huno Martin Mukhethwa o vha a...zwo ralo, uyo o vha a malume a Patrick Mukhethwa.

<sup>54</sup> Zwino, vhutshilo hawe ho vha u bva A.D. 315 u swika 399. Zwino ndi ngazwo ndo mu dzhia zwi tshi tevhela vhaňwe vhakhethwa vha ilo duvha, nga nthani ha ndila ye a qifara. Huno fhasi ha ḥuṭhuwedzo ya Mudzimu, a thi tendi uri...

<sup>55</sup> Zwino, tshivhidzo tsha Katolika a tshi ngo mu valela, a vho ngo mu limuwa, huno iyo ndi inwe mbuno ya uri ndi mu khethe. Uh-hum, uh-hum. Huno zweothe hezwi zwine ra khou zwi vhona, izwo zwi na vhushumeli ha tshimuya, he tshivhidzo tsha u ranga tsha vhu landula. Tshone—tshone tshivhidzo tsha Vhanikolatini tsho vhu landula nga nthani ha hezwi zwithu: vho vha vha vha tshimuya. Huno sa vhunga ndo ola hafha, Tshivhidzo tsho vha tshi tshi khou pwanyeledzelwa nn̄da nahone pfunzo ya Vhanikolatini yo vha i—i kha tshitshavha tshinzhī; huno Tshivhidzo tsha ngoho tsho vha tshi kha vhatku vhaṭuku, tshi dzulela u ralo.

<sup>56</sup> Huno sa vhunga ndo amba u rangani, ho vha hu Yesu we a ri, “U songo ofha, sambi liṭuku, ndi lufuno lwavhuđi lwa Khotsi au u u nea Muvhuso.” Ndi ngazwo ndo dzhia Muvhuso nda u vhambedža sa Muvhuso wa tshimuya. Huno ri khou... ri na Muvhuso wa tshimuya, nahone ro takala zwi hulu nga izwo, na Khosi kha hoyu Muvhuso. Elelwani, Ndi ene Khosi ya vhakhethwa (*vho itwaho vhakhethwa*), Ndi ene Khosi yavho ine ya vha rangaphanda.

<sup>57</sup> Vhutshilo ha Martin Mukhethwa ho vha...ndi vhuňwe ha matshilo o dadzwaho lwa madembe kha nnyi na nnyi kha zwikhathi zwa tshivhidzo. U bva kha henengei kha Paulo Mukhethwa u ya phanda, o vha a muňwe wa vhanna vha tshimuya nga maanda. O vha...

<sup>58</sup> Liňwe la dembe la u thoma ho vha hu...O vha a sole, na u rangani hazwo, ndi a tenda. Huno liňwe duvha o vha a tshi khou fhira huno ho vha hu na muňwe...Ene—ene muthu o edela, a tshi rothola na u tetemela, huno vhathe vhe vha vha vha tshi khou funa...kana, vha sa funi, fhedzi a kona u thusa hoyu munna, vho vha vha tshi tou mu fhira sa—sa tshifhe na zwe Vhalevi vha ita kha *Musamaria wa u Luga*. Fhedzi musi Martin Mukhethwa a tshi fhira nga heneffo, a limuwa mushumo wawe sa mutendi wa Mukriste, o vha a na nguvho nthihi, labi mashadani awe, a i tumula ya bva zwipida zwivhili nga bangla lawe huno a ńeya hafu hoyu muhumbeli, a dzhia iňwe hafu. Huno uvho vhusiku ha thoma lwendo lwawe, lwa, Yesu Kristo a bvelela khae, nga bono, o diputela nga iyo nguvho nthihi ye a i tumula ya bva zwipida zwivhili; zwine two khunyeledza Luňwalo, “Zwenezwi zwine na itela havha, no zwi itela Nñe.”

<sup>59</sup> Ngauralo dzhiani heyo ngudo. Tshini na tshini tshine na itela muňwe muthu, ni khou tshi itela Kristo. Itanu elelwa. Zwino ni...Kha ri ambe izwo rothe [Mukomana Branham na tshivhidzo vha amba nga kathihi—Mudz.]: “Zwine na itela vhaňwe, no zwi itela Kristo.” Ngauralo hu si na ndavha uri u elekanya mini nga inwi, ni zwine na elekanya ngae, ni a vhona, izwo zwi bveledza phaňhutshedzo.

<sup>60</sup> Ilo lo vha dembe la u thoma na u ranga ha vhusumeli hawé. Hu na zwinzhi khae, ndi—ndi nga si vhe na tshifhinga. Ngauri ndi khou ni ńoda murahu matshelo nga madekwana na madekwana oťhe, ngauralo a thi ńodi u ni fareledza lwa tshifhinga tshilapfu.

<sup>61</sup> Zwo luga, dembe li no tevhela le nda nanga u amba ngalo madekwana a ñamusi.

<sup>62</sup> O vha a tshi tou kwashekanya vhuhedeni, nahone o vha a tshi lwa o kwatha na tshivhidzo dla Roma. O hanedzana na zweňhe zwa tshivhidzo tsha u thoma tsha vhabishopo vha Roma, o...vho vha vha tshi khou thoma u vha vhashango na zwiňwe zwinzhi zwi ngaho izwo, huno a imedzana navho. O vha a tshi lwa navho zwavhukuma. Lo tou vha dembe o kona u tshila kha zwifhinga zwo raloho. Zwino...

<sup>63</sup> Fhedzi liňwe duvha o vha a tshi khou tshinyadza khuvhangano ya vhuhedeni, na u kwashekanya aleťare ya vhuhedeni, huno ho vha hu na muri mukhethwa wo ima tsini na aletare ya vhuhedeni. Huno o vha a tshi khou remela hoyu muri fhasi, huno vhanzhi vhe vha vho ima tsini vho vha vha tshi khou hana. A ri, “Arali ndi munna wa Mudzimu...”

Mmbofheni thungo ine hoyo muri wo sendemela khayo huno ni litshe uyo muri u nngwele. Arali ndi munna wa Mudzimu... Arali ndi si munna wa Mudzimu, uyo muri u do mmbulaya. Arali ndi munna wa Mudzimu, Mudzimu wanga u ya kona u rembulusela hoyo muri huñwe fhethu." Mulingo u kondaho! Zworalo vha thoma u rembuluwa huno wa vhulaya tshigwada tsha vhaṭaleli. Mudzimu a u rembulusela murahu kha tshikwara. Dembe! Oo, tshifhinga tshoṭhe ho vha hu na mađembe kha muṭangano wawe.

<sup>64</sup> Linwe dembe line nda elekanya u amba ngalo, ho vha hu lushie lwo faho lwe a ededza muvhili wawe khalwo. Huno lwa vuwa lwa vhuya vhutshiloni hafhu, nga murahu ha musi o rabela lu na tshifhinga a tshi itela ulwo lushie.

<sup>65</sup> Linwe li mangadzaho kha nne, ho vha muvhusi. Huno o vha a tshi khou ya u vhulaya vhañwe vha vhathu vha Mudzimu vho ḫadzwaho nga Muya Mukhethwa. Huno zworalo o vha a tshanda tshaula tsha—tsha mubishopho wa tshivhidzo tsha u thoma tsha Roma, nga itshe tshifhinga, huno o vha a tshi tou vha mupapa phanda ha musi a tshi vhidzwa mupapa. lawe o vha a tshi pfi D-a-m-a-s-u-r, huno o vha a tshi khou vhulaya Vhakriste vhoṭhe vhane a kona u vha fara uri a vha vhulaye. Huno—huno mufumakadzi wa muvhusi, muhedeni, huno swiswi li mbiluni yawe.

<sup>66</sup> Huno musi hoyu Martin Mukhethwa o itwaho mukhethwa a tshi ḫa u rabela, mufumakadzi wawe a mu vheya tsini nazwo uri a lingedze u rabelela havha Vhakriste uri vha si vhulaiwe. Zwo ralo, musi a tshi swika khae, zwi si thuse, ngauri o vha a tshi tou vha tshanda tshaula tsha hoyu mupapa; zworalo a vhulaya havha Vhakriste vho ḫadzwaho nga Muya Mukhethwa.

<sup>67</sup> Fhedzi Martin Mukhethwa a ḫoda u fara nyambedzano nae, huno vhalindakhoro vha mu imisa getheni. Zwo luga, Martin Mukhethwa a wa nga tshifhaṭuwo tshawe nahone a edela heneffo huno a rabela u swika Mudzimu a tshi mu sumbedza uri a dzhene. Musi a tshi takuwa hafho, a ya kha ayo mahothi o ḥokiwaho huno a vula nga one aŋe, a dzhena.

<sup>68</sup> Zwino, heyi ḫivhazwakale, hezwi a zwi tou vha muthu a tshi sokou ḫwala ngae, na zwiṭuku... Arali tshinwe tshithu, vha nga humbulela, arali hu tshinwe tshivhidzo tshi khou sokou amba; kana, ndi nga ri, khañwe, nga maanda tshivhidzo tsha mupapa, vha nga si ambe hezwo zwithu. Fhedzi, ni a vhona, ḫivhazwakale i topola ngoho. Ni a vhona?

<sup>69</sup> Huno hoyu munna a dzhena ngomu, Martin Mukhethwa, huno a fhira mulindakhoro muñwe na muñwe, na zwiñwe zweṭhe, a ya phanda ha muvhusi. Huno muvhusi o vha a sa khou ḫoda u ḫonifha mulanda wa Mudzimu. Ni a ḫivha, izwo—izwo a si—a si mikhwa. Ngauralo a sokou rembulusa ḫohoh yawe nahone

a si mu ḥonifhe. Ni a divha zwe Mudzimu a ita? A lingedza u amba nae huno a isa phanda na u dzungudza ḥoho yawe, huno Mudzimu o vha a tshi khou ya u ita uri hoyu mudzia u sa tenda a ḥonifhe mulanda Wawe. Ngauralo A dugisa zwithu, huno zwa mu fhisa tshiduloni tshawe, zwa mu takusa, a ima.

<sup>70</sup> Zwino izwo—zwino iyo ndi divhazwakale ya Bivhili, *Khoro ya Nicene*. O vha o tea u ḥonifha mulanda wa Mudzimu; O mu ita uri a ime. Zwo fhisa na tshidulo tshe a vha o dzula khatsho; mulilo wa gidima na muvhili wawe nahone wa fhisa tshidulo, huno a thamuwa henefho. Mudzimu u na ndila ya u ita zwithu, ni a divha. Uh-hum. “Mudzimu u ya kona uri nga haya matombo a vusele Abrahamu vhana.” Huno ni ya elelwa, uyo Mudzimu muthihi u dzula vhukati hashu madekwana a ḥamusi. Ndi Mudzimu muthihi. Zwo luga.

<sup>71</sup> Huno zwino liñwe line nda li takalela, huno ndi do kona u ima. Ndi na marñe hafha, fhedzi ndi wana... Zwino heli ndi lone le nda vha ndi tshi khou li funa, musi liñwe duvha o lindela vhathu vhawé, thabeloni kha lufhera lwawé lwa u gudela.

<sup>72</sup> Huno o—o vha a munna muhulu, nahone o hwala hetshi Tshivhidzo tsho dadzwaho nga Muya Mukhethwa, nahone a ri kherukanya rothe... Oo, o vha a... a vha ita uri vhothe vha dadzwe nga Muya, tshivhidzo tshawe tshothe. Na hothe u mona na shango, Vhakriste vho ita madembe na zwiga na vhutolo.

<sup>73</sup> Ni a vhona, Mudzimu u amba na murumiwa Wawe, murumiwa a amba na tshivhidzo. Huno ndi zwenezwo zwa itea, ni a vhona, U—U fara vhathu zwavho na ene u fana kha Mudzimu; ni a vhona, Muya Mukhethwa u tshi ela kha tshigwada tshavho.

<sup>74</sup> Zwifhinga zwinzhi musi vho vhulaiwa, vho vha vha tshi imisela vhashumeli nn̄da heneffo vhukati havho (sa *izwo*) vha vha vhulaya nga luthihi. Huno vhuvhi-de he vha ita kha avho vhathu! Vho vha fhisa. Vho dzhia vhanna vha vha ombela zwibigiri... kha matanda, huno vha vhofholola matarelo, kana... huno vha a litsha a la mutana wa muthu, a tshi kokodza mala avho phanda ha musi muthu a tshi nga fa. Vha tshi dzhia vhasadzi, vha tumula madamu avho a tshaula, vha vha litsha vha ima heneffo mibilu dzavho dzi tshi rwa, huno vha tou divhita u swika vha tshi welela, vha fa, sa zwenezwo. Vha dzhia vhana vhavho kha vhommē vho dihwalaho huno vha vha kanzwa dzinguluvhe na zwiñwe, vha litsha vhommē vha ima heneffo huno vha lavhelesa. Na zwithu zweño zwo fhambanaho!

<sup>75</sup> Zwino, ni nga si elekanyé uri vhathu vha dibulaho Vhukriste vha nga ita izwo. Fhedzi thetshelessani, Bivhili yo ri, Yesu o ri, “Zwi do itea hune vha do ni vhulaya, vha tshi elekanya uri vha khou itela Mudzimu tshumelo.” Ni a elelwa, uyo Yesu muthihi we a amba izwo, nga Muya muthihi, o zwi ambela maduvha a u fhedza hafhu. Zwi do itea. Arali hezwi zwiñwe zwo

tshimbilelana kokotolo na Luñwalo, lavhelesani ni vhone arali zwi sa tshimbilelani na Luñwalo na ñivhazwakale. Mudzimu o ri zwi ño itea, kheyi ñivhazwakale yo ri zwe itea; Mudzimu o ri zwi ño itea hafha, huno hafha ndi hune zwe itea. Ni a vhona, kokotolo. Zwenezwo ri khou ya u ita mini musi ri tshi swika kha Tshikhathi tsha Tshivhidzo tsha Laodekia (ni a vhona, hune ra vha hone zwino) nahone khombo na zwithu zwe ambiwa khatsho?

<sup>76</sup> Zworalo, zwino, zwenezwo hezwi, o vha a henefho a tshi khou rabela musi tshivhidzo tshawe tsho lindela. Huno ha bvelela muhumbeli vothini huno a khokhonya kha vothi lawe, huno a vula vothi (huno o vha o fareledzeya), huno a mu vhudza uri u khou ñoda yone—yone nguvho. O vha a fhedzi nahone a si na tshithu, ho vha hu khou rothola, huno a ri... A mu rumela thungo uri a ye a ambe na mudikoni muhulwane. Huno mudikoni muhulwane a dinaleya ngae huno a mu bvisela nnda. Huno musi a tshi ralo, zwa vhuya murahu, a vhuya murahu hafhu huno a vhudza Martin Mukhethwa uri ene—uri ene—uri mudikoni o mu bvisela nnda.

<sup>77</sup> Huno-ha, nga tshenetsho tshifhinga, mudikoni muhulwane a vhuya murahu huno a mu kaidza nag vhuhali, a ri, “Tshivhidzo tshau tsho u lindela! U khou vha lindedza!” Fhedzi o vha a kha thabelo. Ndi khwiñe a dzule kha thabelo u swika a tshi pfa u rangwaphanda nga Mudzimu uri a bve.

<sup>78</sup> Huno hoyu muhumbeli a vhuya murahu muñangoni. Huno Martin Mukhethwa a bvula nguvho yawe ya vhudi ene muñe huno a i ñeya muhumbeli, huno a amba na—na—na mudikoni muhulwane uri a ñuwe huno a dzhie ñiwe huno a mu ñisele. Zworalo a tea uri a dzhie nguvho, naho zwe ralo, a i ambadza Martin Mukhethwa. Huno a ambara nguvho yo davhukanaho phanda ha vhathu vhuzuloni ha nguvho ya vhudi.

<sup>79</sup> Ni a vhona zwi tou sumbedza uri: ñetshedzani zwa khwiñe zwine na vha nazwo, ñetshedzani vhutshilo hanu, netshedzani tshifhinga tshanu, netshedzani tshini na tshini kha Kristo. Huno wonoyo Muya muthihi we wa tshila kha Kristo, u tshila kha inwi, nahone—nahone ñuthuwedzo yanu kha vhadzulatsini vhanu na kha vhathu vhane na tshila navho, u do fana na ya Kristo u swika i tshi ño shuma zwithu zwithihi zwe Kristo a ita.

<sup>80</sup> Mafheleloni zwi ño vuledzeya hune vhathu vha dzula mirunzini nahone vha fhola. Izwo—izwo ndi zwone, hu tshi tou vha na maanda manzhi a lufuno u mona navho. Huno vha ri “Musi Martin Mukhethwa a tshi khou rera, murahu ha musi a tshi bvelela na nguvho yo davhukanaho, tshivhidzo tshothe tsho vhone u penya ha Tshedza u mona nae.” Uh-huh. Ni a vhona? Ni a vhona, ngauri o ita zwithu zwone.

<sup>81</sup> Itani zwone tshifhinga tshothe, mushumo wanu kha Mudzimu; elekanyani zwone, uyo ndi mushumo wanu kha inwi

muñe; nahone ni do bva ni muthu ene. Ndi zwone, ni tea u tou ralo.

<sup>82</sup> Zwino, ri khou ḥoda u thoma zwino kha u lingedza u thivhela ya u ḥalutshedza, madekwana a ḥamusi, ngauri Zwi khou shuma hafha nga maanda.

Zwino, *mururiwa wa tshivhidzo tsha Pergamoni mu nwalele; U ralo uyo a na lifhiraho la mut-...banga...banga li fhiraho la mutsheya hothe;*

<sup>83</sup> Zwino ndi khou ḥoda ni tshi dzhieila nzhele uri U khou Didivhadza hafhu madekwana a ḥamusi kha Vhumudzimu. Tshivhidzo tshiñwe na tshiñwe tsho vha huñwe ha u galafhadzwa Hawe: Ene we a vha a na naledzi dza fumimbili. . . kana “naledzi dza sumbe tshandani Tshawe, Ene a na banga li fhiraho la mutsheyahōthe,” ni a vhona, tshiñwe tshithu hafhu, “Ene a na milenzhe ya musinaseṭha, maṭo ane a gidima. . . nāndo ya mulilo.” U khou Didivhadza murahu kha Vhumudzimu Hawe.

<sup>84</sup> Zwino ni ri, “Vhumudzimu vhu dzula ngafhi kha izwi, ‘Ene a na banga la mutsheya hothe li tshi bva mulomoni Wawe?’”

<sup>85</sup> Zwo luga, *banga* ndi “Ipfi.” Vhahevheru 4, ro i dzhia mathomoni musi ri tshi amba uvho Vhumudzimu Hawe. Banga, ri wana Vhahevheru 4:12, ilo lo vha li, “Ipfi la Mudzimu lo vha li tshi tsheya u fhira banga la mutsheya hothe.” Ndi zwone? Ilo ndi Ipfi la Mudzimu. Ndi zwone? Zwino lavhelesani, ni na yo. . . wanani hedzi ḥhalutshedzo. Zwino tevhelelani Ipfi, Yohane Mukhethwa 1, “U rangani” (murahu-rahu) “Ipfi o vha e hone we a sika maṭadulu na lifhasi.” Ndi zwone? “Huno Ipfi o vha a na Mudzimu, nahone Ipfi o vha a Vhumudzimu. Huno Vhumudzimu ha itwa ḥama huno ha dzula vhukati hashu.” Ndi zwone? “Ipfi a itwa ḥama huno a dzula vhukati hashu.”

<sup>86</sup> Huno Ene khoyu o ima hafha, Ene we a vha a hone u rangani, “Vhudza izwi mururiwa wa tshivhidzo tsha—tsha Phega. . . Phegamosi. Mu vhudze izwi, ‘Ndi nne Ipfi la Mudzimu.’” Oo, ri Mu vhona ngei kha Nzumbululo, a tshi da na khanzu Yawe yo ngwandamedzwa kha malofha, khare kha ḥoħo Yawe, a tshi gidimisa bere tshen, nahone kha tshirumbi tshayu ho vha ho ḥiwalwa, “Ipfi la Mudzimu.” Oo, izwo ndi a zwi takalela. Ndi ene Ipfi, Ipfi la Mudzimu. Zworalo ri vhona hovhu Vhumudzimu hafha u rangani, u Didivhadza, U Ipfi.

<sup>87</sup> Zwino, arali A Ipfi li tshilaho, zwenezwo Hezwi zwo nwaliwaho kha Bivhili ndi tshipida Tshawe; zwenezwo arali na kona u ḥanganedza Hezwi, ngomu Hawe (ane a vha Ipfi), heli Ipfi li da kha inwi nga lutendo, Li iteni uri li tshile, ngauri li. . . Oo! Ni gavha Izwo! Ipfi li da kha inwi, arali Muya Mukhethwa u ngomu hafho, u ya tshila musi u tshi tou dzhena ngomu, nahone pfulufhedziso inwe na inwe ndi yone. A hu na tshithu. . . “Zworalo, arali na nga amba na heyva ‘Sudzuluwa,’ huno

ni si timatime mbiluni yanu.” Ngauri (mini?) ni Vhumudzimu vhu no khou amba. Ni a zwi tenda? Bivhili yo ralo. Nahone tshini na tshini tshire na amba tshi do vuledzeya arali ni sa timatimi, arali na nga bvisa zweithe zwa lone—lone shango ngomu hanu, na tendela Muya Mukhethwa a tshi ni ita murwa na rwananyana o fhelelaho wa Mudzimu: hu si na shango, hu si na khaṭhulo, hu si na u timatima. Ndi mini, zwenezwo? A hu tsha vha inwi, ndi Mudzimu ngomu hanu. Zwenezwo ni dzhia Ipfi Lawe, Ndi pfulufhedziso, na ri, “Khotsi, ndi pfulufhedziso Yau.” “Sathane, . . .” Tshiñwe tshithu tshi tea u itea. Ni a vhona? Ni a vhona?

<sup>88</sup> Zwino, izwo ni nga si zwi ite u swika Mudzimu o no no dzumbululela uri izwo zwithu zwi tea u vha mini. Ni a vhona? Zwenezwo musi ni tshi divha uri izwo zwi do vha mini, zwenezwo ni ya kona uri, sa Yesu. O vha a Ipfi. Ndi zwone? Huno Yesu, muthu, theberenakele, a ri, “A thi iti tshithu u swika Khotsi vha tshi ranga u Ntsumbedza.”

<sup>89</sup> Zwenezwo a zwi tsha vha Ipfi hafho u swika zwi tshi vhonadzwa kha inwi. Ni khou zwi wana? Ngazwo vhatu vha tshi ri “mađuvha a mađembe o fhira,” Ipfi a lo ngo vhonadzwa khavho. Ngazwo vha sa tendi kha Muya Mukhethwa, Ipfi a lo ngo vhonadzwa khavho. Ngazwo vha sa koni u vhona nzumbululo ya ndovhedzo Dzinani la Yesu Kristo, lone Ipfi a li athu u vhonadzwa khavho; huno a vha na Luñwalo lwa u tshimbila ngalwo, a hu na fhethu hune muñwe muthu o vhuya a lovhedzwa nga inwe ndila.

<sup>90</sup> Malugana na Muya Mukhethwa, Bivhili yo ri “A hu na muthu ane a nga vhidza Yesu ene Kristo, fhedzi nga Muya Mukhethwa fhedzi,” huno vhatu vha ri a vha tendi uri Muya Mukhethwa ndi wone. Ni a vhona? Ni a vhona, a zwe ngo itelwa vhone. Yesu o ri, “A hu na muthu ane a nga da ha Nñe nnđani ha musi Khotsi Anga vho ranga u mu kokodza. Nahone vhothe vhe Khotsi a ralo” (tshifhinga tsho fhiraho) “u Mpha vhone vha do da kha Nñe.” Oo, izwo a si zwa vhudi! “Vhothe vhe Khotsi a Mpha, vha do da kha Nñe. A hu na na muthihi wavho ane a do xela nnđani ha murwa wa tshinyalo, nahone Ndi do . . . (o bebelwa yeneyo ndivho), huno Ndi do mu vusa hafhu nga ḫuvha la u fhedzisela.”

<sup>91</sup> Yawee, nñe-nñe! Ndi heneffo hune madzina ashu o vheiwā kha Bugu ya Ngwana ya Vhutshilo: u bva tshe shango la sikwa. Izwo a zwe ngo naka! Ri timatima hani?

<sup>92</sup> O Mudzimu, bvisela kule u timatima vhukati hashu, itau rubisa mbilu dzashu dzi ḫungufhadzaho u swika hune a hu nga vhi na u timatima na luthihi vhukati hashu. Iyo ndi thabelo yanga. Itau bvisa u timatima hothe, Murena. Ntendele ndi tshile zwa vhuđi, nga u ḫitukufhadza, nahone ndi tshimbile sa—sa ngwana ya Mudzimu kha ḫifhasi. Tendela—ntendele ndi tshimbile sa zwe A tshimbila. Ntendele ndi ambe sa zwe A amba. Tendela ḫuṭhulo yanga i fane na ḫuṭhulo Yawe. Tendela—

ntendele . . . Tendela vhañwe vha wane Yesu kha nne. Ntendele ndi ɖivhofholole nahone ndi zwi wane, Murena, kha Iwe. Ndi zwenezwo, ntendele ndi ɖivhofholole nahone ndi zwi wane kha Iwe; ndi ɖikuvhatedze nga Kristo u swika hu si na lufhera lwa u timatima, hu vhe zwine A amba fhedzi.

<sup>93</sup> Zwino, ni so ngo bvela nn̄da hafha na ri, “Vhugala kha Mudzimu! Hałeluya! Kha hu rendwe Mudzimu! Ni a vhona zwine nda kona u ita? Vhugala kha Mudzimu!” A ni athu u Zwi wana. Heyo a si yone ndila ye A zwi ita ngayo, hai, u imisa khana Yawe a ri, “Ni a vhona zwine Nda kona u ita? Ee, munę wanga. Ndi kh- . . .” Hai. Ho ngo vhuya a dzhia thendo, O dzi neya Mudzimu nahone a tshimbila nga u ɖitukufhadza nahone nga vhulenda, na maya wo raloho u mona Nae u swika vhathe vha tshi funa u vha tsini Hae. Maswina Awe fhedzi. . . Huno A vha funa lwo edanaho u swika A tshi ita na u vha rabelela tshifhinga tshołhe, tshifhinga tshołhe. Huno iyo yo vha i tsumbo yanu, tsumbo yanga, u itela vhañwe vhunga O itela riñe.

<sup>94</sup> Zwino, ri khou ḥoda u dzhiela nzhele hafha hafhu, kha ndimana ya vhu2, iyo ine i nga vha ya vhu13:

*Mishumo yau ndi ya i ɖivha, na—na hune wa dzula hone, na . . . tshidulo tsha Sathane . . . na uri iwe wo farelela dzina Łanga, nahone a wo ngo landula lutendo lwanga, . . .*

<sup>95</sup> Ni a vhona, vha khou tshila hune Sathane o dzula hone, u swika hune vha vhulunga Dzina ḥa Yesu. Ni a vhona, “Nahone a wo ngo landula lutendo Lwanga.” Ndi lutendo lwa hani lwe A vha neya? Lutendo lwa Pentekostala, ngei u rangani. Vho vha vha na lutendo lwa Nikolaiti afho, dzangano ḥa tshivhidzo, na zwiñwe zwinzhi, vho vha vha tshi khou fhaṭa vha tshi gonya, tshvhidzo tshi tshi khou thoma u tshila fhasi ha dzangano; fhedzi A ri, “No ḥutshela kule na izwo, wo zwi vhenga, na Nne ndi ralo. Huno a wo ngo landula Dzina Łanga; a wo ngo tevhela maitele avho matuku a kale na zwiñwe, wo dzula tswititi kha Dzina Łanga. Nahone u tshe na lutendo Lwanga u fana na zwe zwa vha zwo ralo mathomoni.” Oo, izwo ndi a zwi takalela!

*. . . a wo ngo landula lutendo lwanga, u fana na avho maduvhani ane . . . (Ndi kholwa ni amba izwo sa A-n-t-i-p-a) . . . Antipasi muvhulaiwa wanga a fulufhedzeyaho, we a vhulaiwa vhukati hanu, heneffo hune Sathane a dzula hone.*

<sup>96</sup> Ndi khou ya u ima heneffo lwa miniti. “Tshidulo tsha Sathane.” Ri khou ḥoda u guda kha hezwi zwithu, ndi khou ḥoda ni tshi Zwi fara. Ni ɖivhudze uri ni ralo, zwino. “Sathane, tshidulo.” Zwino, Mudzimu o ɖivhadza kha Genesi uri tshidulo tsha Sathane tsho vha tshi ngafhi, huno afho ho vha hu Babele. Ho dzulēla u vha tshidulo tsha Sathane, huno kha Nzumbululo

zwo vha zwo ralo. Fhedzi, arali na dzhiela nzhele, Babele yo dishandukisa u bva kha *vhuhedeni* u ya kha “vhupapa.”

<sup>97</sup> Huno miñwahani yo fhiraho, kana phanda ha musi hezwi zwi tshi itea (miñwaha i si gathi), Tshidulo tsha Sathane tsho fhaña khulu... Ndi a kholwa ni do mu vhidza tshif-... khosi-tshifhe wa Vhakaladea. Muvhusi wa Babele a shandukisa tshidulo tshawe musi Vhaperesi vha tshi khou mu tovholia, nahone a tutshela Babele. Dzina lawe o vha a tshi pfi A-t-t-a-l-u-s, Attalus, khosi-tshifhe muhulu wa Babele. Musi Vhaperesi vha tshi da nahone vha tshi khou dzhia Babele, vha tshi pandela Vhakaladea; Attalus, khosi-tshifhe wawho, a shavha nahone a dzhia tshidulo tshawe ngei Pargamoni. “Thone *tshidulo tsha Sathane* ndi hune no dzula hone.” Ni khou zwi wana?

<sup>98</sup> Zwino, ndi ngazwo ndi tshi humela murahu nda dzhia heyi divhazwakale kha divhazwakale ya tshivhidzo, nda wana hune... kha zwe zwa itea musi A tshi ri, “Ni khou dzula hune ha vha na tshidulo tsha Sathane.”

<sup>99</sup> Nda elekanya, “Zwo luga, afho hu nga vha ngafhi, tshiñwe tshithu, ‘tshidulo tsha Sathane?’” Zwenezwo nda wanulusa uri heyi khosi khulu, murahu ha musi a tshi khou shavha u bva kha u kundwa nga Vhaperesi vhe vha dzhia (u ya nga bono la Daniele), o ña kha heyi dorobo ya Pergamoni, ngei Roma, huno a ita musanda wawe heneffo. Sathane o pfulusa musanda wawe u bva ngei Babele a u disa Phegamosi, hune (phanda) u do thoma inwe Babele. Oo, nñe-nñe! Zwino ni ya wana vhubvo ha hune ra vha hone. Zwo luga.

<sup>100</sup> Zwino, huno heneffo a vhulaya hoyu murathu wa vhudi, o vhulaiwa heneffo, Antipasi.

<sup>101</sup> Zwenezwo a shandukisa maitele awe. Mathomoni o vha a mutovholi wa Vhakriste. Oo, o vha a tshi vhenga hani Vhukriste! Huno o vha a khosi-tshifhe ene muñe, muhededemi nga mvelo na maitele. Zwenezwo a shandukisa maitele awe huno a pfumetzana na Constantine.

<sup>102</sup> Constantine o vha a tshi dzulela u lavhelesa (huno ñamusi ndi nga vhupapa) vhubvo ha Knights ya Columbus, zwino, we a neya hezwo muano wa malofha. Fhedzi Constantine (Ndi amba hezwi nga vhudziki na ñhonifho), u ya nga ndila ye nda vhala kha divhazwakale, ho ngo vhuya a shandukiswa.

<sup>103</sup> Zwino, o lora muloro vhuñwe vhusiku, uri arali a... o vhona tshifhambano, huno a ri nga hezwi u do kunda nndwa; huno a... ngauri o fulufhedzisa mbofholowo kha Vhakriste, a ri u do vha Mukritse, arali vha mu rabelisa uri a kunde nndwani. Huno ndo ima burohoni heneffo, ndi hone he... kha liñwe sia la buroho yavho, o edela, a lora muloro; huno a vuwa, huno a pennda tshifhambano tshitshena kha mapfumo awe na a maswole vhawé. Huno ndi heneffo he ha vhumbiwa Knights dza Columbus dzine dzi fhasi ha vhuvhusi ha Katolika ya

Roma. Fhedzi ho ngo vhuya a ita tshithu na tshithihi tsha vhurereli; tshithu tshi tsho<sup>the</sup> tshe a vhuya a ita tshe tsha nwaliwa kha divhazwakale, u ya nga he nda vhone, ho vha, o vheya tshifhambano nthia ha Tshivhidzo tsha St. Sophia. (Huh!) Fhedzi o vha a rapolotiki, huno musi a muvhusi wa Roma nga itsho tshifhinga, ene na hoyu tshifhe wa muhedeni, vho<sup>the</sup>, vho ambedzana nahone vha bveledza tshivhidzo tshi dudelaho tshe nga itsho tshifhinga tsho vha tshi tshi vhidzwa Vhanikolatini. Vhukriste, vhune ho vha ho digogodedza nga vhotshifhe, nahone vho zwi <sup>loda</sup> tshivhidzoni tshawho, izwo ro zwi dzhia kha ngudo dzi daho dza tshivhidzo tsha Efesa, na zwinwe, na-na Simirina; avho Vhanikolatini.

<sup>104</sup> Zwino Vhanikolatini vho no vha...hu si “mishumo” sa zwe zwa vha zwo ralo ngei murahu u rangani *hafha*, fhedzi *hafha* ndi “pfunzo.” *Hafha* zwo vha zwi “mishumo,” vho vha vha kha ditou lingedza u i dzenisa ngomu; fhedzi hafha kha tshikhath<sup>i</sup> tsha vhurar<sup>u</sup> tsha tshivhidzo yo no vha “pfunzo,” vhotshifhe vhahulu, vhatu vhahulu. Vho vha vha sa athu u vhidzwa upfi vhapapa, zwino; fhedzi vho vhidzwa u ralo, vhunga, mabishopho mahulwane, vhatu vhahulu, ni a divha, miswonda. Huno pfunzo dzavho, dzo vha, dzi dza maitele.

<sup>105</sup> Vho vha vha tshi khou <sup>l</sup>tutshela kule na tsho dadzwaho nga Muya, Tshivhidzo tshi rangiwaho phanda nga Muya Mukhethwa. Vho vha tendela vha bva sa kugwada ku<sup>l</sup>uku huno vha vha vhidza “vhapengo,” ngauri vho vha vha sa tendelani navho vha tshi vha na dzidinomineisheni khulu. Fhedzi Tshivhidzo tsho vha tshi tshi khou <sup>l</sup>oda u dzula tsho vhofholowa phasi ha mulayo, phasi ha maanda a Muya Mukhethwa sa zwe Kristo a vha fulufhedzisa; U do vha navho, nahone ho vha hu ene Khosi yavho. Oo! Khosi yavho!

<sup>106</sup> Tshivhidzo tsha vhukuma a tshi athu u shandukisa maitele atsho, hu si u vhuswa nga inwe bodo ya—ya...a thi divhi uri ni vha vhidza mini nnda hafho, vhafunzi, na vhabishopho, na vhapapa, vha sa kundelwi. Ri tenda uri hu na Muthihi a sa kundelwi, Ndi ene Khosi yashu, Ndi Yesu Kristo a na ri<sup>ne</sup> zwino kha tshivhumbeo tsha Muya Mukhethwa; Mudzimu ngomu hashu, a tshi tshila vhukati hashu, a tshi ri rangaphanda na uri endedzela madini a Vhutshilo, a tshi Didivhis; a tshi sumbedza, sa zwe A ita vhukati ha avho vhakhethwa vha kale na vha vhulaiwa, uri ndi Ene Murena Mudzimu wa tsiko, a tshi fhodza vhalwadze, a tshi vusa vhafu, a tshi sumbedza mabono, a tshi pandela vhodiabolo.

<sup>107</sup> Na linwe duvha ndi nga si poidze tshithu na tshithihi, tsha vho<sup>the</sup> vhabishopho vha tshivhidzo tsha Vhanikolatini tshe tsha vhumba vhuvhusi ha Roma, mupapa; a hu na na tshifhinga na tshithihi kha divhazwakale hune ra vha na rekmodo ya mu<sup>in</sup>we wa havho vhabishopho a tshi vhuya a vusa mufu, kana tshi<sup>in</sup>we tshithu tshi ngaho tshenetsho, ngauri Kristo (mvuwo) o vha a

si ho mibiluni dzavho. Vho ambedzana nahone vha dzhena kha dinomineisheni, vha rengisa pfanelo dza mabebo avho. Fhedzi Tshivhidzo tsha Mudzimu a tshilaho tshi na maanda a Kristo, tshiñwe tshivhidzo tshi na vhahulisei khatsho; fhedzi Tshivhidzo tsha ngoho tsho dzula na Muya. Ni khou pfectes? Zwo luga.

<sup>108</sup> Zwino hezwi... Zworalo Constantine, uri a pombedze muvhuso wawe u vhe tshithu tshithihi, khezwi zwe a ita. A dzhia havho Vhanikolatini, nahone a ya khavho (zwe zwa vha zwi tshivhumbeo tsha Vhukriste). Ni khou zwi pfectes zwa vhudi? Vho vha vha Vhakriste, vha vhidzwa zwavho; vha qibula u vha Vhakriste, vha si na Muya Mukhethwa. Oo, ndi tama izwo zwi tshi dzhena ngomu uri ni si zwi litshe zwa lozweya. Ni a vhona? Vho vha vha Vhakriste, Vhakriste vha dinomineisheni, vha si na Muya Mukhethwa. Vho vha vha Vhakriste nga dzina, vho vha vha Vhakriste nga u kuvhangana havho nga tshavho, vho la tshilalelo, vho tevhedza mbekanyo dzavho; fhedzi, vha landula u rangwaphaphanda nga Muya Mukhethwa. Vho vha vha si na zwiga na vhuñolo vhukati havho, vho ri izwo zwithu ndi zwa tshifhinga tsho fhiraho; vha ri vha tea u vheya tshivhidzo uri tshi vhuse. Ri do dzhena khazwo nga minti, vhuvhusi ha hani. Ni a vhona?

<sup>109</sup> Zwino, Tshivhidzo tsha Muya Mukhethwa tshi tea u Difarela kule na hezwo zwithu. Fhedzi, ngei Phegamosi, zwo divhadzwa *muruñwa* wa tshivhidzo tsha Phegamosi. Ni a vhona? Ngauri Zwo vha zwi vhudifhinduleli hawe uri a zwi ite.

<sup>110</sup> Fhedzi Constantine o vha a si na dzangalelo kha Vhukriste, vha a khou tqoda u dzenisa vhomakhulu wawe vha vhahedeni, tshivhidzo tshawe tsha vhuhedeni. Huno Laodekia ine yo tqoka midzi nahone... kana Vhanikolatini ine yo tqoka midzi nahone ya ima ngei Roma nahone yo ita misumbedzo mihulu, nahone vhathu vhanzhi vho vha vha vhatendi vha Vhakriste (vha vhiswaho nga u ralo), vhathu zwavho. Huno Tshivhidzo tshavhukuma tsho vha tshi tshigwada tshituku; tsho dzulela u ralo nahone tsho ralo! Ndi khou ya u lindela lwa miniti, tendelani izwo zwi dzhene nga ngomu. Ni a vhona?

<sup>111</sup> Elelwani, Tshivhidzo tshavhukuma tsho dzulela u vha tshigwada tshiñku tsho rahelwaho nn̄da nga zwiñwe zwivhidzo. Tshivhidzo tsha vhukuma a tshi athu u vhuya tsha vhumba dzangano, ngauri a si tsitzhili, ndi Muyhili muhulu wa Yesu Kristo u tshilaho kha lifhasi, Muya Mukhethwa u tshi tshimbila kha heyi mirado. Zworalo ni nga si ite Kristo dzangano, ni nga si zwi ite. Ndi khou tqoda ni tshi farelela kha hezwo u itela Tshikhathi tsha Laodekia, zwino. Huno ni zwi elelwani nahone ni zwi fare, ngauri Ipfi linwe na linwe line nda amba li kha heyi theiphi. Huno zwino elelwani, zwi vheye ni muhumbuloni: Tshivhidzo tsha ngoho tsha Mudzimu a tshi athu u vhuya tsha vha dzangano.

<sup>112</sup> Tshivhidzo tsha Katolika tsho vha tshone dzangano la u thoma le la vhuya la divhiwa kha shango, ho vha hu sa athu u vhuya ha vha na dzangano, nahone ndi—ndi tshone “mme tshivhidzo” sa zwine Vhakatolika vha zwi amba. Ndi tshone “mme tshivhidzo.” Mme a zwivhidzo zwa madzangano. Bivhili i ri tsho ralo, ni nga si hanedze Izwo. Musi vha tshi ri “Itsho ndi tshome tshivhidzo tshi re mme,” ndi tshone tshivhidzo tshi re mme. Tsho ambiwa kha Nzumbululo 17, ri khou ya u dzhena khatsho tswititi. Zwo luga.

<sup>113</sup> Zwino, zworalo Constantine, a na hezwi muhumbuloni wawe zwa u maandafhadza muvhuso wawe (sa zwine Roma ya dzulela u ita, u fara khono dza shango), a tea u dzenisa mihibumbulo yawe ya vhuhedeni huno a dzhia mihibumbulo ya Vhakriste, nahone nga inwe ndila a zwi tumekanya zweathe, u vhofhekanya hezwi zweathe na u diitela muvhuso une a u nga sendeli kha munwe. Ni a vhona? Ngauri o vha a...Izwo zwi do mu ita muvhusi muhulu shangoni, Constantine.

<sup>114</sup> Huno zwi tshi tevhela tshanduko: o vha a—o vha a rapolotiki, fhedzi hu si mukhethwa wa Mudzimu, sa zwine vhañwe vhavho vha lingedza u mu ita. O vha a so ngo ralo! A hu na na tshithu na tshithihi tshe a vhuya a tshi ita tshe tsha unga sa Tshikriste kha nne. Zworalo kha vha zwivhidzo zwa Vhanikolatini a vheya tshifhambo; huno u ya kha zwine o vhuya a ita zwine zwa vhonala sa Tshikriste, a tho ngo vhuya nda zwi vhona; nnđani ha musi a...uvho vhusiku a zwi pennda kha mapfumo awe sa heneffo ngauri o vha na muloro, Vhakriste vho vha tshi khou mu rabelela uri a kunde nndwani.

<sup>115</sup> Zwino, zwenezwo zwi do khwañthisa muvhuso wawe. Huno uri a ite hezwi, a dzenisa u pembela ha vhuhedeni, kha tshivhidzo tsha Vhanikolatini tsha Tshikriste. Ndi do tshi vhidza tshivhidzo zwatsho tsha dinomineisheni tshe tsha vha tshi tshi khou vhumbeya. A dzenisa u pembela ha vhuhedeni kha tshivhidzo tsha Vhanikolaiti, huno ayo a vha mabebo a Vhukatolika.

<sup>116</sup> Zwino, murathu, ndi khou topola divhazwakale. Ndi na khonani dza zwigidi dza Katolika, nahone vha tou vha khonani u fana na Vhaphurositente. Fhedzi Phurositente i nga si huwelele, itanu lindela u swika madekwana a ñamusi a tshi fhela, ni a vhona. Ni a vhona? Ni khou ya u zwi vhona uri vho ita zwithu zwithihi. Bodo a i koni u vhidza gedela “u swifhala.” Ni a vhona, ngauri ndi—ndi zwithu zwithihi, maya muthihi wo dzhena vhukati havho. Huno ni khou ya u vhona uri ndi ngani ndi tshi dzula ndi tshi khou haçula izwo zwithu. Ngauri zwo khakheya! Maya muthihi ngomu hanga, arali nda lingedza u ralo, huno tshiñwe tshithu ngomu hanga tshi a huwelela, a thi koni u fhumulela izwo, ndi dzulela u ralo. Vha vhidza... .

<sup>117</sup> Vhanna vhahulu, vharangaphanda vhahulu vha vhurereli vho mmbudza, “U do tshinya vhushumeli hau. Mukomana Branham, u khou ita hezwi” vha ri, “izwo—izwo a si mushumo wau. Mudzimu o u vhidzela u rabelela vhalwadze.”

<sup>118</sup> Mudzimu o mmbidzela u ita zwi fhiraho u rabelela vhalwadze. Vhulwadze tshi tou vha tshithu tshithihi tsha u kunga mihibulo ya vhathu, huno ndi zwenezwo fhedzi; u lwala, u rabelela vhalwadze ndi zwithu zwičuku. Ni a vhona? Wone *Mulaedza* ndi zwine ra khou amba ngazwo. Hezwo zwithu zwi khou humela murahu; vhulwadze, muthu, muthu a lwalaho a nga fhola huno a dovha a fa. Fhedzi muthu o bebwaho nga Muya wa Mudzimu u na Vhutshilo Vhu Sa Fheli. Zworalo Mudzimu ha sokou tshimbila a tshi fhodza vhalwadze sa hezwo. Iyo mpho i tshivhidzoni u itela muvhili wa hayani; i kha muňwe, ya vha kha muňwe, nahone ya vha kha muňwe, nahone ya da kha muňwe. Ni a vhona? Idzo, dzimpho, dzi tshimbila kha tshivhidzo. Fhedzi Zwi fhira hezwo, nahone ndi fulufhela uri ni ya Zwi gavha. Zwo luga.

<sup>119</sup> Mabebo a Vhukatolika, uri i ite hezwi, u gavha one—one mačo a Vhakriste na mačo a vhahedeni, u vha pačekanya vha vha tshithu tshithihi nahone vha ita tshivhidzo tshithihi.

<sup>120</sup> Oo, ndi tama ndo vha ndi na izwo zwino, tshipida tsha bammbiri tshe muňwe muthu a tshi vheya hafha vhuňwe vhusiku. Ndo vha ndi khou ya u da natsho, huno nda tshi hangwa; hu na zwithu zwinzhi hafho lufherani. Vha khou ita zwithu zwithihi zwino, huno no zwi thoma musi ni tshi khetha munna wa u fhedza we na khetha. Vha khou shuma zwino u wana Bivhili ine a i nga vhaisi Katolika, kana Muyuda, kana Phuroositente. Vha khou ya u vha itēla Bivhili ine ya do tendelana na zwithu zwečhe. A ni koni u vhona vhučali ha muňwe Constantine? Divhazwakale i khou didovholola. Zwino, ni a vhona, huno ndi na . . . No mpfa ndi tshi zwi vhala vhuňwe vhusiku, a no ngo ralo? Huno ndi—ndi nayo yo dzula hayani, huno ndi kale vha tshi khou shumana nayo.

<sup>121</sup> Zwino vha ri, “Nga '62 vha do . . .” Huno dzhielani nzhele Mupapa John XXII o da k—. . . o humbelia vhanačyana vhothe vha zwivhidzo uri vha vhuye murahu hayani kha tshivhidzo tshine tsha vha mme. Ni so ngo whilahela, tshi do ralo. Vha do ralo! Tshi khou ya, vho vhuya kale murahu. A vha tei u humela murahu, vho dzula vha heneffo zwino.

<sup>122</sup> Sa zwe nda vha ndi tshi khou amba, “Lino shango lo ri, ‘Zwo luga, arali Vho. Kennedy vha khethiwa, Katolika i do dzhia ndango.’” U dzhia ndango? Yo no zwi ita ndi kale, huno a no ngo divha tshithu ngazwo. Ndi nnyi ane a badela vhadededzi vhavho? Vha wana hani izwi zwithu uri zwi ye zwikoloni zwavho, nahone vha khou funza Vhukatolika zwikoloni? Huno vhoinwi vha badeli vha mithelo ni a zwi badela. Oo, heneffo phanda hanu, ni

a vhona, sa zwenezwo. Oo, nne-nne, o shuma hani! Huno Bivhili i ri u do li dzhia nga vhufhura, huno o ralo; ni a vhona, ndi zwone; ni a vhona, ni so ngo badela muthelo wa tshithu. Ngauralo, oo, hu na zwinzhi zwine zwi nga ambiwa hafha. Ndi do tou tea u tumula henefha, huno nda humela murahu u gavha zwila.

<sup>123</sup> Uri izwi zwithu zwi tshimbile, Constantine o dzudzanya mitambo minzhi ya shango uri zwi kunge zwipfi zwa vhothe vhahedeni na Vhakriste ngomu tshivhidzoni. Ni a londola zwithu zwa tshimuya? Ni khou elekanya? Naa uyo a si Mulaedza wa Awara? Tshivhidzo tshi na mutambo wa bankho, madikiṭa, dzi a netshedza mimodoro, huno u tou itela uri vha ṭangane. U tumanyisa maanda u swika vha tshi wana fhethu ha u rwa. Henefha.

<sup>124</sup> Zwino, iyo ndi divhazwakale, muñwe muthu ha na—ha na mbado ya u padukanya, vha tou topola zwe zwa itea. Fhedzi o ralo, o ȳumanyisa tshivhidzo nga u vha na mimvumvuso ya shango, uri a ȳumanyise tshivhidzo tsha Vhanikolatini. Zwino elelwani, o vha a sa koni u kwama itsho Tshivhidzo tsho bebwaho hafhu. Hai, muñe wanga, na muthihi wavho zwawe. Fhedzi tshivhidzo zwatsho tsha Vhanikolatini tsho fhurea ngazwo.

<sup>125</sup> Huno ri na mini kha zwivhidzo zwashu zwa Phuroositente? Zwiswiṭulo zwa swobo, mimvumvuso, zwigirigiri, (Oo, nne-nne!) madzhamburusele, na zwiñwe zweithe. Zwino, ni a zwi divha uri heyo ndi ngoho. Zwo luga, zwino, arali izwo—arali izwo hu Ipfi la Mudzimu, dzikhonani, ndi Ngoho. Huno zwivhidzo zweithe zwa Phuroositente zwi na mulandu! Ni a vhona?

<sup>126</sup> Zwino, a zwo ngo vhuya zwa vha ndivho ya Mudzimu u—u la zwiswiṭulo zwa swobo na u tshina kha mbande, na izwo zweithe zwi tshi itea, u holela mufunzi na zwiñwe. Arali vhathu vho tou funziwa u badela tshafumi tshavho, zwo vha zwi tshi do vha zwenezwo. Iyo ndi ndivho ya Mudzimu. Fhedzi Mudzimu u na ndivho, fhedzi muthu u khou ṭoda u ita ndivho yawe, a ṭanganyisa na ndivho ya Mudzimu. Zwo luga.

<sup>127</sup> Zwino, nga u ita hezwi, vho dzudzanya nahone vha ita tsha kale...vha vhumba tshivhidzo tsha u thoma tsha Katolika, nga murahu. Zwenezwo kha Khoro khulwane ya u thoma ya Nicene...Musi ndi tshi vhala izwo, ndo tou wa nga magona anga. Khoro khulu ya Nicene yo itea nga A.D. 325, vhothe vho vha vho ṭanganyiswa, vhabishopo na vhokhotsi vha lutendo lwa Tshikriste vho ṭanganyiswa hangei Nicaea. Ndi ngazwo i tshi vhidzwa u pfi Khoro ya Nicaea, nga A.D. 325. Huno vhaimeleli vho tendaho madana a fumithanu vha da kha—kha—kha muñangano, kana khoro, vhaimeleli vha tendaho madana a fumiñhanu, huno vhathu zwavho vha dala u fhira mabishopo nga vhañanu kha muthihi (kha vhuimeleli); fhedzi, nga Vhunokalatini (tshivhidzo zwatsho tshi rotholaho) na ndivho ya politiki ya Constantine, vha khetha u fhira Tshivhidzo

tsha ngoho nahone vha kunda gundo, nahone vha dzhenisa mabishopho na mbekanyo dza vhanna vhakhethwa; zwi tshi bvisa wone—wone Muya Mukhethwa kha muṭangano, huno zwa vheiwā kha mabishopho, vhafunzi, na vhapapa, na zwiñwe.

<sup>128</sup> Maitele mathihi a vhufhura e dzangano la Democrat la ita kha hezwi zwithu zwa u fhedza! Zwino, ndi zwone. Zwino, a ri...ndi nga... Huno vha Republicans vha vha fhasi. Fhedzi ndi khou amba nga tshithu tshithihi tshe vha sumbedza (Edgar Hoover) ngei California, na huñwe fhethu hunzhi: vho vheya iyo mitshini ya u khetha fhethu hune na tea u khetha Vho. Nixon, ni tshi khou tea u khetha vho—vho Kennedy nga tshifhinga tshithihi. Ho ngo vha na tshikhala. Zwo luga, zwino ngauri vho sumbedza izwo sa “zwo khakheyaho,” zwenezwo ndi ngani vha sa iti tshithu ngazwo? Ri khou tshila kha yeneyo awara, ndi zwenezwo, ri vhufheloni. Vha ya zwi ḥivha, vho sumbedza uri vha dzimbava, huno zwino a vha nga iti tshithu ngazwo.

<sup>129</sup> Ayo o vha maitele a vhufhura murahu ngei, zwino afha ndi mabebo ao hafhu: u swika kha muthu mukene, u swika kha pfunzo nkene; pfunzo ya Vhanikolatini, ye tshiñwe tshifhinga yo vha i tshi tou vha yone—yone *mishumo*, zwino yo no vha “pfunzo.” Maduvhani a Al Smith yo vha i *mishumo*, fhedzi zwino ndi “pfunzo.” Uh-huh, uh-huh. Zwino zwi fhano, zwi kha rine. “Oo, u do vha muphuresidente wa vhudi,” izwo a zwi timatimisi muhumbuloni wanga; zwo tou ralo, kha itsyo tshikhala tshi no khou tevhela, u swika a tshi dzheniswa ngomu, a ḥumanya hovhu vhuhedeni na Vhukriste zwaho.

<sup>130</sup> Vha khou ita Dzibivhili, vha khou lingedza u dici ḥumanya, vhapapa, vhakhadinala. Mubishopho muhulu wa England, mubishopho muhulu wa Canterbury, ndo tangana nae, nda khađana nae, nda amba nae, nne, musi ndi ngei England; o ambara zwipataho u tou swika khunduni dzawe, huno (Oo!) a tshi vhonala sa muthu a ambaraho lu no seisa. Fhedzi o ya a dalela mupapa, lwa u tou thoma vha tshi dalelana u bva tsha miñwaha ya mađana. Ndi mini? Ri kha awara ya u fhedza!

<sup>131</sup> Ndi ngazwo ndo ima fhano madekwana a ḥamusi vhudzuloni ha hafha nn̄da huñwe fhethu fhethu kha pułatífomo ndi tshi lingedza u rera na u rabelela vhalwadze. Huno a thi koni u tangana navho vhothe kha dzipułatífomo (heyi milaedza i tshi ḥovholola), huno ndi ngazwo ri tshi khou I dzhia nga theiphi nahone ra I rumela shangoni, uri vha tsivhudziwe huno vha vhuye murahu kha Lutendo.

<sup>132</sup> Na magumoni a tshikhathi tsha Vhakriste, Yuda, phanda ha musi Bugu ya Nzumbululo i tshi nwaliwa; Yuda Mukhethwa, o vha o tea u vha murathu (murathu wa u ḥumelela) wa Yesu, a ri, “Ndi khou ḥoda ni tshi farelela nga vhungoho kha Lutendo lwe lwa vhuya lwa ḥetshedzwa vhakhethwa.” Vho vha vho thoma u

lu ḥutshela zwenezwo, murahu ha lufu lwa Murena Yesu. Huno lu v̄hukule vhu ngafhani madekwana a ḥamus? Ni a vhona.

<sup>133</sup> Zwino, Khoro ya u thoma ya Nicene, huno yo itea nga A.D. 330...325. Hu na vhaimeleli vha tendaho madana a fumiṭhanuna vhabishopho vho dzhenelela uyo muṭangano, fhedzi vha vha kunda, kha vhuñwe vhutsi, khoro ye ya vha yo ṭanganana. Huno vha vha kunda, huno vha khetha uri Vhanikolatini vhu dzhie ndango, huno izwo ho vha hu u dzhia tshone...tshone tshivhidzo tshoṭhe, nahone tsha vheiwa fhasi ha ndaulo ya vhapapa kana—kana vhabishopho, kana tshiñwe tshithu; u dzhia maanda vha a u vhusa a Tshivhidzo vha a ḥea vhabishopho, na uri vhabishopho vha vhuse tshivhidzo nahone vha vhe vhone vhane vha vha na zwine vha amba Ngatsho vhe vhoṭhe.

<sup>134</sup> No vhuya na limuwa tshivhidzo tsha Katolika ḥamus? “Ni nga si vhuye na vhala iyo Bivhili, a si ya u ṭalutshedza nga inwi. Mubishopho.” Ni a vhona uri zwi bva ngafhi? Zwino ni nga kona u vhona uri Vhanikolaiti ho vha hu hani phanda ha musi vhu tshi thoma u huwelela na u kokovha. Ho bebwa heneffho. Ndi ngoho. Nahone ho vha hu tshivhumbeo tsha Vhukriste; zwi kha di vha zwo ralo!

<sup>135</sup> Huno Phurositente ya fanyiswa nga murahu hazwo. Bivhili, kha Nzumbululu 17, yo ri, “Mme na vhananyana.” Ri ḥo dzhena khazwo ho no fhela tshifhinganyana, Murena a tshi funa. Zwino ni a vhona uri ndi zwithihi ḥamus, vho dzhia ndango. Zwino, Constantine o shumisa maitele a Biliamu.

<sup>136</sup> Zwino, ndi khou ḥoda ni tshi lingedza u thetshelesa u ya nga hune na kona. Zwino, O amba hafha, kha Bivhili hafha, “Farelelani lutendo Lwanga.” Zwino:

...ndi na zwiṭuku zwine nda lwa na iwe khazwo,  
ngauri iwe wo...iwe...ngauri iwe afho u na avho...  
(hu si havha hafha, fhedzi hafho; vha na vho, “u  
navho afho—afho kha tshivhidzo tsha Phegamosi,” ni a  
vhona)...vho farelelaho kha yone pfunzo—yone pfunzo  
ya Biliamu, we a funza Bałaka uri a pose tshikhukhuli  
phanda ha vhana vha Isiraele, uri vha le zwithu zwo  
kumedzwaho midzimuisili, na u ita vhuṭudzi.

<sup>137</sup> Zwino, Constantine o shumisa maitele mathihi e Biliamu a ita. Vho vha na muṭangano murahu ha hoyu muṭangano wa khoro hafha une vhabishopho vho vheiwa tha ha zwithidzo, na zwiñwe, uri vha zwi vhuse, nahone vha dzhie maanda oṭhe kha vhathu zwavho, “Huno a vha dielekanyeli, nahone vho vha vha si na pfanelo na luthihi ya u ṭalutshedza Manwalo.” Huno izwo zwoṭhe zwo vha zwo vhetshelwa vhotshifhe, ndi vhone vhe vha vha vha tshi tea u ṭalutshedza Mañwalo.

<sup>138</sup> Mafheleloni, ho no fhela tshifhinganyana, vha ita tshifhe muhulu, huno vha...vicar, we a vha a mupapa. Fhedzi zwino

vho swika fhethu hune vho zwi vheya, “hoṭhe—u pfesesa hoṭhe ndi ha tshifhe, nahone tshivhidzo a tshi tei u vhala Bivhili, a vha tei u ita tshithu;” huno, kanzhi, vha . . . Bivhili dzo thivhelwa uri dici de khavho. Huno zwino vha—vho zwi hwala vhone vhané nahone zwe khethelwa riṇe ngauri zwi vhonala zwi zwa vhudi.

<sup>139</sup> Zwe vha zwi tshi vhonala zwi zwa vhudi ngauri zwe vha two pfuma, na zwiñwe, nahone a ḥeya one . . . Kha hoyu muṭangano muhulu, musi a tshi vha vhidza vhoṭhe, Constantine a ḥetschedza vhabishopo zwifhaṭo zwa vhudi; o vha a na iñwe tshelede na—na fhethu hoṭhe huhulu ha zwiñhulu . . . u fana na zwifhaṭo, a zwi ḥetschedza tshivhidzo, uri vha zwi shumise sa—sa nndu dza tshivhidzo. Oo, zwe vha zwi zwifhaṭo zwa vhudi, zwoṭhe zwe adzelwa, na zwiñwe zwinzhi, ngauralo a zwi ḥetschedza tshivhidzo.

<sup>140</sup> Nndani ha izwo, a ambadza haya mabishopo hedzi nguvho khulu, na dzianarokho na zwithu fhasi havho. Huno nndani ha hezwo, a vha vheya kha . . . kana a fhaṭa fhethu huhulu sa izwi, huno a vha vheya n̄ha heneffo sa midzimuisili. Huno fhasi havho a ita aleṭare dza mabulu, fhasi havho. Huno o ita hohu u shandukisa hoṭhe, u bva kha kuhumbulele kwa vhuhedeni, u ya, nahone a dzenisa Vhukriste khazwo nga u dzhia mubishopo wavho. Ni a vhona, vha tou dzhia midzimuisili vha i vheya kha mubishopo. Ni a vhona, vha mu itela aleṭare, zwithu zwithihi, huno vha mu ita mudzimu. Vha vheya mubishopo, nahone o vha a ene o no amba tshini na tshini, vha mu ambadza nahone vha mu ita uri a vphonale sa mudzimu. Vhudzuloni ha u mu vheya sa midzimu yavho, vha mu ambadza nguvho sa zwe Yesu a ralo. Ni a vhona? Huno vha tou mu ita uri a fane na midzimuisili yo dzula heneffo.

<sup>141</sup> Oo, ni nga elekanya uri vhahedeni vho ri mini, “Zwo luga, izwo ndi nga zwi tevhelela, hu na muñwe muthu ane a nga ri aravha murahu. Ndi kale ri tshi khou amba na midzimuisili, fhedzi hoyu munna u ya kona u amba na riṇe.”

<sup>142</sup> Vhakriste vho elekanya hani uri, “Zwo luga, izwo zwe luga. Zwino ri nga ita tshiñwe na tshinwe tshine ra khou ṭoda u ita ngauri hu na mudzimu washu. Ri nga tou . . . Ri nga amba nae, u ya kona uri vhudza murahu zwine ra tea u ita. Arali ra tshinya, ri do mu vhudza, ra mu ḥeya tshiñwe tshithunyana, na tshituku . . . ra ita nganea ḥukhunyana kana tshiñwe tshithu; tshithu tsha u tou thoma u itea, ro dzudzanye, nahone vha bvela nn̄da hafhu huno ra pfa ro vhofholowa. Ra sa vhilaheli nga tshithu.”

<sup>143</sup> “Oo, izwo zwi vhonala zwi zwa vhudi.” Zworalo! Zwi tshe zwe ralo kha muhumbulo wa ḥama, fhedzi ni nga si vhuye na khakhisa izwo kha ḥwana wa Mudzimu o bebwaho hafhu. Vha nga si kone u zwi ita. Ngauri u ya ḥivha we a Mu tenda nahone o ḥanzieleya uri U ya kona u tevhedza zwe ḥetschedzwaho kha Ene kha ilo ḥuvha. Huno ri tshi hangwa zwithu zwe fhiraho, ri

kokodzela kha luswayo lwa mbidzo khulwane kha Kristo. Amen! Oo, ndi livhuwa hani!

<sup>144</sup> Fhasi hawe hu na aleṭare ya mebulu, yo dzula heneffo, tsho tibedzwa, tshivhidzo tsha vhudi. Oo, nne-nne, vho vha vho dzudzanywa vhothe. Zwo luga. Huno heyi aleṭare yo vha yo tibedzwa, heyi aleṭare ya mabulu, yo naka. Ni tea u dzi vhona, zwithu zwithihi. Yo tibedzwa nga musuku, nahone ya tamiwa nga malungu, minena i kha heyi aleṭare. Yo naka! Zwo vha zwi tshi khou tshimbilelana na Vhanikolatini na vhuhedeni. Ni a vhona zwe a ita? O dzhia u pembela ha vhuhedeni, mihumbulo ya vhuhedeni; nahone a dzhia Vhukriste, tshi rotholaho zwatsho tshe tsha vha tshi sa divhī khwiñe, vho vha vha si na Muya Mukhethwa une wa nga vha rangaphanda lwo fhambanaho; huno vha vha itela mudzimu fhamo kha lifhasi, nahone vha vha itela aleṭare, na mudzimu wa u dzula heneffo uri a vha hangwele zwivhi zwavho. Ni vha tshimuya? Ni a pafesesa zwine nda khou amba? Ni a vhona uri ndi zwithu-de? U fhiriselwa ha u hangwelwa tshivhi kha lifhasi.

<sup>145</sup> A thi khou topola izwo u bva kha muhumbulo wanga, iyo ndi divhazwakale. Ndi nga ni nea siaṭari na ḥomboro ya divhazwakale khethwa, u fana na musi ndi tshi kona u ni vhudza nga ha George Washington, na Abraham Lincoln, na Nndwa ya Gettysburg, na vhañwe vhanzhi. Ngoho, hezwo zwithu zweithe ndi divhazwakale ine nda khou i topola hafha.

<sup>146</sup> Zwino, zwo tshimbilelana nga maanda na . . . hu si kha hetshi Tshivhidzo tsho bebwaho hafhu. Hai, muñe wanga! Zwo luga, musi vha tshi vheya muthu n̄ha hafho, uri a vhe mubishopho are thoho, uri a rende u pembela, zworalo izwo zwi bvisa Mafhungo madifha o Fhelelaho khazwo. Zwi kha di ralo na qamusi. Izwo zwikhathi zwi kha di hwaliwa, zwo fhirela phanda, ni a vhona; tshinwe tshivhumbeo, liñwe duvha. Oo, musi vha tshi vheya vhahulu n̄ha hafho sa mudzimu, huno a ita uri hu vhe na u pembela hu si gathi.

<sup>147</sup> Huno dzhielani nzhele uri vhahedeni vho vha vha tshi rabela vhadzimu vhavho vho faho. Huno tshivhidzo tsha Phuroositente tshine tsha do ima nahone tsha ri, "Ndi tenda kha Tshivhidzo Tshikhethwa tsha Katolika ya Roma na tshilalelo tsha vhakhethwa." Inwe Methodisi dzumbamisani tshafhañu tshañu, Vhaphuresibatherieni, na Vhaluṭere. Tshini na tshini tshine tsha rabelelana na vhafu ndi tsha tshimuya! Zworalo. Thedzi, zwino, Phuroositente a i koni u sea Katolika, i ita zwithihi, tshi ita hezwi zwa u qibula lu fushaho i tshi ri i tenda zwithu zwithihi; ya lovhedzelwa murahu kha tshivhidzo tsha Katolika nga ndovhedzo yayo ya madini, ya landula na u tamba nga vhathu vhane vha lingedza u tshila zwone; vha ya tshivhidzoni nahone vha vhona vhathu vha tshi huwelela fhasi ha maanda a Mudzimu, huno vha ima nn̄da nahone vha tamba Ngazwo. Izwo zweithe.

<sup>148</sup> Ni a vhona, mimuya a i fi; vhathu vha ya ralo, fhedzi hu si mimuya. Ni a vhona? Muya Mukhethwa, U nga si fe. Wo vha u kha Yesu, zwino U kha Tshivhidzo Tshawe; u do dzulela u ralo u swika A tshi vhuyela *tshone* Tshivhidzo Tshawe, ngauri U tshipida Nae. Ni a vhona? Na vhatovholi, vho—vho tambo ngavho murahu afho kha ilo duvha, vha kha di tshila fhano namusi. Mudzimu u dzhia muthu Wawe hu si Muya Wawe kha lifhasi. Diabolo u dzhia muthu wawe fhedzi hu si myua wawe kha lifhasi.

<sup>149</sup> Havho vhotshifhe vhe vha gwevha Yesu uri a vhulawe, vhe vha ri Ndi ene “mungome,” kana “diabolo,” avho vhathu vho vha vha vha vhurereli u fana na musi vhothe vha vhurereli vha tshi ralo. Ndi zwone. Vho vha vha tshi divha Luñwalo nga maledere, fhedzi a vho ngo divha thalutshedzo Yalwo ya vhukuma. Vho vha vha na kuhumbulele kwavho, nahone a vho ngo thetshelesa tshiñwe tshithu-vho. Huno-ha vha Mu vhona nahone vha divha... Vho kundelwa hani u vhona uri Yesu ho ngo swikelela zwothe zwo muporofita muñwe na muñwe a amba nga Hae? Fhedzi vho vha vho pofula. Huno Mudzimu o ri O pofudza maño avho hu na ndivho, uri ri wane tshikhala tsha u tshidzwa.

<sup>150</sup> Zwino Bivhili yo bulu hafhu uri U do...uri ri kha tshino Tshikhathi tsha Pentekostała, tshi “fhedzi, tshi a shonisa, tsho pofula, nahone a tshi zwi divhi.” Hu na nyimele ya tshivhidzo, Filadelfia. Oo, vhoinwi Vhabaphuthisi zwavho, Vhabaphuthisi, na Vhapentekostała! Ni a vhona, khezwo-ha. Zwiñwe zwifhinga a thi ambi izwo kha vhoinwi no dzulaho hafha; ndi kha theiphi, ni a vhona, nahone ndi divha uri i khou ya ngafhi. Ni a vhona? Shandukani! Humelani murahu kha Bivhili! Humelani murahu kha Kristo!

<sup>151</sup> Zwo luga, fhedzi ho itea zwenezwo, Mafhungo madifha o Khunyelela o bviselwa nnđa. Zwiga na vhułolo tshivhidzoni zwo haniselwa uri zwi iteye, huno musi tshigwada tsha Muya Mukhethwa tshi tshi tumulwa vhukati ha vhañwe, zwenezwo vha landula uri ho vha na duvha la zwenezwo. Huno zwo itea kha... Huno vha ita zwitħihi ñamusi! Zwo ralo kokotolo. A ni koni u vhona myua wazwo? Sa zwe nda ni vhudza; mathomoni, dženisanī kuelekanye kwanu kwa tshimuya, tendelani Mudzimu a vule mbilu yañu. Ni so ngo humbulela, dzulani nahone ni thetshelesa; ni ri, “Muya Mukhethwa, ndzumbululele. Ndi a zwi vhona, khezwo afho.”

<sup>152</sup> Vhułambo. Ngafhi? Vhabaphuthisi, Phuresibatherieni, na Vhapentekostała, ha tou vha vhułambo ha vhurereli. Tshithu tshi tshothe tshine vha ita ndi u lidza piano, tshiñwe tshithu kana zwiñwe-vho, vha thamutshela nħha na fhasi; huno musi piano i tshi tou fhumula: U lila! Vha bva, vha ita vhufhura, vha tswa, vha zwifha, na zwiñwe zwothe. Fhedzi tsha vhukuma... Huno mbiti dzo edanaho u lwa na saha i bvumaho, u amba nga muñwe na muñwe na zwiñwe zwothe. Ni a vhona? Khezwo-

ha. A si Methodisi fhedzi, Baphuthisi, Phuresibatherieni, Katolika, fhedzi tshivhidzo tsha Pentekosta<sup>la</sup> kha Tshikhathi tsha Laodekia hafha.

<sup>153</sup> Oo, ndi ngani ni sa humeli murahu kha izwo zwe vhokhotsi anu vho vha vha nazwo? Ndi ngani ri sa vhuyi murahu kha pentekoste ya vhukuma ine ya kunakisa na u dadza nga Muya Mukhethwa, ine ya vhuyisa Kristo kha riñe? Izwo ndi zwone zwine ra ḥoda. Zwo luga. Zwino, zwithihi ḥamusi!

<sup>154</sup> Zwino, ipfi *Phegamosi* li amba “u malana.” Leneli ipfi *Phegamosi* li amba “u malana.” Vhukriste (uvho ndi sia la Vhanikolatini, sia la maitele) ho malana na muvhuso, na vhuṭambo ha vhuhedeni. Vhuṭambo ha vhahedeni! Huno ya vha mbebo ya tshivhidzo tsha Katolika kha ilo ḫuvha.

<sup>155</sup> Zwino, muñwe na muñwe u ya zwi ḫivha uri tshivhidzo tsha Katolika tsho itwa uri tshi vhe hone nga Khoro ya Nicene. Phanda ha izwo afho, tsho vha tshi tshi vhidzwa “Vhanikolatini” nga Mudzimu; zwine zwa amba *Niko—Niko*, “u phenya,” u kunda kana u latā vhathu zwavho. Huno musi vha tshi ita izwo, vho vha vha sa ḥodi Muya vhukati ha vhathu; nahone *vhafunzi*, zwine zwa amba “vhalisa,” u tendela Muya Mukhethwa . . .

<sup>156</sup> Ni ri, “Ngani, tshifhe a sa koni u vha mulisa?” Ndi zwiliwa zwa hani zwine a khou ni kanzwa ngazwo? Ni a wana mbuyelo dzi fanaho na dze vha vha nadzo, nga Duvha la Pentekoste? A zwo ngo ralo! “Maria kha hule,” ndi nnyi we a vhona izwo nga Pentekoste? Nganea, u shashwa hathe, u shelwa, hu tshi shumiswa vhuraru ha Mudzimu (“Khotsi, Murwa, Muya Mukhethwa”), ni zwi wana ngafhi izwo kha Pentekoste? Yesu o ri, “Nndu ya Isiraele kha i zwi ḫivhe ngangoho, Mudzimu o ita hoyu Yesu muthihi, we na mu vhamba, zwothe Murena na Kristo.” Ndi zwone. Ni wana ngafhi izwo zwithu? Ndi Vhanikolaiti na u rangani hazwo, nahone zwa vhumbeya kha Vhukatolika.

<sup>157</sup> Zwino ni ri, “Zwo luga, ndo takala nga maanda ngauri a thi ho vhukati havho.” Zwino ni so ngo vhesa na vhuṭanzhi. Ni a vhona? Zwino elelwani: Vhukriste, Vhanikolatini. Zwino tshiṭori ni khou tshi pfa? Thetshelesani nga maanda phanda ha musi ri tshi ya phanda. Ndi khou ḥoda ni tshi zwi wana arali ra dzula hafha u swika vhusikukati. Ngauralo, oho-ho . . . zworalo-ha . . . ngauri, murathu, ndi maya wanu! Ni nga ri, “Zwo luga, ndi wela kha . . .” Izwo a si—izwo a si Zwone. Arali ni si na Muya Mukhethwa, murathu, a thi na ndavha uri ni wela kha zwingana, no xela. Arali ni so ngo bebwa hafhu nga Muya wa Mudzimu, nga ndovhedzo ya Muya Mukhethwa, no xela; ngauri a ni na Vhutshilo Vhu Sa Fheli, huno Vhutshilo Vhu Sa Fheli ndi tshone tshithu tshi tshothe tshine Mudzimu a do vusa, ngauri Ndi hone vhutshilo hu hoṭhe ho salaho.

<sup>158</sup> Arali thoro ya mbeu . . . vhunga ndo zwi topola hafha, Awara ya Vhulimi. Ndi vhangana vhané vha elelwa Mukomana wa kale Spurgeon, mureri wa Methodisi nt̄ha ngei Henryville? Vhuvha ha vhudi ha kale. Ro vha ro dzula kha tshisima tsha khirimu ngei Red Furnish, linwe duvha, ri tshi khou la khirimu; nahone ro vha ri tshi khou amba nga mut̄angano we nda vha nawo nt̄ha afho, huno Awara ya Vhulimi yo vha yo thoma. Huno Red o vha o—o vulela tshipikara tshit̄uku, nahone tsha . . . tsha radio yawe ro dzula heneffo. Huno huriwe fhethu vho vha vha tshi khou amba . . . zworalo mulaedza wo vha u tshi khou da u tshi khou bva Louisville. Fhedzi 4-H Club yo vha i na—yo vha i na mutshini une wa kona u shandukisa thoro i bvaho kha vhele lune vha kona u dzenisa khalishiamu, na phethiroliamu, na zwinwe zwe the kha vhele, huno vha li ita uri li vhonale kokotolo sa lo itwaho kha . . .

<sup>159</sup> Yone 4-H yo zwi ita, saintsí yo li khunyeledza lune vhele la vhonala li la vhukuma lune ni nga t̄usa tshanda tsho dala saganí na t̄avha tsimuni, tshanda tsho dala kha saga le mutshini wa shandukisa, huno hezwi hafha (zwe mutshini wa shandukisa) zwi ita konufuleikisi dzi fanaho, vhurotho vhu fanaho ha gorou. Nahone ni nga a dzhia na a isa kha laborethari na a fhandula nga vhukati, thoro, huno na kundelwa u dici fhambanyisa. Dzi na tshikalo tshithihi tsha peliroliamu, tshithihi—tshikalo tshithihi tsha khalishiamu, na—na murongwe; zwe the zwe dzenisa kha thoro, zwe ralo kha inwe.

<sup>160</sup> A ri, “Ndila i yote ya vhukuma ya u divha iyo yo aluwaho tsimuni, na iyo yo itwaho nga mutshini: gwelani dzothe tshanda tsho dala. Huno dzothe dici do sina, huno yo itwaho nga mutshini a i nga meli; fhedzi ye Mudzimu a ita, i tshila hafhu.” Ndi ngani? Ngauri a yo ngo rungunya.

<sup>161</sup> Huno ni nga vhonala sa Mukriste, na tshila sa Mukriste, na ita mishumo yote ya vhudi ine ni nga ita, na tshila nga u fulufhedzeya kha tshivhidzo tshanu; fhedzi nndani ha musi na fhiwa vhutshilo nga Muya Mukhethwa, Vhutshilo ha Mudzimu, Vhutshilo Vhu Sa Pheli ha dzhena ngomu hanu; hu si nga u bula, fhedzi nga tshifhiwa tsha Muya Mukhethwa. Ni U wana hani? Dokotela o ri, nga Duvha la Pentekoste, ho nwaliwa ndaela heneffo, “Shandukani, nahone ni lovhedzwe munwe na muniwe wa vhoiwi nga Dzina la Yesu Kristo, huno ni do tanganedza tshifhiwa tsha Muya Mukhethwa.” Tshifhiwa tsha Muya Mukhethwa, tshine tsha vha Vhutshilo Vhu Sa Pheli. Ndi tshone tshithu tshi tshothe tshine Mudzimu a do tshi vusa. Ndi tshithu tshi re na Vhutshilo fhedzi tshine A do kona u tshi vusa. Ni a vhoná? Ndi tshone tshithu tshi tshothe tshine tsha do dzhena. Ndi a kholwa zwi khagala. Mudzimu tendela zwi vhe khagala.

<sup>162</sup> Zwino, nga itsho tshifhinga Vhanikolatini vho vha vha na sia la maitele, huno vha mala tshivhidzo tsha vahedeni; vha

dzhenisa aleṭare ya vhuhedeni, vha ita aleṭare dza Vhakriste; vha dzhenisa mudzimu wa muhedeni, nahone vha mu ita uri a ambe nahone a bule, kha tshivhumbeo tsha mubishopho. A dzula heneffho, vha mu ambadza khanzu nahone vha mu ita uri a vhonale sa mudzimu. Ni a vhona? A si zwine zwa vha nga nn̄da, ndi zwine zwa vha nga ngomu. Idzo thoro mbili dza mbeu dzi vhonala dzi tshi fana; ho vha hu si zwine zwa vha nga nn̄da, ho vha hu zwine zwa vha nga ngomu. Ni a vhona, zwa nga ngomu, Vhutshilo. Zwo luga, zwo itwa heneffho, nahone ho vha fhethu ha mabebo a tshivhidzo tsha u ranga tsha Katolika, tshine ndi tshone mme a zwivhidzo zweṭhe zwa dinomineisheni.

<sup>163</sup> Zwino ni ri, “Zwo luga, ndi... Mukomana Branham, tenda nda vha ndi si Mukatolika.”

<sup>164</sup> Zwino, miniti muthihi fhedzi, kha ri ime heneffha lwa tshifhinganyana, zwo di ralo. Huno ri ralo—ri ralo u vula kha Nzumbululo, ndima ya vhu<sup>17</sup>, lwa miniti. Kha ri vule yone. Zwino, iyi ndi nzumbululo ya mini? Yesu Kristo, kha zwivhidzo Zwawe. Musi ndi tshi vhala, thetshelesani nga maanda:

*Huno ha bvelela muniwe wa vhaṭa vharuiwa vha sumbe vho faraho maṭungu maṭanu na mavhili, a amba na nne, a ri... Ida ngeno; huno ndi do u sumbedza... khat̄hulo ya phombwe khulu yo dzulaho nth̄ha ha madi:*

<sup>165</sup> Zwino, uri ndi vhe na ḥanzi, ndi vhangana vhane vha zwi ḫivha uri *musadzi* kha Bivhili, tshifhinga tshoṭhe hu tshi ḥeiwa tshifanyiso, u amba “tshivhidzo”? Zwo luga. Ndi vhangana vhane vha zwi ḫivha uri “phombwe,” khulu, hafha kha ndima nthihi, ndi “dorobo yo dzulaho kha thavha dza sumbe”? Zwo luga.

<sup>166</sup> Huno ndi vhangana vhane vha zwi ḫivha uri Bivhili yo ri mini nga “madi”? Hafha ye ya dzula khayo ndi “madi manzhi”; a si madi, fhedzi “madi manzhi.” Huno madi a amba “vhathu.” Ngani, wanani ndima ya vhu<sup>15</sup>, ni a kona u vhona hafha, ni a vhona, ndimana ya vhu<sup>15</sup>, ni a vhona:

*Huno a amba na nne a ri, One madi e wa vhona, phombwe ya dzula khao, ndi vhathu,...vhanzhi,... dzitshaka, na dzindimi. (Ni a vhona? Ni a vhona?)*

<sup>167</sup> Zwino, musadzi ho vha hu tshifanyiso. Ho ngo ralo? Zwino heyi ndi pfunzo, zwino ni tea u vheya luvalo lwanu murahu hanu zwino. Ni a vhona? Uyo musadzi muvhi u vhidzwa mini “phombwe”? Ndi musadzi a sa fulufhedzeyi kha muano wa mbingano yawe. Zwino tshivhidzo, tshivhidzo tsha Katolika, tshi ḫivhidza uri tshi Muselwa na Mufumakadzi wa Kristo. Na vhasadzi vha malwi vha ya gera mavhudzi avho, huno a vha funani, “lufuno lwavho lwoṭhe lu kha Kristo.” Ndi zwone? Zworalo. Kana muñwe muthu...

<sup>168</sup> Ndi bva kha mathomo a Katolika, ni a vhona. Ndi na *Mbuno Dza Lutendo Lwashu* yavho, na dzibugu dzavho; huno vhoinwi

Vhagwalabi, na Vhabaphuthisi, na tshini na tshini tshire na tenda; kheyo ngudo yanga. Zworalo, ndi zwi guda uri arali muñwe muthu a amba tshiñwe tshithu. “A takuwa!” Ndi nga ni tikedza kha zwine na khou amba. Ni a vhona? Zworalo, awara yo swika ya uri Hezwi zwi bvele nn̄da.

<sup>169</sup> Zwino, tshithu tsha u thoma, Mudzimu u tea u tshimbila u mona na dzitshaka, a tshi sumbedza zwiga, vhułolo, na madembe, uri vhathe vha divhe. Nngu dza Mudzimu dzi divha Ipfi Ławé, vha ya li divha, vha ya divha zwa vhukuma. Ni tea u rangá u wana... Na bvela nn̄da ni sa divhi, zwenezwo ni tou... Ni ita mini? Ni vha vhaisa lwa u fhirisa. Zwi tendeleni... tendelani Mudzimu a zwi londote. Ni a vhona?

<sup>170</sup> “Ndi do u sumbedza khałulo ya phombwe khulu.” Zwino, arali o ralo, zwenezwo tshi tou vha musadzi ane a khou bula tshiñwe tshithu tshire... Tsho vha tshi khou ita vhupombwe! Ndi zwone? Zwo luga, zwenezwo, arali hu tshivhidzo, tsho vha tshi khou ita vhupombwe tshi tshi itela Mudzimu. Ndi zwone? Vhupombwe, ndi vhułudzi, vhułunzi ha *tshimuya*: tshi khou funza vhathe zwithu zwi si zwa Ipfi la Mudzimu. Ndi zwone? Tshi khou funza zwithu zwi si ngoño. Uvho ndi Vhunikolatini. Ni a vhona uri zwi khou vhuya afha? Vha tshimbila vha tshi vheya vhapapa, na vhotshifhe, nahone vha tshi bvisela Muya Mukhethwa nn̄da, “Maduvha a madembe o fhira”; huno Bivhili yo ri, “Yesu Kristo a sa shanduki mulovha na lini na lini.” Bivhili yo ri, “Shandukani, ni lovchedzwe nothe nga Dzina la Yesu Kristo u itela khangwelo ya zwivhi zwańu”; tshone tshi ri, “Khotsi, Murwa, na Muya Mukhethwa,” u shashwa, na u shelwa. Oo, nñe-nñe! Ni a vhona?

<sup>171</sup> Zwo luga, lavhelesani uri uyu musadzi o vha a khou ita mini:

...ane dzikhosi dza liphasi dzo ita vhułunzi nae,  
na vhathe vha... shango vho kambiwa nga veini ya  
vhułudzi hawe.

<sup>172</sup> “U kambiwa!” U do ni vhulaya, u ni isa lufuni, u ni thuntsha, kana tshiñwe tshithu, murathu. Vho kambiwa kha zwenezwo zwithu. Ni a vhona?

<sup>173</sup> “Veini.” Ndi zwone zwine a khou netshedza, ni a vhona, veini yawe ya vhułudzi hawe. “I ri ni ndi ni vhudze tshiñwe tshithu! Mme anga vho vha vha Mukatolika, nahone ndi do...” Zwo luga.

<sup>174</sup> Zwino ni ri, “Izwo zwi ya shusha.” Zwino imani lwa miniti, Vhaphurosítente. Huh! (Ndi khou amba na hedzi theiphi, ni a vhona.)

*Zworalo a nkewala tuyani a nnyisa sogani: huno nda vhona—nda vhona musadzi o dzula kha liphanda la muvhala mutswuku...*

<sup>175</sup> Zwino, ipfi *mutswuku* li sumba mini? Zwi amba “vhuhosi.” Zwi amba...ndi a mba, amba “vhukololo, u fulufhedzeya ha vhukololo,” ni a vhona, u fana na dzikhosi na zwiñwe.

...*lo dala madzina a maṭamba, li na ṭhoho dza sumbe na ḥanga dza fumi.*

<sup>176</sup> Zwino, *ṭhoho* dza sumbe ndi “thavha” dza sumbe dzine dorobo yo dzula khadzo. Huno hoyu musadzi ndi ḫorobo, ri a zwi ḫivha.

*Huno musadzi o vha o amba zwiambaro zwa muridili...*

<sup>177</sup> “Musadzi.” Livhanda lo vha li *litswuku*, fhedzi musadzi o vha o ambara zwiambaro zwa *muridili*. Zwino, a tho ngo ni tsivhudza liñwe duvha, hu na maxarađeni mararu? A thi ḫivhi uri ndi do tshila tshifhinga tshingafhani, fhedzi elelwani hezwi. Vhunga ndo ni vhudza miñwaha minzhi yo fhiraho, “lavhelesani Russia.” Hu na maxarađeni mararu, hezwi ni zwi elelwe. Hu na xaradeni la *tsimbi*. Hu na xaradeni la *bamboo* (China tswuku na zwiñwe *zwikene*). Huno hu na xaradeni la muridili, ni lavhelese *iļo* xaradeni, *iļo* ndi mufhuri. Ho dala...

...*musadzi o vha o ambara zwiambaro zwa muridili...mivhala mitswuku,...o ḫitama nga musuku...matombo a vhuđi na malungu,...*(Ni ya nnyelwelva ndi tshi khou amba murahu afha uri aleṭare ya u thoma ya Vhanikolatini yo vha i mini? Ni a vhona? *Musadzi* ane a vha “tshivhidzo.”)...*o fara khaphu ya musuku tshandani tshawe...*(Nia elelwa? Musuku wo adziwa kha aleṭare; khaphu, o vha a tshi khou neya vhathe.) ...*o ḫala hone vhuđuzi ha vhuyađa ha vhudavhu hawe:*

<sup>178</sup> Izwo ndi zwine a khou neya vhathe; vho vha vha tshi khou zwi la. Zworalo. Vho kambiwa ngazwo! Vho tou kambiwa! Tshigwada tshothe tsha Irish, na French, na zwiñwe zwinzhi, vha tumula mukolo wañu arali na amba ni tshi lwa na itsho tshivhidzo. Zwo ralo, vha do ralo. Ni a vhona?

*Huno kha phanda yawe ho vha hu na dzina lo n̄waliwaho, TSHIPHIRI BABELE...*

<sup>179</sup> Zwino, Babele yo bva ngafhi? U bva Babele u da Phegamosi, nahone ya vha... Sañhane a tshi khou tshintsha tshidulo tshawe. Oo, ndi tama ri tshi tou dzhena kha Nzumbululo yořhe, uri ri kone u zwi vhona.

...*BABELE LIHULU, MME A DZIPHOMBWE... MME A DZIPHÖMBWE NA VHUTUDZI HA LIFHASI.*

<sup>180</sup> O vha a mini? Mme a dziphombwe. Avho a si vharwa. Vho vha vho ralo?

<sup>181</sup> [A hu na tshithu kha theiphi—Mudz.] . . . tshivhidzo tshavho. Ee, mune wanga. Ni ri, “Tshivhidzo a tshi vhidiwi, kha Bivhili, ‘Babele?’” Ni a vhona, kha bugu yavho. Zwo luga.

<sup>182</sup> Zwino, arali a phombwe, phombwe, nahone a mme a dziphombwe, o do tea u vha na vhananyana. Huno arali vha vhananyana, vho vha vha vhasidzana, ndi zwivhidzo. Zwino tshivhidzo tsha Vhagwalabi tsho bva ngafhi? Izwo ndi zwone? Phambano ndi mini vhukati ha—ha phombwe na phombwe? Ndi tshithu tshithihi.

<sup>183</sup> Martin Luther o bva heneffo, uri a thome nnda, uri a netshedze Tshivhidzo tsha vhukuma tshikhala; Wesley; na u gonya u swika kha Pentekoste; huno muñwe na muñwe wavho a humela murahu kha muhumbulo wa Nikolaiti wa dzangano, li na vhalavhelesi vhahulwane, na zwiñwe zweþhe, nahone vha humela murahu na ndovhedzo nthihi ye vha vha vha tshi khou lovchedza ngayo, tshivhumbeo tshithihi, vhuþambo vhuthihi, vhusunzi haho ho ðala maano na ‘*Maria kha hule*.’ Hu si *Vhomaria Kha Vha Hule*, fhedzi. . . Ndi mini izwi zwi na zwithu zwi no fana? Wone *Mulayo Wa Vhaapostola*. Ntsumbedzeni uyo Mulayo wa Vhaapostola kha Bivhili, murathu. Arali—arali vho vha na mulayo, ndi Mishumo 2:38, ndi zwone zwe vha laya muñwe na muñwe uri a ite. Ndi ngafhi he na vhuya na pfa nga muapostola a tshi ita mulayo, a tshi ri, “Ndi tenda kha Tshivhidzo Tshikhethwa tsha Katolika ya Roma. Ndi tenda kha tshilalelo tsha vhakhethwa”?

<sup>184</sup> Musi ene. . . Petro, ene we a vha a na khono, o ri, “A hu na murabeleli vhukati ha Mudzimu na vhathu, fhedzi Kristo Yesu.”

<sup>185</sup> Fhedzi lavhelesani kha zwivhidzo zwa Vhagwalabi. Vho ita mini? A vho ngo fusheya. Muñwe na muñwe wavho we a bva, o bva na Phathutshedzo ya Pentekostaña. Ndi zwone kokotolo. Na Martin Luther o amba nga dzindimi. Ndi zwone kokotolo. A difarela, a ri, “Mudzimu, haya maipfi o vhifahao e nda amba, huno a thi divhi zwine nda khou amba.” Ni a vhona? Zworalo, o Zwi tenda. Ngangoho, o ralo.

<sup>186</sup> Zwino, fhasi u tsa na tshikhathi vho vha—vho vha na Muya, fhedzi vho vha vha tshi dzulela u kokodzela thungo nahone vha vhumba madzangano murahu ha musi vhe vha zwi tumbula u thoma vho no þuwa. Arali no tendela tshivhidzo tsha Luþere tsha ya phanda, huno ni si vhumbe dzangano ngatsho, ndi musi tsho vha Pentekostaña. Tshivhidzo tsha pentekostaña ndi mini? Ndi amba pentekostaña ya vhukuma. Hu si dinomineisheni, zwino, i tou vha “bodo na gedela” hafhu. Ni a vhona? Fhedzi vho ita zwithu zwithihi, huno izwo two vha humisela murahu kha Vhanikolaiti sa zwe vha ita u rangani. Ndi vhangana vhane izwo vha zwi vhona? i ri ni “Amen.” [Tshivhidzo tshi ri, “Amen!”—Mudz.] Ndi zwone. Zwino, u itela uri ndi pfe maipfi a vhoiñwi uri ni. . .

<sup>187</sup> Ni a vhona, mme a “dziphombwe.” Arali vha dziphombwe, vho vha hani dziphombwe? Nga u ita vhutudzi vha tshi lwa na Ipfi la Mudzimu. Arali Ipfi la Mudzimu lo ri, “Shandukani nahone ni lovhedzwe nga Dzina la Yesu Kristo,” huno muthu muñwe na muñwe hafho a lovhedzwa nga Dzina la Yesu, huno na dzhia “Khotsi, Murwa, na Muya Mukhethwa.” Uvho ndi vhuyada! Ndi zwone? Huno arali Bivhili i tshi lovhedza nga u ngwandamedza (*baptizo*, u bva kha ipfi la Tshigerika), zwenezwo ni shasha hani na u tou shela? Izwo zwi bva ngafhi? Arali na bvisa u khadana, kana u dzhia tshinkwa nga meme dzanu nahone na dzi la, kana tshiñwe tshithu tshi ngaho izwo, vhudzuloni ha Muya Mukhethwa, huno Muya Mukhethwa wo bva Tađulu sa maya muhulu u vhudzulaho nahone wa dadza vhatu, huno wa vha ita uri vha ambe nga dzindimi, na u tzhemelela, na u ita uri vha nge muthu o kambiwaho, huno na shandukisa u khađana zwanda, kana na vheya vhurifhi hanu tshivhidzoni, kana tshiñwe tshithu tshi ngaho izwo, ni khou ya u kona hani u bva kha ndila ya u ita vhutudzi ha tshimuya?

<sup>188</sup> Zwino, itanu divhudzisa izwo. Dzinginyisani mihibumbulo yanu, vulani mbilu yanu nahone ni vhe vha ngoho, vharathu. Ri magumoni a ndila. Heyi mičangano a yo ngo itwa hafha lwa lifhedzi, ro vhekanywa nga Mudzimu. Ndi a zwi tenda u fana na musi ndo...ni ya tenda uri ndi mulanda Wawe. Ndi zwi amba nga Dzina la Yesu, uri Mudzimu o zwi vheya mbiluni yanga uri ndi de fhano. A thi wani sennte na lithihi nga u ita hezwi. Ndi—ndi—ndi—ndi musi ndi nn̄da hafha ndi tshi khou rabelela vhalwadze hunwe fhethu, kana tshiñwe tshithu tshi ngaho izwo. Kana ndi musi ndi nn̄da hangei ndi tshi khou ya u reya khovhe, na u dzhia tshelede yanga nga u ralo, ndi wana muholo tshivhidzoni. Fhedzi Mudzimu o Zwi vheya mbiluni yanga; a thi koni u shavhana Nazwo, isani phanda na u nndilela Khazwo, nahone ndi khou ita zweþhe zwine nda kona. Ndi fhano nga Dzina la Murena, ndi tshi khou ita zweþhe zwine nda ðivha uri zwi ya itiwa. Ni so ngo Zwi tendela zwa ni fhira.

<sup>189</sup> Zwino, Vhagwalabi, ni ya vhona uri ndi amba mini malugana na Katolika na tshivhidzo tsha Vhagwalabi? Zwi tou vha... Tshiñwe tshi tou fana na tshiñwe. Ndi zwone kokotolo.

<sup>190</sup> Zwino, zwi amba u malana, *Phegamosi* zwi amba “u malana.”

<sup>191</sup> Zwino kha ri dzhie... O ri, “Iwe u na havho vhukati hau vhane vha vha na pfunzo ya Biliamu.” Kha ri ralo u dzhia izwo.

<sup>192</sup> Ri na tshifhinga? Ndi do þavhanya u ya nga hune nda kona. Kana ni do ralo u lindela na vhona arali ri tshi nga vhuya murahu nga matsheloni? Ndi vhangananahane vha ri kana ri ise phanda, tsifhinganyana? Kha ri... Zwo luga, zwino ndi—ndi a zwi ðivha uri hu khou fhisa ngomu hafha. Huno arali no dzula nahone ni tshi khou swa, ni humbula mini nga afha n̄tha? Ni a vhona?

Fhedzi, oo, nne-nne, ri khou lingedza u ḥutshela hafho fhethu hu no *khou* fhisa. Ni a vhona, two—two tou ralo, ngauri, ri vha u ya Nga Hu Sa Fheli.

<sup>193</sup> Zwino, zworalo musi vha tshi dzudzanya tshivhidzo tsha raloho, ho itea mini? Zwino thetshesani nga maanda, vhananga. Ho itea mini? Ngani, zworalo, izwo two bvisa Muya Mukhethwa ngomu tshivhidzoni. Ngazwo hu si na na muthihi wa vhabishopho wavho o no vusaho mufu kana u ita madembe. Huno vhone vha tshi amba nga havha vhakhethwa vha re tshivhidzoni tshavho! Vho gwalabela zwithu izwo, fhedzi vha ri ndi vhavho!

<sup>194</sup> Lavhelesani kha Joan Arc, ula musidzana muṭuku. Ndi a ni vhudzisa vhoiwi vhathe vha Katolika, kana vhoiwi Vhagwalabi, muñwe wa vhoiwi. Joan Arc, maduvhani awe, ho vha hu si na tsithu France hafho, fhedzi tshivhidzo tsha Katolika tshe tsha omisa vhakhethwa. Fhedzi Mudzimu o tshimbila kha hoyo musidzana nahone o vha a na Muya Mukhethwa. Huno o ita mini? O vha a tshi kona u amba zwithu zwa phanda, Murena o vha a tshi mu neya mabono huno a a amba. O vha a tshi rabelela vhalwadze. O rabelela lunwe lushie luṭuku lwe lwa vha lwo fa, huno lwa vhuya murahu vhotshiloni hafhu. Izwo ndi pentekostala. Ni a vhona? Huno tshivhidzo tsha Katolika tsho mu ita mini ngauri o hanedzana na tshivhidzo tsha Katolika? Vho mu vhidza kha tsengo, nahone vha mu fhisa a felela sa “muloi.”

<sup>195</sup> Huno zwino ni ri, “Joan Arc Mukhethwa.” Ho no fhela miñwaha ya mađana mavhili, u yela kha u ralo, musi tshivhidzo tshi tshi wanulusa zwe tsha ita, uri o vha a Mukhethwa, oo, two ralo, vha shanduka khazwo; vha gwa miyhili ya havho vhotshifhe vhe vha laedzela lufu lwawe, nahone vha i posa mulamboni. Ni elekanya uri izwo two do tanzwa malofha zwandani zwavho? Bivhili i ri, “One—one malofha a muvhulaiwa muñwe na muñwe o wanala khatsho.” Izwo ndi zwone zwe Muruñwa wa Murena a amba uri o wanala Babele, “Lufu lunwe na lunwe, kana muvhulaiwa, na vhakhethwa vhothe vha Kristo vhe vha vhuya vha vhulaiwa, vho wanala hafha u bva kha Tshikhathi tsha Vhanikolatini u ya phanda, muvhulaiwa muñwe na muñwe.” Elekanyani nga izwo. (Ndi a livhuwa, Mukomana Ben.) Zwino, elekanyani nga izwo.

<sup>196</sup> Zwino, ri tshi tou isa phandanyana zwino. Tshivhidzo tsha Vhakriste tsho malana na—na...na Babele. *Phegamosi* zwi amba “mbingano.”

<sup>197</sup> Zwino, “Pfunzo ya Biliamu. U na havho vhukati hau vhane vha na pfunzo ya Biliamu.”

<sup>198</sup> Oo, ndi tou funa izwi zwithu. Oo, na nga tou dzulanyana kha tshithihi, ni a vhona, fhedzi ni tou... Ri khou ḥoda uri ni zwi vhone huno ra kona u dzhena kha tshiñwe tsithu, ngauri two

tou—tou dala mitoli. Ndi tou vha muṭolo; ndi takalela u tsa fhasi nda gwa ḥeyi mitoli huno nda i penyisela n̄tha, nahone nda zwi penyisa sa hezwi, nahone nda zwi lavhelesa. Huno tshiňwe na tshiňwe tshazwo tshi sumbedza Yesu Kristo! Tshiňwe na tshiňwe tshazwo, ni a vhona. Tshiňwe na tshiňwe tshazwo tshi sumbedza Yesu Kristo. Ndi Ene Alfa na Omega, karata iñwe na iñwe—iñwe na iñwe ya musuku ndi mutoli. Ndi zwone. U tshiňwe na tshiňwe tshazwo. Ndi ngazwo Vhumudzimu Hawe ho itwa ɣama vhukati hashu.

<sup>199</sup> Zwino, uri ri kone u swika... A—a thi nga dzhii tshifhinga kha izwi, ngauri ndi na... Ndi khou zwi vhona uri ndi iri ya vhūtahe. Huno ndi—ndi na zwiňwe zwithu zwine nda khou ṭoda u dzhena khazwo madekwana a ɣamusi, arali Mudzimu a tshi funa. Huno ndi khou ṭoda ni tshi tou ɬwala hezwi fhasi huno ni zwi vhale matshelo, huno ni ɬwale Numeri 22 u swika kha 25 fhasi. Ndi khou ṭoda ni tshi i vhala zwino, huno ni nga tevhedzela murahu hanga. Huno zwino—huno zwino Numeri 22 u swika kha 25.

<sup>200</sup> Ri a zwi ɬivha uri Isiraele—Isiraele ho vha hu vhone vhathu vhe Mudzimu a vha nanga. Ndi zwone? Vho vha vha... Vho vha vha Pentekostała. Vho vha vha na Muya vhukati havho. Ni ya elelwa mulaedza wa madekwe? Uri musi Mushe a tshi fhira Lwanzhe Lutswuku, kana Lwanzhe lwo faho, huno a wana murahu hawe ngei Lwanzhe Lutswuku, lwa malofha, zwi tshi fanyisa malofha... vhakoma vhothe vhe vha vhuya vha mu rwa na vhana vhothe vha Isiraele. Mushe o imisa tshanda tshawe nahone a imba Muyani. Oo, muňwe na muňwe washu a nga kona u vha Mushe musi ri tshi nga lavhelesa murahu kha Malofha matswuku a Murena Yesu nahone ra vhona tshidakwa tsha kale, bodelo linwe na linwe la kale, musadzi muňwe na muňwe wa mařambo a kale, tshithu tshiňwe na tshinwe tsha tshika nahone tsha kale tshe ra vhuya ra ita matshiloni ashu, zweithe two fa kha Malofha a Murena Yesu. Zwi ri ita uri ri imbe Muyani! Mafola, zwinefu, na maitele mavhi, na zwiňwe zweithe, two fa, kha Malofha a Murena Yesu; zwenezwo ri nga imisa zwanda zwashu nahone ra imba Muyani. Ni a vhona?

<sup>201</sup> Lavhelesani zwe Meriamu a ita, muporofita. Zwino, elelwani, o vha a muporofita. A dzhia murumba huno a thoma u lidza murumba nahone a tshina Muyani, huno vhananyana vha Isiraele vha mu tevhela vha tsela khunzikunzini, vha tshi lidza heyi mirumba, nahone vha tshi tshina Muyani. Pentekostała ya vhukuma!

<sup>202</sup> Huno-ha arali no dzhiela nzhele musi vha tshi swika kha Moaba. Zwino ri khou vhuya murahu... Ri kha Luňwalo, zwino, yone “pfunzo ya Biljamu.” Huno Moaba—Moaba yo vha i murathu wa Isiraele. Ndi vhangana vhane vha ɬivha uri Moaba i bva ngafhi? Two luga. Moaba ndi zwine ndi nga zwi vhidza thangano, ngauri Moaba yo thoma kha vhananyana vha Loto.

Loto o vha na lushie nga ñwananyana wawe, a vha na vhana vhavhili. Huno Moaba o vha a muñwe wavho, huno a vhumba lushaka u bva kha Moaba, lushaka. Huno, zwavhuđi-vhuđi, Loto o vha a muduhulu wa Abrahamu, zwine zwi vhuya murahu kha mutala muthihi. Izwo ri a zwi ñivha. Zwino ndi khou ḥoda ni tshi limuwa uri vho vha vha si vhahedeni, vhunga mañwe matambwa ashu a si kale a tshi ni neya uri ni... Elelwani, vho vha vha vhatendi. Zwino, musi Isiraele i tshi bvelela hafha ndilani yayo ya u ya kha shango la pfulufhedziso, vha tshi khou tshimbila ndilani yavho sa zwine vha tea u ita, huno hafha ndilani ho vha ho dzula Moaba. Vha rumela vharumiwa kha Moaba, nahone vha ri, "Ri tendele ri fhire nga shangoni la vhoinwi. Ri vhakomana vhanu."

<sup>203</sup> Zwino, Moaba u fanyisa Vhanikolatini. Zwino ni do zwi vhona hu si kale. Isiraele i fanyisa Tshivhidzo tsha vhukuma. Huno Biliamu o vha a muñwe wa vhabishopo, vhapapa. Lavhelesani huno ni vhone zwino; Vhukriste ha muhumbulo. Zwino ri a zwi limuwa uri o vha o fhiwa mpho, a zwi timatimisi. Vhunzhi havho ndi zwiambi zwa vhudi, madokotela a filosofi, nahone—nahone vhanna vhahulu. Izwo ni nga si zwi hanedze. Fhedzi, "Vha na tshivhumbeo tsha vhumudzimu, fhedzi Maanda one vha tshi a landula."

<sup>204</sup> Humelani murahu kha Pentekoste ya vhukuma! Ni so ngo bva hafho. Arali musi ni tshi ralo, no xela. Dzulani na phathutshedzo. Ndi Zwenezwo, Mufhaṭutshedzi wa phaṭutshedzo.

<sup>205</sup> Zwino, dzhielani nzhele musi vha tshi tshimbila lwendo lwavho. Vha swika kha tshivhidzo zwatsho tsho endiwaho, huno vha ri, "Ri khou fhira kha mvuseledzo. Ri khou ya kha shango la pfulufhedziso. Ni do ralo u ri tendela ra fhira? Arali kholomo dzashu dza la hatsi, arali dza ñwa mađi, ri do zwi badela."

<sup>206</sup> Zwenezwo a ita...? Khosi Bałaka, a takala, nahone a si ḥode muṭangano wo raloho u fana na uyo u re tshivhidzoni tshawe kana shangoni lawe. Zworalo a ita mini? A zwi rumela kha mupapa, kana mubishopo, Biliamu, muporofita wa u hira, ene ane a funa tshelede u fhira u funa Mudzimu. Huno Khosi Bałaka a mu vhudza, "Arali wa nga da ngeno nnđa huno wa sema havha vhatu, ndi do u ita muthu muhulu." Huno Mudzimu a amba na Bałaka. Huno ndi a ñivhudzisa arali zwa itea ha vha hu na-... Ndi amba Biliamu. Ndi a ñivhudzisa uri hu na Vhobiliamu vhangana kha lino shango madekwana a ñamusi? Vhashumeli vha Methodisi, vhashumeli vha Baphuthisi, vhotshifhe vha Katolika, (Khathutshelo!) vhane vha ñivha uri Mudzimu... arali na vhala heyi ñivhazwakale nthihi na Bugu nthihi ine nda ralo. "Biliamu!"

<sup>207</sup> Zwino, dzhielani nzhele. Zwenezwo a ri, "Tsela ngeno fhasi huno u seme avha vhatu."

Huno Biliamu a ri, “Ndi ḋo vhudzisa Mudzimu.”

Mudzimu a ri, “U so ngo ya!”

<sup>208</sup> Fhedzi matsheloni o no tevhela, a ri . . . a ya a vhudza tshifhe, kana yone—yone khosi.

Huno a vhuya murahu, a ri, “Oo, ndi ḋo—ndi ḋo u ita muthu muhulwane.”

Zworalo Biliamu a isa phanda; Mudzimu a ri, “Iya, isa phanda u ye.”

<sup>209</sup> Ni a vhona, arali na sa tevhela Ngoho . . . Ni elekanya, Vhanikolatini, uri ngauri Mudzimu u khou ni itela zwine na khou ita sa izwo . . . Hu na Ngoho ya vhukuma! Ni khou to dzhia lufuno lwa Mudzimu lwa thendelelo. Ni ri, “Mudzimu o ri fha Muya Mukhethwa,” kana “U ya ri fhaṭutshedza, nahone ro lovhedzwa nga dzina la ‘Khotsi, Murwa, na Muya Mukhethwa.’” Vhoiwi vha ha Biliamu! Ni a vhona, pfunzo ya Biliamu. Mudzimu o vha o mu vhudza, murahu ha musi a tshi omisa ṭohoho, A mu tendela a isa phanda, a dinembeledza ene muṇe. Ni tea u vhuya murahu kha Ngoho, Ngoho ine ya vha mutheo. Murahu kha Bivhili. “Oo, zwo luga, O ri fhaṭutshedza! Nahone a ne- . . .” Oo, izwo ndi a zwi ḋivha. O ralo, u vhudza Biliamu, a ri, “Isa phanda u ye. Arali u tshi khou ṭoda u ya, arali izwo hu . . . Wo vhofheya u tshimbila nga yeneyo ndila, huno u khou ṭoda ndila ya dzangano; i dzhiye, isa phanda.”

<sup>210</sup> Zwenezwo Biliamu a thoma, huno a thamutshela kha meila yawe, kana, hu si meila yawe, donngi yawe, a tsela fhasi heneffho. Huno tshitihu tsha u tou thoma, ni a ḋivha, Murunwa wa Murena a ima ndilani. Huno, ni a ḋivha, uyo muporofita, uyo mupapa, mubishopho, khadinala, zwenezwo zwe a vha a zwone, o vha o pofula nga maanda kha zwithu zwa tshimuya, ngelekanyo dza uri u khou ya u pfukiselwa kha vhuimo ha khwiñe, ngauri o vha a tshi tshila Mulamboni wa Efurata. Ndi kholwa uri o dzhia unga uvho ndi vhuñwe vhulaifa, u fana na “Kha heli tombo Ndi ḋo fhaṭa Tshivhidzo Tshanga,’ Petro,” kana liñwe tombo le la vha li Roma, kana tshiñwe tshitihu. Fhedzi musi a tshi swika ḡhethu, heneffho ho vha ho ima Murunwa o bvisa banga, huno o vha o pofula nga maanda lune a kundelwa u zwi vhona. Huno meila ra pwanya mulenzhe wawe na luvhondo. Huno ya mu gidimisa i tshi ya phanda, huno ene—ene Mururiwa a dovha a ima ndilani. Mudzimu u ḋo thivha minango yoṭhe! Huno heyi meila ya dovha ya rembuluwa. Huno a tsa khayo, huno a dzhia thanda yawe huno a thoma u i tshaela ngayo. Huno heyi donngi ḡhukhu, yo edela heneffho, i tshi khou rwiwa kha ṭohoho.

<sup>211</sup> Huno nn̄e, ngoho zwe zwa mu shandukisa, zwe zwa mu ita uri a tende, kana u mu vhudza he a vha a tshi khou khakha, O tendela meila ya amba nga dzindimi. Hu si meila, yo vha i donngi! Ni so ngo ri yo vha i “meila;” yo vha i nga si zwi kone, yo i hayiburudi. Ni a vhona? Yo vha i mbeu ya vhukuma.

<sup>212</sup> Moaba yo vha yo “Zwiga zwe fhiraho, zwithu zwe the zwe fira.” Isiraele yo vha i na zwiga zwi i tevhelaho.

<sup>213</sup> Fhedzi heyi donngi thukhu ya rembuluwa nahone ya ri, “A tho ngo vha donngi yau u bva kale? Ndo no vhuya nda . . .” Huno uyo—uyo mubishopho wa bofu o dzula heneffo, a tshi kha dirwa meila; huno meila ya thoma u amba nae, nga ndimi dzi sa divheyi dza meila.

Huno a ri, “Ee, u yone—u yone donngi yanga.”

“Huno ndo no—ndo no vhuya nda swika hune ndi si u hwale, kana ndo no u khakhela?”

“Hai, a u thu ralo. Fhedzi arali ndi na banga, ndi musi ndi khou vhulaya, ndi musi ndi tshi khou imisa uno mułangano. Ndi khou tsela fhasi afho u imisa tshigwada tsha vha vhumbuluvi-vhakhethwa uri vha si dzhene kha lino shango. Ndi do—ndi do zwi vhila kha iwe.” Ni a vhona?

<sup>214</sup> Huno tshithu tsha u tou thoma, a thoma u lavhelesa u mona, a elekanya, “Zwo luga, izwi zwi khou takadza. Ndi a kona u pfa meila i tshi amba.”

<sup>215</sup> Oo, Biliamu! Hmm! Ni a vhona, Mudzimu o dzulela u amba nga ndimi dzi sa pfali kha vhathu. O zwi ita mađuvhani a . . . Ni ri, “Izwo zwi tou vha kha Pentekostała.” Oo, hai. Hai, hai. Tshimimani tsha Beleshatsara O amba nga dzindimi, a Zwi nwala kha luvhondo. Vho vha vha na munna heneffo a na mpho ya u ṭalutshedza, zworalo a vha ṭalutshedza zwone, a vha vhudza uri ndi zwithu-de. Zworalo na ḥamusi.

<sup>216</sup> Zworalo, ngauri ho vha hu si na mułalutshedzi Wazwo, Mudzimu a tendela hoyu Biliamu wa kale a tshi phaphama (hoyu mukhadinala) nahone a limuwa uri Ndi mini. Huno ni a zwi divha uri uyu muthu wa bofu o isa phanda naho zwe ralo? Zworalo. Ndi ḥqila ine vha ita ngayo ḥamusi, zwithu zwithihi; Vhamoaba, Vhanikolatini, vha isa phanda. Huno vha isa phanda heneffo, huno a ya . . . Zwino lavhelesani, arali Mudzimu a tshi khou tea u dzhiela ḥtha Mutheo, O vha o vhofheya u fhałutshedza Moaba; ngauri, dzhielani nzhele, Biliamu o fhałateare dza sumbe. Ndi zwone kokotolo.

<sup>217</sup> Nomboro ya vhusumbe: zwikathi zwa sumbe zwa tshivhidzo. Ni a vhona mbekanyo ya tshimuya? Zwino, farani izwo zwino: mbekanyo ya tshimuya. Ndi khou ya u dzhenahazwo nga miniti, fhethu hu kondaho. Ni a vhona, mbekanyo ya tshimuya. Alełtare dza sumbe, mboho dza sumbe (phukha dzo kunaho), na mbokoł dza sumbe; dzi tshi amba nga u vhuya ha Kristo, miñwaha ya mađana phanđa ha musi A tshi da.

<sup>218</sup> Fhedzi, vho zwi tenda. Vho tenda mini? Vho tenda kha Yehova Mudzimu. Vho tenda mini hafhu? Vho tenda uri tshidzimu tsho kunaho tshi tea u netshedzwa. Ndi zwone. Nahone vho sumbedza uri vha tenda khà uri Mesia u khou vhuya,

ngauri vho netshedza yone—yone nngu ya thutha, ye ya vha i mbokoṭo. Ndi zwone?

<sup>219</sup> Zwino, tumanani na Mubaphuthisi liñwe duvha; ni wane arali vha sa tendi zwithu zwithihi. Ndi zwone kokotolo.

<sup>220</sup> Zwo luga, zwino phambano ndi mini? Isiraele kheyi hafha fhasi ha tshikwara, i khou netshedza zwithavhelo zwithihi zwine vha netshedza nt̄ha hafha, vha tshi rabeia Mudzimu muthihi. A ni koni u vhona Vhanikolatini? Vho vangana! Ni a zwi vhona? A ni koni u vhona zwa tshimuya zwa vhukuma? Phambano yavho ho vha hu mini? Muñwe wavho o vha a na zwiga zwi tevhelaho! Muñwe wavho o vha a na *tshivhumbleo*, muñwe o vha a na *zwiga zwi tevhelaho*.

<sup>221</sup> Ndi zwithu zwithihi zwo iteyaho hafha, Khoro ya Nicene; Vhanikolatini, Vhukriste zwaho. Huno Muya Mukhethwa wa vhuya murahu nahone wa ri, “Ni na pfunzo ya Biliamu vhukati hanu.” Ni a vhona? “Huno no... Ndi ya vhenga iyo mishumo ya Vhanikolatini, idzo pfunzo dzine vha vha nadzo, ngauri ndi pfunzo dza Biliamu we a funza vhana vha Isiraele uri vha khukhuleye.” O zwi ita hani?

<sup>222</sup> Zwenezwo musi a tshi ya u sema havho vhathu, Mudzimu o ri, “Ndi do vhofha lulimi lwau; a hu na zwine wa do amba nn̄dani ha zwine Nda u vhudza. U nga si seme zwe Nda fhañutshedza.” Zworalo a lavhelesa phasi hafho.

<sup>223</sup> Huno lavhelesani kha hoyu mudziatshimbevha! Oo, ri nga tshimbila nazwo, ni a vhona. Lavhelesani kha heyi Khosi ya kale Balaka, yone—yone—yone—yone thoho yazwo zweþe, o vhudza hoyu hafha muporofita wa mazwifhi, a ri, “Tsela afho phasi huno u tou lavhelesa miñana yavho.”

<sup>224</sup> Ndi yone ndila ye—ye zwivhidzo zwihiwlwane zwa takalela u amba kha tshigwada tshiñulu tsha Mudzimu. “Ni ya ñivha uri mini? Ndi ya ñivha muñwe wavho. Mutukana! Ni ya ñivha zwe a ita? O—o ita *hezwi*, nahone a ita *izwo*. Avho Vhapentekostala. Zwa vhukuma.” Oo, fhedzi arali ni tshi tou ñivha ngoho *yavho*, fhedzi mabammbiri na zwiñwe zwi do fhumula kha hezwo. Fhedzi tendelani Pentekostala ñukhu i bvele nn̄da tshiñwe tshifhinga, huno ni vhone shango loþhe li tshi i huweleta. Zworalo. Ee, muñe wanga.

<sup>225</sup> Fhedzi, zwino dzhielani nzhele, a ri, “Itau lavhelesa miñana, murahu, tshipida tsho ñanaho.” Biliamu a ri, “Ee, ndi do tou lavhelesa miñana, itsho tshipida tshivhi tshine vha tshi ita. Ndi zwone zwine nda do ita, ndi do tou lavhelesa kha yavho—vhuada havho, zwivhi zwavho.” Ngauri arali ni tshi khou lavhelesa kha vhuvhi, vho vha vha so ngo ralo. Ndi zwone. Vho ita tshivhi tshiñwe na tshiñwe kha khalenda. Fhedzi zwe a kundelwa u vhona, o kundelwa u vhona Tombo lo rwiwaho, iyo Nowa ya Musinaseña, ilo dakalo la Khosi vhukati havho, phodzo, zwiga, vhuñolo, na Khavhu ya Mulilo yo ñembelela nt̄ha havho.

<sup>226</sup> Uyo muporofita wa bofu ho ngo kona u Zwi vhona. Hai, muñe wanga. Fhedzi o vha a tshi khou sumbedza tshipida tshivhi tshavho, "Zwo luga, ndi a ɖivha muñwe we a shavha na mufumakadzi wa muñwe munna. Ndi—ndi ya ɖivha hezwi, o tswa tshelede." Ndi zwone. Ndi zwone. Izwo ndi ḍo zwi ṭanganedza; fhedzi vha na zwithu zwithihi na heneffo, fhedzi a vho ngo amba tshithu ngazwo. Ni a vhona? Zworalo o tou sumbedza tshipida tshivhi.

<sup>227</sup> Fhedzi A ri, Mudzimu o ri, "U ambe zwine Nda amba." Huno Biliamu a dzhena Muyani, a dzhena kha bono la masiari; huno madzuloni a u sema Israele, a vha fhaṭutshedza. Amen! Khoyo heneffo.

<sup>228</sup> Zwino, arali Mudzimu a na khwathisedzo... kana ṭhonifho ya Mihumbulo, hezwi zwikolo zwa n̄ha, dziseminarī khulu na magudedzi, na dzi Ph.D. na dzi D.L.D. na, oo, dzi D.D. dzo fhambanaho... Zwo luga, mini-ha arali A tshi ṭhonifha izwo, zwo luga, zwenezwo, ni nga... U ḍo tea u vha ṭhonifha. Ni a vhona? Fhedzi U ṭhonifha nahone o no fhaṭutshedza havha vhathu nga phaṭutshedzo, ngauri Muya, Khosi... Vho ri, "Ho vha na mukosi wa Khosi gammabani." Mini? Mini? "Khosi ya vhakhethwa." Khuwa na dakalo! Zwa mini? Muñwe Muvhuso.

<sup>229</sup> Ndi ḍo ni sumbedza uri vho vha vha si dzidinomineisheni. Ni khou ṭođa ndi tshi zwi ita? Ndi elekanya uri ndo ᱥwala Luñwalo phasi lwa izwo. Ee, muñe wanga. I ri ni ndi ni sumbedze uri Israele yo vha i si... Kha ri vule murahu kha Numeri, uri ni kone u vhona uri vho vha vha so ngo ralo. Vho... Zwino, Moaba yo vha i dinomineisheni khulwane. Ri khou ya u dzhena kha Numeri 23:9, ndi ḍo vula yone—yone ndimana ya vhu8 nayo:

Huno... *Ndi ḍo ralo hani—Ndi ḍo ralo u sema hani,*  
 (ndi Biliamu o no khou amba), *zwe Mudzimu a si seme?*  
*kana ndi ḍo tshinya hani, zwe MURENA a sa tshinye?* (Uh-huh.)

<sup>230</sup> Zwino thetshellesani zwine a... zwe A amba:

*Ngauri—Ngauri ndo mu vhona ndi n̄ha ha matombo,...* (Uyo ndi Mudzimu. Hu si u bva phasi miedzini, fhedzi u bva n̄ha ha matombo. Oo! "Maṭo awe a kha zwinoni, nahone ndi a zwi ɖivha uri O nndavhelesa.")... *ndi vha vhona ndi n̄ha ha matombo,...* (Amen! Hu si kha zwinwe... murahu miedzini uri ni vhone miṭana yavho; "Ndo vhona zwithu zwoṭhe," Mudzimu o ralo.)... *ndo vha vhona Ndi n̄ha ha matombo, nahone nda vha vhona ndi zwikwarani: vhonani, vhathu vha ḍo dzula vhe vhothe, nahone a vha fani na dzinwe dzitshaka.*

<sup>231</sup> Ndi zwenezwo? Vho vha vha si dinomineisheni, "dzitshaka." Oo, vho vha vha ʈingaʈingi, madenndeni, magovhani, phasi khudani dla tshiṭaraṭa, mushumo muṭuku. Humelani murahu,

yone rennet, vha vha rahela nn̄da; Mudzimu o vha a tshi khou vha ṭoda vha tshi ya huñwe fhethu. Ni a vhona? Vhaṭingaṭingi! Ndi zwone!

<sup>232</sup> Ngei Jamaica, a si kale-kale, ho vha hu na dokotela wa vhudi muhulu wa Pentekostała o ima heneffo. Huno nda ri, “Oo, Murena o fhaṭutshedza hani Tshivhidzo tsha u ranga tsha pentekostała: vho vha vha si na tshithu.” Nda ri, “Vho vha vha tshi tou vha vhaṭingaṭingi, vha tshi ralo u mona.”

A ri, “Uh, Mukomana Branham?”

Nda ri, “Ee, murathu.” Mu funei; murathu wa vhudi.

Huno a ri, “Ndo—ndo vha ndi khou ṭoda u u sumbedza he wa khakha hone.”

Nda ri, “Oo, ndi takala nga maanda nga izwo. Ndi—ndi dzulela u ṭoda u ḋivha hune nda khou khakha hone, ngauri Mudzimu izwo u ya zwi ḋivha; a—a thi ṭodi u khakha.” Nda ri, “Zwo luga, arali ndo khakha, ndi khou ṭoda u zwi ḋivha, murathu. Ndi khou livhuwa.”

A ri, “U dzulela u khoḍa havho vhathu vha pentekostała.”

Nda ri, “Ee!”

A ri, “Vho ita vhukhakhi vhuhulu he vha vhuya vha ita, musi vha tshi rengisa ndaka yavho.” A ri, “Musi mutovholo u tshi takuwa, vho vha vha si na na haya ha u ya hone. Vho vha vha si na fhethu ha u shavhela, huno vha ḫingaṭinga vha tshi mona.”

Nda ri, “Lufuno lwa Mudzimu kokotolo.”

A ri, “Ndi ngani?”

<sup>233</sup> Nda ri, “Arali vho vha na haya vho vha vha tshi do vha vho humela murahu, fhedzi vho tea u bva hafha vha ya hafho, vha tshi phadaladza mafhungo, hoṭhe-hoṭhe, uri Muya Mukhethwa wo tsa. Ni so ngo mm budza uri Mudzimu o ita phoswo. Ho ngo vhuya a ita phoswo. U ya ḋivha uri zwi itiswa hani. Vho rengisa ndaka dzavho nahone vha vha vhatendeleki, vha tshi phadaladza mafhungo hoṭhe-hoṭhe.” Huno nda ri, “Mafhungo o phadaladzwā hoṭhe kha shango li ḋivheyaho nga itsho tshifhinga, nga vhenevho vhaṭingaṭingi vhe vha ḫetshedza zwoṭhe uri vha wane Muya Mukhethwa.” Vhathu vho vha vha sa weli fhasi ha dinomineisheni. Ni a vhona?

<sup>234</sup> Zwino, elelwani, dinomineisheni ndi ine Mudzimu a khou vhidzelela, “A tshi dženisa kha pfunzo ya Biliamu.” Zwo luga, zwenezwo, musi o kundelwa u vha dženisa kha heyi dinomineisheni, ni a ḋivha zwe Biliamu a ita? Zwino, thetselesani nga maanda zwino, ri khou sendela tsini na u vala. Zwino zwe Biliamu a ita, o ita zwithu zwithihi zwe vha ita hafha kha Khoro ya Nicene. Ndi ngazwo O ri, “Ni na pfunzo ya Biliamu na ya havho Vhanikolatini.”

<sup>235</sup> Zwino, Vhanikolaiti ndi vhatu vhe vha bva nahone vha ṭoda u ita dzangano na—na zwiñwe. Zwine, mafheleloni... Ndi vhangana vhane vha zwi divha uri izwo ndi Ngoho musi ndi tshi ri, “dzangano”? Heyo ndi Ngoho kokotolo ya Mudzimu. Huno vha fhedza vho vhumba dzangano lihulusa shangoni. Huno vho li ita mini? Katolika. Huno ipfi *katołika* zwi amba mini? “Linnda.” Dzangano, shango nga vhuphara, vha vhumba dzangano, “Hezwi zwithu zweithe zwiłtuku zwi tea u dzhena tshivhidzoni tshithihi.” Zwino, arali na limuwa. Oo, ndi... ni tou isa phanda na u ḥuwa.

<sup>236</sup> Lavhelesani! Babele yo vha i mini? Ndi nnyi we a tumbula Babele? Nimurodo. O ita mini? O ita thawara khulu kha dorobo khulu, nahone a ita uri dziñwe dorobo dzothe dzi loshe heyi dorobo. Dzangano! Vhubvo hazwo. Zworalo. Vhuyani murahu hafha kha tshikhathi tsha tshivhidzo na dzangano hafhu, nahone a dzenisa lushaka lwothe khazwo. Huno henefha I ri, “Phombwe ye ya ita uri tshaka dzothe dzi ñwe veini ya vhutunzi hawe.” Vhupombwe hawe he a vha a khou ita, a tshi divhidza uri u “Mukriste” nahone a tshi khou netshedza zwithu zwe raloho: katekasima, bugu dza thabelo, na zwiñwe zweithe. Huno Vhaphurosidente vha bvelela, zwithu zwithihi, vha tevhela maitele awe.

<sup>237</sup> Zwe luga, kha ri ye phandanyana. Zwe luga. Zwe luga. O bulu zwino, uri, “Hedzi dzo vha dzi pfunzo dza Biliamu.”

<sup>238</sup> Zwino, Biliamu o ita mini musi a tshi wana uri a nga si kone—uri a nga si kone u sema Isiraele? O vhudza Bałaka uri zwi do vha zwavhuđi, zwenezwo, uri a rambe havha vhatu kha vhułambo ha mudzimu. Vho vha vha na—vho vha vha na hone—hone vhułambo vhuhulu n̄tha hafho, vho vha vha khou... he vha vha vha tshi khou ya u vhu fara. Huno vha... Vhułambo ho vha hu tshi pfi “Tshimima tsha Baali-p-e-o-r, Baali-pheoro.” Ndi kholwa p...pheoro, Baali pheoro. Tsho vha tshi—tshimima, tsha u losha.

<sup>239</sup> Huno Biliamu a ri, “Zwino, ndi a u vhudza, Bałaka, ndi do u fha muhumbulo wa vhudi. Arali wa tou... arali wa... Mudzimu ha nga vha semi, ndi zwenezwo, zworalo ndi do u vhudza zwine wa tea u ita. Ri nga si vha phenye; fhedzi arali wa nga tou vha ramba, u do phushela zwithu zweithe ndilani yau.”

<sup>240</sup> Ni a vhona, kokotolo, kokotolo zwe Constatine a ita. Zwe tou ralo! Ndi ngazwo ho pfi “pfunzo ya Biliamu.”

<sup>241</sup> Vho ita mini? Vho ralo henefho... Pfunzo ya Bałaka ya tsela fhasi vhukati ha Isiraele. Huno vha ramba Vhaisiraele vhothe uri vha de kha hetshi tshimima tshihulu, u pembela huhulu he vha hu fara. Oo, mañwe madikiṭa mahulu, dikiṭa la zwithu nthia henefho he vha vha naho. Huno musi vha tshi swika n̄tha hafho, ngani, havha vhatu vha Vhaisiraele vha thoma u vhona hezwi zwe naka, vhasadzi vha Vhamoaba vho ambara lu kungaho lwa

vhudzekani. Ee, vho vha vha sa fani na vhasidzana vhavho vhe vha vha ḋowela fhasi hafho. “Oo, vho vha vha tshi vhonala vho naka. Nne-nne! Vho vhumbwa hani nahone, oo, vho vha vha tshi disumbedza hani.” Huno vha wa nga nthani ha izwo, huno vha thoma u ita vhupombwe. Huno Biliamu a zwi ḋivha uri arali Mudzimu a sa do vha sema, u do vha disa kha heli sia la dinomineisheni nahone a ita uri mbiti dza Mudzimu dzi vha vhulaye zwo ralo; a litsha Mudzimu a vha vhulaya Ene muñe, arali a kona u vha bvisa ndilani ya Ngoho.

<sup>242</sup> Huno musi ni tshi tou bva huno na vha murado wa tshivhidzo madzuloni a u ḥanganedza ndovhedzo ya Muya Mukhethwa, no fa! (A si zwanu, fhedzi *hafha*, ndi khou litsha izwo zwa dzhenelela ngomu lwa tshifhinganyana.) U fa! “Ni na dzina,” o amba na Luther hafha, wa Tshikhathi tsh Saradisi. Ipfri *Saradisi* li amba “u fa.” “Ni na dzina la uri ni ya tshila, fhedzi no fa!” Ndi zwone zwe Mudzimu a amba. Ee. Ni a vhona?

<sup>243</sup> Huno musi vho ita vhupombwe ha tshimuya nthia hafho, tshivhidzo tsha malana u bva kha ndovhedzo ya Muya Mukhethwa u ya kha dinomineisheni, vha fa. Khezwo-ha. Ndi zwone zwe Bivhili ya amba, ndi zwone zwe Mudzimu a amba, a tshi amba na zwivhidzo.

<sup>244</sup> Zwino ndi khou ḫoda u ni vhalela zwiñwe zwithu, uri ndi . . .

<sup>245</sup> Huno Mudzimu, O ita mini? Huno musi vho ita hezwi zwithu zwivhi, huno vha vhupombweni, Mudzimu a vhulaya vha zwigidi zwa fuiña-mbili nga luthihi; zwigidi zwa fuiña-mbili, ngauri vha ita vhupombwe. Huno ho pfi mini afha kha tshivhidzo? Vhupombwe ha tshimuya, hune ni dibula u vha “Vhakriste” huno ni tshi kha di tshila sa shango. Oo, murathu, ḥanganedzani Muya Mukhethwa! Tutshelani kule na heyi mishumo ya kale na zwithu zwine na . . . zwo fa; dekeshani Mulayo wa Vhaapostola, kana muñwe mulayo-vho, na amba thabelo dzi si gathi dzo ḓwaliwaho kha bugu ya thabelo, kana zwiñwe zwithu zwi ngaho izwo. Yesu ho ngo vhuya a vhudza vhathu Vhawe uri vha ambe thabelo, O ri, “Rabelani!” Rabelani! Zwo luga.

<sup>246</sup> Zwino, tshimima tsha Constantine, u fana na tsha Biliamu. Zwino lavhelesani. U fana na tshimima tsha vhuhedeni tsha Biliamu, Constantine o vha na tshimima tsha vhuhedeni. Zwo luga. Phegamosi ya rambiwa. Huno lavhelesani zwino hezwi . . .

<sup>247</sup> Ndi na zwiñwe zwithu zwo ḓwaliwaho hafha, ndi khou ya u zwi litsha zwino. Zwo luga. Zwo luga. Ndo vha ndi tshi khou lingedza u gavha hedzi notsi hafha dza . . . zwiñwe zwithu zwe nda zwi ḓwala.

<sup>248</sup> Phegamosi ya rambiwa. Zwo luga, vho rambiwa kha tshimima nga murahu ha Khoro ya Nicene. Vho rambiwa kha tshimima tsha *Winter Solstice*; zwine zwa amba, “duvha, u loshwa ha ḫuvha,” le la vha li mudzimu wa muhedeni; zwine zwo itea nga dici 21 dza Nyendavhusiku, ḫuvha lipfufhi kha

ńwaha. Huno mińwaha . . . Tshifhinga tshithihi a tshi shanduki u swika dzi 25 dza Nyendavhusiku. Vhadzia u sa tenda vhothe vha a li pembelela, mabebo a mudzimu wa duvha. Mabebo a mudzimu wa duvha lo vha duvha lipfufhisa kha ńwaha, dzi 21 dza Nyendavhusiku. Huno nnyi na nnyi ane o no vhuya a vhala divhazwakale ya zwivhidzo u ya zwi divha uri vhadzia u sa tenda vha losha nga ɬeneļo duvha. Ho vha u pembela.

<sup>249</sup> Zwo luga, Vharoma vho vha vha na . . . vho vha vha na mitambo mihulu, sekhasi ya Roma. Ndi vhangana vho vhonaho izwi afha, zwi ngavha zwo vha zwi mini kana mini, henefha a si kale, vho vha vho bvisela nn̄da? Ben Hur! Ni a vhonon? Zwino, sekhasi ya Roma; ndi zwone zwe Vharoma vho vha vha nazwo nga ayo masiari a duvha, kha nyelwelwo ya mabebo a mudzimu wa duvha. Ni a vhonon?

<sup>250</sup> Huno zwino . . . huno vha ita tshimima tshihulu n̄tha hafho nahone vha ramba Vhanikolatini uri vha bvelele. Oo! A zwo ngo khunyelela? "Pfunzo dza Biliamu dzine na vha nadzo." Ni a vhonon, a khou vhudza Phegamosi zwe vha vha vha nazwo, mbambe khulu. Heneffo vha elekanya uri . . . Havha Vhanikolatini vha elekanya, "Zwo luga, zwino, izwo zwo luga. Tshimima tshihulu tshi pembelelwa ńwaha muńwe na muńwe? Ee." Zworalo nga thambo ya uri vha de kha—kha—kha zwenezwo wa mubishopho muhulu, kana zwenezwo zwe a vha a zwone, na zwińwe zwothe, vha zwi ita uri zwi vhe zwithu zwa u dzulela u itea: u dzenisa vhudavhu, u dzenisa vhupombwe, vha tshi vhumba tshivhidzo tsha Katolika; tshine Muphurositente muńwe na muńwe wa dinomineišheni ndi murado watsho, dzangano. Mudzimu ha na dzangano, nahone u vhenga dzina lo raloho. Bivhili yo ralo.

<sup>251</sup> Huno musi vha tshi ita izwo, ho itea mini? Vho—vho amba zwino . . . Vha tea u vha na mbekanyo ya tshimuya, ngauralo vha shandukisa (Murena Yesu) mabebo a M-u-r-w-a wa Mudzimu u bva kha Lambamai (Zwine matshudeni othe a vhuđi a ya zwi divha, na nnyi na nnyi a na nzumbululo ya tshimuya, uri O bebwa nga tshifhinga tsha mupo u fana na musi ngwana na zwińwe zwothe zwi tshi bebiwa: nga Lambamai.) murahu-rahu kha duvha la dzi 25 la Nyendavhusiku. Huno vha kha di losha Khushumusi, zwino ndi Santa Claus. Na mini . . . Oo, khathutshelo. Ni a vhonon? Hu kha di vha na zwimima zwinzhi zwa vhuhedeni zwi no khou engedzwa ngazwo. Ndi zwenezwo. Khezwo-ha, vha rambiwa, Biliamu. "Ni na pfunzo ya Biliamu vhukati hanu." Khezwo-ha. (Ó Mudzimu, itau zwi dzumbulula, Khotsi.) Ni a vhonon? Mabebo u bva nga Lambamai u swika . . .

<sup>252</sup> Zwino, vhadivhi vha zwakale vha ri "Vhuđanzi hothe ha uri Yesu o bebwa nga ńwedzi wa Lambamai musi mańwe matshilo othe a tshi bvelela." Fhedzi vho zwi shandukisela murahu zwa vha dzi 25 dza Nyendavhusiku, mađuvha mađanu murahu ha (ni a vhonon?) murahu ha mudzimu wa vhuhedeni, uri vha vhekanye

vhuṭambo havho: vhuhedeni na Vhukriste. Huno Vhukatolika a si tshithu hafha shangoni fhedzi tshigwada tsha maitele a vhuhedeni na Vhukriste zwo ḥumanywa. Ndi zwone. Ndi ngoho. Huno Vhagwalabi vhane vha kwambatela khazwo u fana na nwananyana wa mme a dziphombwe. Ndi zwone kokotolo.

<sup>253</sup> Zwino, Mudzimu ri thuse ri vhe vha hanedzi vha vhukuma vha tshiñwe na tshiñwe tshi si tshivhuya. Ni a vhona? Oo!

<sup>254</sup> Huno u ita ḥumanyo ya tshimuya nazwo, ni a divha zwe mubishopho a amba? Mubishopho o ri, “Ri na pfanelo ya u ita hezwi ngauri ndi ene ‘Duvha ḥivhuya.’” Hmm! Oo, vha na buli, vhunga vha naļo kha “Khotsi, Murwa, na Muya Mukhethwa;” Mateo 28:19, zwithu zwithihi, kokotolo. Zworalo, vha na buli, vha tea u vha na iñwe mbekanyo ya tshimuya, ni a vhona. Fhedzi a zwi ralo...

<sup>255</sup> Bivhili yo ri, “Nga mulomo wa ḥanzi mbili kana tharu ipfi liñwe na liñwe nga li khwaṭhiswe.” Mudzimu o amba kha izwo, O zwi amba luraru. Arali Mudzimu a dzhia uri a khwaṭhisidze tshiñwe tshithu-vho, O dzhia Petro, Yakobo, na Yohane; zwoṭhe zwe A ita, O vha a na ḥanzi mbili u ya kha tharu dza u ḥola zwoṭhe zwine A ita, hoṭhe kha Luñwalo. Ndi zwone.

<sup>256</sup> Fhedzi, ni a vhona, hezwo zwithu zwiṭuku zwi tea u swika heneffo uri vha zwi hwale u vha zwenezwo. Mudzimu o zwi divha musi shango li sa athu u sikiwa. Vho zwi wana heneffo, mbekanyo ya tshimuya, “Ngauri ndi M-u-r-w-a wa Mudzimu, ri do tou dzhia mabebo a q-u-v-h-a la vhuhedeni huno ra ita mabebo a M-u-r-w-a, huno ngauri ndi ene ‘Duvha ḥivhuya.’” Hmm! Hmm! Ni a divha, Vhaphuroositente vha kha difhurwa nga izwo, zwithu zwi ngaho izwo. Zwo ralo, vha do ralo, u zwi bvisa kha Luñwalo vha zwi isa huñwe fhethu-vho. Oo, nñe-nñe! Ndi... Kha ri—kha ri tou ima lwa miniti. Zwo luga.

<sup>257</sup> Ndi na tshithu tshithihi tshiṭuku hafha tshine nda khou tama u dzhena khatsho. Kha ri wané ndimana ya hezwi ya u fhedza nga u ḥavhanya. Ri nga zwi ita? Ee. Zwo luga, ndi do ḥavhanya zwavhukuma, nga u ḥavhanya zwino, huno ni do...ri do kwama nga ntha Hazwo. Zwo luga. Ri ngafhi zwino?

*Fhedzi...zwithu zwiṭuku...ndi na...ndi lwa na  
iwe,...Biļiamu,...*

Ndi zwone, izwo ndo zwi wana.

*Zworalo iwe wo...pfunzo ya Vhanikolatini...*

*Shanduka;...Ndi sa do...da...nga u ḥavhanya,  
nahone...nda lwa na iwe nga banga la mulomo wanga.*

*Uyo a na nđevhe, nga a pfe zwine Muya wa amba na  
zwiwhidzo;...*

<sup>258</sup> Nñe-nñe! Hafha musi Constantine a tshi ita hezwi, ho vha hu... Musi vha tshi dzudzanya hetshi tshimima tshihulu. Ndi—ndi khou ḥoda... Nda thoma u ḥutshela kule na hezwo; ndi khou

ya u ima phanđa ha musi ndi tshi vhala izwo ngauri Muya Mukhethwa u khou isa phanđa na u humela murahu, ndi ngazwo ndo ita zwe nda ita zwenezwo; wa ri, "U so ngo thivha izwo." Ni a vhona? Khezwi zwi bvelela hafha! Uh-huh, uh-huh, uh-huh. Zwo luga. Mbuno... .

<sup>259</sup> Musi vha tshi dzudzanya hezwi zwithu zwi hulu, (Ndi khou ḥoda u ni vhudza zwe zwa itea uri ni kone u pfectesa.) izwo zwo vha mabebo a n̄wahagidi wa u ranga. Ngauri tshivhidzo tsho swika hune tsha pfuma; tsho vha tsho pfuma ngauralo. Huno ho vha hu mini? Zwa maanda. Tsho vha tshi n̄tha ha muvhuso; muvhuso na tshivhidzo zwo vha zwo ṭangana.

<sup>260</sup> Zwino, Mudzimu ena muvhuso? Huno naa Yesu ho ngo ri vho... Luñwe na luñwe lwa hedzi tshaka ndi lwawe, o vhudza Yesu nga u ralo, a Mu sumbedza mivhuso Yawe ya shango, a ri, "Dzothe ndi dzanga. Ndi dzi shumisa zwine da funa." Huno a ṭanganyisa Mudzimu na diabolo? Oo, ni nga si zwi ite! Zworalo, ni nga si ralo. Ndi ngazwo muvhuso wo vhumba dzangano. Mudzimu ho ngo ralo, haya madzangano. A zwo ngo ralo, ni nga si zwi ite.

<sup>261</sup> Fhedzi vho vha vha nazwo murahu ngei, tshivhidzo tshavho tsho vha tshi tshi vhidzwa tsha Vhakriste; vha tshi ita uri tshi tumane na lushaka, muvhuso wothe wa Roma, wothe. Mubishopho muhulwane n̄tha hafho a n̄tha hazwo zwothe, ane o vha a Boni-... . Nga murahu vha mu vhidza mupapa, fhedzi o vha a—o vha a mubishopho. Huno Boniface III ndi ene we a vha mupapa wa u thoma.

<sup>262</sup> Zwenezwo ri wana uri hafha o dzula heneffo sa mupapa n̄tha... . Ene mudzimu we vha vha vha nae, kha tshivhumbeo tsha muthu. Vho vha vha na aleṭare khulu. Vho vha vha na lupfumo lwa vhuđi. Vho vha vha na khulu, dza maanda, aleṭare dza mebulu, nahone dzo ṭamiwa nga malungu, na zwiñwe zwinzhi, u mona hothe. Huno vho vha vha na zwivhidzo zwi hulu. Vho vha vha tshi langa muvhuso. Huno ni a divha uri mini? Ipfi la bva la uri "uyo ndi N̄wahagidi," uri pfulufhedziso dzothe dza avho Vhayuda vha ṭungufhadzaho, uri, "Mudzimu o vha ṭanutshela" (zwine O amba uri A nga si vhuye a zwi ita), huno vha lingedza u dzenisa N̄wahagidi phanda ha u vhuya ha Murena Yesu. Musi Yesu a tshi vhuya ndi hone N̄wahagidi u tshi do thoma.

<sup>263</sup> Afho ndi hone he ha bebelwa n̄wahagidi wa u ranga. Huno ndi ngazwo Katolika i sa funzi u vhuya ha Yesu, u swika na ḥamusi. "Zwothe zwi kha tshivhidzo. Uno ndi N̄wahagidi. Tshivhidzo tshi langa zwothe. Ndi zwenezwi." Ni a vhona, n̄wahagidi wa u ranga (Oo, n̄ne-n̄ne!) hu si na u vhuya ha Yesu Kristo. Hezwi zwo itea u swika kha u vhulaiwa ha Constantine zwine zwo itea vhukati ha 312 na—na... A.D. 312 na 606. Zwenezwo Boniface III a itwa mubishopho wa linnda lothe kana mupapa kha tshivhidzo tshothe tsha linnda.

<sup>264</sup> Ndi a tenda uri ri ḋo fhedza ino ndimana, huno ndi ḋo i wana. Mudzimu nga rendwe. Ni a vhona? Zwino, ndo fara lwa miniti. Ndimana ya vhu17:

*Uyo a re na ndevhe, nga a pfe zwine Muya—Muya wa vhudza zwivhidzo; Uyo ane a do kunda Ndi do mu fha a la . . . mana yo dzumbamaho, nahone ndi do mu neya tombo litshena, nahone kha iļo tombo hu na dzina liswa lo nwaliwaho, line a hu na muthu ane a li divha nnđani ha uyo ane a li tanganedza.*

<sup>265</sup> Ni nga lindela khaňwe u swika madekwana a matshelo, kana ni zwi wane zwino? [Tshivhidzo tshi a fhindula, “Zwino!”—Mudz.] Zwo luga.

<sup>266</sup> Khotsi wa Tađulu, ndi rabela uri U tendele vhathu vha tshi pfesesa zwino, nga Dzina la Murena Yesu, uri vha pfesese hothe-hothe (na hune theiphi dza ya hone), uri vha zwi divhe uri ndi-ndi amba izwi ngauri I—I tou vha ḫhalutshedzo Khethwa ye Iwe wa nnęya. Amen.

. . . uyo ane a kunda . . .

<sup>267</sup> Tshithu tsha u thoma tshine nda khou ḫoda ni tshi tshi elelwa: ndi uri mulaedza muňwe na muňwe wa heyi a u khou divhadzwa tshivhidzo, fhedzi muruňwa wa tshivhidzo. Layhelesani murahu hafha, wa u thoma, tshivhidzo tsha Efe—. . . Kha tshivhidzo. . . Kha . . .

*Kha muruňwa wa tshivhidzo tsha Efesa . . . (Ndi zwone?)*

<sup>268</sup> Zwo luga, tshikhathi tshi no tevhela tsha tshivhidzo, ndimana ya vhu8:

. . . *kha muruňwa wa tshivhidzo tsha Simirina . . .*

<sup>269</sup> Zwo luga, ndimana ya vhu12:

. . . *Kha muruňwa wa tshivhidzo tsha Phegamosi . . . (Ndi zwone?)*

<sup>270</sup> Mulaedza u khou divhadzwa murangaphanda wa tshivhidzo. Mudzimu thusa uyo muthu ane a ḋo bva kha Mulaedza! Fhedzi Wo ḫetshedzwa muruňwa, nahone muruňwa o vha a tshandani Tshawe fhasi ha ndango Yawe Ene muňe, a tshi u neya maanda a u kondelela u bva kha Ene muňe, u bva tshandani Tshawe tshaula. Vha kha tshanda Tshawe tshaula, izwo ndi uri, vha na maanda mahulu musi vha fhano kha lifhasi; ngauri vha tou vha Zwiedza zwi bvaho Khae, vha tshi ḫetshedza tshikhathi tsha tshivhidzo Tshedza. Ni a vhona? “Kha muruňwa wa tshivhidzo.” Zwi khou divhadzwa naledzi (ya tshikhathi) ane a vha na vhudifhinduleli. Muruňwa wa tshivhidzo u na vhudifhinduleli arali a sa rera Ipfi. Ndi zwone. Huno uyo muruňwa u ḋo tea u fhindula nga ḫuvha la khaṭhulo.

<sup>271</sup> Ndi vhangana vhane vha elelwa bono afha a si kale malugana na... Lavhelesani hafha. Musi ndo—misi ndo edela kha mmbete, huno Muya Mukhethwa wa bvelela; huno nda lavhelesa murahu, mufumakadzi wanga a henefho. Huno ndo vha ndo edela henefho, huno nda gonyela nt̄ha Vhuhoneni ngei, nahone nda vhona avho vhathu vhothe. Huno ni ya elelwa ndi tshi khou ni vhudza izwo? Nōthe ni a ralo. Ni a vhona?

Huno nda ri, “Zwo luga, vha khou...?”

A ri, “Ndi vhau.”

Huno nda ri, “Vhothe ndi vha ha Branham?”

A ri, “Hai.” Hu na vhamilioni hafha. A ri, “Havho ndi vhashandukwa vhau.”

Huno nda ri, “Vhashandukwa?”

<sup>272</sup> “U ya vhona ūla musadzi we wa vha u tshi khou mu funa nga maanda, afho, ndi muswa nahone o naka,” a ri, “o vha o no fhirisa miñwaha ya fūtahe musi u tshi mu ñisa kha Kristo.”

Huno nda ri, “Oo!” nda ri, “Zwīla ndo vha ndi tshi khou ofha izwi?”

Huno a ri, “Ri fhano ro lindela u vhuya ha Murena.”

Nda ri, “Ndi khou ḥoda u Mu vhona.”

<sup>273</sup> A ri, “U nga si Mu vhone zwino, fhedzi” a ri, “hu si kale U do da. Ro Mu lindela, fhedzi musi A tshi da, U do thoma u da kha iwe. Huno u do haṭulwa zwi tshi tevhedza Mafhungo mađifha e wa a rera, huno ri do vha ri vhalanda vhau.”

“Zwo luga,” nda ri, “u amba uri ndi na vhudifhinduleli ha izwi zwēthe?”

“Riñe rōthe!”

Nda ri, “Zwo luga, muñwe na miñwe u do ralo...?”

A ri, “Wo bebwā u murangaphanda.”

Huno nda ri, “Zwo luga, muñwe na muñwe u do vha na vhudifhinduleli?”

A ri, “Murangaphanda muñwe na muñwe.”

Nda ri, “Miní-ha nga Paulo Mukhethwa?”

A ri, “U do fhindulela tshikhathi *tshawe*.”

“Zwo luga,” nda ri, “ndo rera Mafhungo mađifha mathihi e a rera.”

Huno maipfi a milioni a huwelela, a ri, “Ro ñitika nga lenelo!” [Tshivhidzo tshi ri, “Amen!”—Mudz.] Ni a vhona? Khezwo-ha, “vho awela.”

<sup>274</sup> Zworalo *muruñwa* wa Mudzimu, murumiwa wa tshivhidzo, u na vhudifhinduleli arali a si reri Ipfi. Zwo luga.

<sup>275</sup> “Mana yo dzumbamaho.” Kha ri ñeye ḥhalutshedzo u ya nga hune ra kona. “Mana yo dzumbiwaho” i ralo u fanyisa

mini? Mana yo dzumbamaho yo vha i mana ine yo vha i tshi vheiwā fhethu... kana tshinkwa, kha Bivhili, itsho tsho vha tshi tsha tshifhe fhedzi. Ndi vhangaṇa vhane vha ḫivha izwo? Ni a vhona? Zwino, yo vha i si ya... Vho vha vha na vhurotho ha tshihidzo, fhedzi ho vha hu na vhurotho ho khetheyaho ha tshifhe. Ndi zwone?

<sup>276</sup> Hovhu ndi vhurotho ho khetheyaho, vhurotho ho khetheyaho, mana yo *dzumbamaho*. Ndi mini? Mana ndi nnyi? Kristo. Zwo luga, Yohane Mukhethwa, ndima ya vhu<sup>6</sup>, ndimana ya vhu<sup>48</sup> u swika kha ya vhu<sup>50</sup>, arali ni tshi khou zwi nwala fhasi. Yesu o ri Ndi ene “Vhurotho ha Vhutshilo vhu bvaho kha Mudzimu wa Taqulu,” iyo Mana.

<sup>277</sup> Zwo luga, ndi mini “mana yo dzumbamaho”? Mana ye ya vha i sa ḫetshedzwi tshihidzo tshothe. Nzumbululo i sheelwa muruṇwa wa tshihidzo, nzumbululo ya Ipfi. Ni a vhona? Nzumbululo ya Ipfi i ḫetshedzwa muruṇwa wa itsho tshikhathi, ngauri yo dzumbelwa muṇwe na muṇwe, nahone ya dzumbululwa murahu (mana yo dzumbamaho) kha... I ḫivhadzwa *muruṇwa* wa tshihidzo. Ni a vhona? Ni khou zwi wana? Ndi nzumbululo khulunyana ya zwine Kristo a vha zwone, i tou vha mbidzo khulwane.

<sup>278</sup> Ndi a ḫivhudzisa arali Luther izwo o zwi limuwa? Ndi a ḫivhudzisa arali Wesley o ralo mađuvhani awe? Oo! Ndi a ḫivhudzisa arali Martin Mukhethwa o zwi limuwa? Irenaeus? Zwino, ni a ḫivha, tshihidzo a tshi ngo vhuya tsha vhukhethwa havho vhanna, vho vha vha si vhakhethwa khavho; fhedzi vho vha vha vhone vha na zwiga zwi tevhelaho. Vho dzhia vhone—vhone vhabishopho vhavho, na zwiṇwe zwinzhi, u itela vhukhethwa.

<sup>279</sup> Ngani, hafha a si kale, musadzi o vha a tshi khou ḫoda u wana *Vhutshilo ha Martin Mukhethwa* vhengeleni la bugu la Tshikhuwa. Huno musi... A ri, “Martin Mukhethwa.”

<sup>280</sup> Huno muthu a bvisela raga nn̄da, a ri, “Ha ḫivheswi kha ḫivhazwakale, o vha a so ngo itwa mukhethwa.” Ni a vhona? U swika na ḫamusi; fhedzi Mudzimu u na dzina ḫawé, Mudzimu u ya ḫivha uri u nnyi.

<sup>281</sup> Ni a vhona, iyo ndi yone phambano. Vhaṇwe vhathu vha khou ḫoda madzina avho kha tshiṇwe tshithu tshihulu, fhedzi vhathu vha Mudzimu vha khou ḫoda u fhambana na zwithu zwe raloho. A vha ḫodi zwithu zwihulu, na zwiṇwe zwithu zwihulu; vha khou ḫoda u vha vho ḫukufhalaho, uho ndi u ḫinyadza. Ndila ya—ya u ya ḫtha ndi ya u ya fhasi. “Uyo ane a ḫitukufhadza u ḫo huliswa; uyo ane a dihudza u ḫo ḫukufhadzwa.” O ḫitukufhadza. Ni so ngo lingedza u vha tshiṇwe tshithu tshihulu; lingedzani u vha tshiṇwe tshithu tshiṭuku, fhedzi i vhani zwine na vha zwone. Ni a vhona? Ivhani muṭuku maṭoni a Mudzimu, ivhani muṭuku

maṭoni aṇu, vhańwe vhothe vha n̄tha hanu. “Uyo are muhulu vhukati hanu a vhe mushumeli wa vhothe.”

<sup>282</sup> Ndi nnyi ane a nga vha muhulu kha Yesu Kristo we a vhofha khundu Ene mune nahone a ḥanzwa milenzhe ya vhafunzi? O vha Vhumudzimu vhu ḥanzwaho milenzhe, O vha o raloho. Mudzimu wa Tađulu, Musiki wa maṭadulu na lifhasi, a tshi ḥanzwa milenzhe yo tshikafhalaho ya vharei vha khovhe (Oo!) i na matope na zwińwe, na buse la badani, hune nguvho dzavho dzo kwama, huno a i ḥanzwa; o vha a Vhumudzimu vhu ḥanzwaho milenzhe, O vha a zwenezwo. Huno-ha ra elekanya uri, “Ri tshińwe tshithu. Ri khou tea u vha Dokotela, Ph.D., *Mukene na mukene.*” Oo, nñe-nñe! Uyo a si Kristo. Izwo a zwi ḥani lufuno . . . Yesu Kristo wa lufuno. O vha mulanda wa vhothe. Ndi zwone. A ri funza tsumbo ine ra tea u itelana nga thashu sa vhunga O ri itela. Oo, uyo ndi—uyo ndi Murena wanga. Ndi tshine tshi Mu itaho muhulu, ngauri O ḏiita muṭuku. Ni a vhona, ndi zwone zwo Mu itaho muhulu.

<sup>283</sup> Ndo no vha na tshikhala tsha u ḥangana na vhańwe vhanna vhahulu vhutshiloni hanga, nahone ndo no vha na tshikhala tsha u ḥangana na vhanna vhane vha *elekanya* uri vha vhahulu. Muthu muhulu wa vhukuma u lingedza u ni ita uri ni elekanye uri ni muhulu nahone ha tshithu. Ni a vhona? Ndo ḥangana na dzikhosi, na vhańwe, na vhathu vhane ndi vhahulu zwavhukuma. Huno ni ya ḥangana na Vhakriste vho dziaho, vho zwiambaro zwo namiwaho, na zwithu zwi ngaho izwo. Huno vhańwe vhavho vha da kha phuluphitu sa buto nahone zwenezwo . . . Ni a vhona? Oo, nñe-nñe! Zwo luga, zwi kulesa . . . Zwo luga.

<sup>284</sup> “Mana yo dzumbiwaho,” tshińwe tshithu tshiṭuku tsho *khetheyaho*. Ndi tshini tsho *khetheyaho?* Hu si tshińwe tshithu tsha . . . Phaṭhutshedzo dza Muya Mukhethwa? Oo, hai, izwo ndi zwa tshivhidzo tshothe. Fhedzi yone “mana yo dzumbamaho” yo vha i dzumbululo yo khetheyaho ngauri u tea u funza vhańwe. Ni a vhona? Yo vha i ndivho khulunyana ya Luňwalo, ine a kona u funza vhańwe. U tea u ralo. Ndi zwone? Ni nga si kone u tshila u fhira mufunzi waṇu. Ni elelwe zwenezwo, ni a vhona. Huno-ha . . . Ngauri ndi ene mulisa ane a ni kanzwa. Arali a mulisa, u tea u divha hune mana ya vha hone, ya u kanzwa dzone—dzone nngu. Ndi zwone? Zwino, yo khetheyaho zwiṭuku. Huno lavhelesani hezwi lwa miniti, nzumbululo, mana yo dzumbamaho.

<sup>285</sup> Zwino, “Tombo litshena, u do wana tombo litshena.” Muruńwa u do wana tombo litshena. Ilo ndi tombo, a si lone? [Murathu u ri, “U kuna.”—Mudz.] Huno ndi . . . Ndi zwone, “u kuna.”

<sup>286</sup> O—O ḥangana na muthu tshińwe tshifhinga nahone dzina lawe o vha a tshi pfi Simoni, huno A shandukisa dzina ḥawę

a pfi Tombo, “Petro.” Ngani? O vha a na khono. Ndi zwone? O shandukisa dzina lawe huno a mu ita tombo. Ndi zwone? Petro o vha a na khono ngauri ndi ene we a vha a na khono dza Muvhuso.

<sup>287</sup> “Dzina liswa, dzina liswa lo ḥwaliwa kha heli tombo line a hu na muthu ane a li ḫivha fhedzi ene muṇe.” U ya li ḫivha fhedzi a nga si vhudze vhaṇwe. Ni a vhona? Ni a vhona? A hu na a no ḫivha fhedzi ene muṇe. Ni a vhona? Petro o zwi ḫivha uri u na khono, fhedzi a no ngo mu pfa a tshi khou amba-amba ngazwo. Ni a vhona? Havha vhatu vhanie kanzhi vha ya amba-amba nga zwine vha vha zwone tshifhinga tshinzhi a vha tshithu. Uh-huh, uh-huh. “Tombo litshena, nahone khalo hu na dzina liswa.” Hu si dzina lawe ene muṇe, fhedzi u muṇwe muthu (Ni a vhona?) ane ene muṇe fhedzi u ya zwi ḫivha; uyo a na tombo, dzina. Ni a vhona, mana yo khetheyaho ya u kanzwa tshividzo, elelwani.

<sup>288</sup> Elelwani uri musi Hezwi zwi tshi itea kha hetshi tshividzo, tsho vha tshi tshikhathi tshithihi (tshifhinga tshithihi tshe Hezwi zwa tea u dzumbululwa) tshine Vhanikolaiti vho ḫivhetshela ṭhoho ya tshividzo *tshavho*, mupapa, nahone vha mu ḥeya aleṭare ya tombo litshena nga henefho phasi, phasi hawe, aleṭare ya mebulu. Ndi zwone? Huno ngomu hayo vha fukedza malabi, na zwithu zwi ngaho izwo, zwine zwe vha zwe *mu* nakela.

<sup>289</sup> Fhedzi hoyu muruṇwa wa Murena o vha a tshi ḫivha uri *u* nnyi, murwa wa Mudzimu, nga—nga nzumbululo ya Yesu Kristo.

<sup>290</sup> Huno musi—musi Vhanikolaiti vha tshi vheya murangaphanda *wavho* nahone vha vheya tombo la mabulu milenzheni yawe (Ni a vhona?), Mudzimu o vheya murangaphanda Wawe o dadzwaho nga Muya u itela tshigwada Tshawe tsho dadzwaho nga Muya; muruṇwa Wawe; nahone Wa vheya khaye u pfundo la dzina, fhedzi ha tei u li dzumbulula. U tea u li fara ene muṇe, ni a vhona. “A hu na muṇwe muthu ane a li ḫivha fhedzi ene muṇe.”

<sup>291</sup> “Mana yo dzumbamaho, tombo, dzina liswa line a hu na muthu ane a li ḫivha fhedzi ene muṇe,” nahone zwe divhadziwa muruṇwa wa tshividzo. Ndi a divhudzisa arali Luther o zwi ḫivha? Ndi a divhudzisa arali Wesley o zwi ḫivha? Ndi a divhudzisa arali—arali vhaṇwe vharuṇwa vhahulu vho ralo?

<sup>292</sup> Huno ndi a divhudzisa ḥamusi, arali ngomu kha... A tshi khou da shangoni hu si kale, muruṇwa muhulu wa Tshedza ane a do da kha riṇe, ane a do ri rangaphanda ra bva, Muya Mukhethwa muhulu, u tshi da kha maanda, nahone wa ri rangelaphanda kha Murena Yesu Kristo. Zwi nga ralo A sa li ḫivhi, fhedzi u do da fhano liṇwe la haya maduvha. U do ita... Mudzimu u do mu ḫivhisa. Ha nga do tea u diđivhisa, Mudzimu u do mu ḫivhisa. Mudzimu u do sumbedza Vhawé Ene muṇe. Ndi zwone zwo A amba musi Yesu a fhano huno vha si Mu ḫivhe, ni a vhona. O ri, “Arali Nda sa ita mishumo ya Khotsi Āṅga, zwenezwo ni so ngo Ntenda; fhedzi arali Nda

ita mishumo ya Khotsi Anga, huno ni si Ntende, zwenezwo-ha tendani mishumo." Ndi zwone?

<sup>293</sup> Oo, Ha wavhuđi naa! Bugu ya Nzumbululo. Zwino, ni a vhona uri tshivhidzo tshi ngafhi? Ni a vhona uri vho dala hani? Ni a vhona uri tshivhidzo tsho bva hani afha? Zwino, *tshino* ndi tshikhathi tshine ra khou da u dzhena khatsho madekwana a matshelo, Murena vha tshi funa.

<sup>294</sup> Zwino, ndi humbelo pfarelo nga u ni fareledza lwa tshifhinga tshilapfu, fhedzi ndi—ndi—ndi fulufhela uri ni—ni do guda tshinwe tshithu. Huno ni tshi khou nwala notsi, izwo ndi musi... Ndi na zwińwe zwinzhi hafha, u yela kha masiatari mararu kana maña, fhedzi ndi tou vha ndi si na tshifhinga tsha u dzhena khazwo, huno, ngauri li khou thoma u vha luswiswi, nahone yo no tou vha miniti ya fumisumbe zwino u ya kha... Fhedzi ri do zwi dzenisa buguni, naho zwe ralo, huno-ha ri do—ri do—ri do zwi wana.

<sup>295</sup> Zwino, ndi vhangana vhane vha Mu funa nga mbilu yavho yothe? Ndi vhangana vhane vha Mu tenda nga mbilu dzañu dzothe? Oo! Zwino, ni elekanya uri ndi do ima afha nga u tou ri a ri madzangano—ngauri a ri madzangano huno nda amba izwo ngazwo? Ni a pfesesa zwino, vharathu, ngani ndi—ndi (vhutshilo hanga hothe) ndo lwa na hezwi zwithu? Ni a vhona, Ho vha hu Muya Mukhethwa. Ndo vha ndi sa zwi pfesesi nne muñe, ndo vha ndi sa zwi ñivhi u tou swika maduvha a si gathî o fhiraho. Ni a vhona? A tho ngo ñivha uri ndi tshini tsho itaho uri ndi ite hezwo; a tho ngo ñivha uri ndi ngani ndo dzulela u huwelela ndi tshi hanedzana na vhasadzi vha tshilaho zwe khakheyaho, na zwińwe; a tho ngo zwi ñivha, zwino ndi a ralo. Ni a vhona?

<sup>296</sup> Zwino, Murena u ya zwi ñivha uri hezwi zwithu zwe khakheya. Khezwi afha zwe kokodzwa u bva kha ñivhazwakale, nahone zwa swika... Bivhili yo ri... Zwino lavhelesani hafha, Bivhili yo ri (ambela phanda) uri hezwi zwithu zwi do itea. Zwino, izwo ri a zwi ñivha, a ro ngo ralo? Zwenezwo ra dzhia ñivhazwakale ya tshenetshotshikhathi, nahone ra vhona uri zwe itea kokotolo nga ndila ye Bivhili ya zwi amba. Ndi zwone? Zwe luga, zwenezwo, musi ri tshi swika fhasi hafha kha tshikhathi *tshashu* tsha tshivhidzo, na zwe A dzula o amba malugana na tshikhathi *tshashu* tsha tshivhidzo, zwi do itea kokotolo nga ndila ye Mudzimu a amba uri zwi do itea ngayo. Ni a tenda izwo? Oo! A ni ḥodi...

Oo, ndi khou ḥoda u Mu vhona, u lavhelesa kha  
tshifhađuwo Tshawe,  
U imba lwa tshothe heneffo zwa tshilidzi  
Tshawe tshi tshidzaho;

Zwiṭaraṭani zwa Vhugala ntendele ndi takuse  
ipfi ḥanga;  
Ndondolo dzoṭhe dzo fhira, ndo swika hayani,  
u pembela lwa tshoṭhe.

Oo, ndi khou ṭoda u Mu vhona, lavhelesani . . .  
(Ndi vhangana vhane vha ralo?)  
U imba lwa tshoṭhe heneffho zwa tshilidzi  
Tshawe tshi tshidzaho;  
Zwiṭaraṭani zwa Vhugala ntendele ndi takuse  
ipfi ḥanga;  
Ndondolo dzoṭhe dzo fhira, ndo swika hayani,  
u pembela lwa tshoṭhe.

Zwino ni tshi khou khaḍana nga tshañu, wa phanda,  
murahu, na u mona, na Vhamethodisi vhoṭhe, Vhabaphuthisi,  
Phuresibatherieni, kana zwenezwo zwine na vha zwone:

Musi ndi tshi tshimbila kha ḥino shango, ndi  
tshi tshimbila ndi tshi imba,  
Oo, ndi tshi sumba maya kha Khal- . . . (Hu si  
kha tshivhidzo, Khalivari.) Kha malofha a  
elaho,  
Misevhe minzhi yo phula maya wanga, u bva  
nga ngomu, nga ngomu;  
Fhedzi Murena wanga u nthanga phanda, ndi  
do kwambatela Khae.

Kha ri ime zwino:

Oo, ndi khou ṭoda u Mu vhona, u lavhelesa kha  
tshifhaṭuwō Tshawe,  
U imba lwa tshoṭhe heneffho . . . (Kha ri imisele  
zwanda zwashu n̄tha.) . . . tshilidzi tshi  
tshidzaho;  
Zwiṭaraṭani zwa Vhugala ntendele ndi takuse  
ipfi ḥanga;  
Ndondolo dzoṭhe dzo fhira, ndo swika hayani,  
u pembela lwa tshoṭhe.

<sup>297</sup> Oo, ndi Mu funa hani! Ndi Mu funa hani! Wa vhudi!  
Wa vhudi!

A mangadzaho, a mangadzaho, ndi Yesu kha  
nne,  
Mulanguli, Mukololo wa Mulalo, U Mudzimu  
wa Maanda ndi Ene;  
Oo, o ntshidza, a ntsireledza kha zwivhi zwoṭhe  
na zwi shonisaho,  
Murengululi wanga ndi wa vhudi, kha hu  
rendwe Dzina Lawe!

Ndo vha ndo xela, zwino ndo wanala, ndo  
vhofholowa kha khatħulo,  
Yesu u ḥneya mbofholowo na u tshidzwa ho  
fhelelaho;  
O ntshidza na u ntsireledza oo, kha zwivhi  
zwoṭhe na zwi shonisaho,  
A mangadzaho ndi Murengululi wanga,  
rendani Lawe...

Muńwe na muńwe, ri tshi zwi itela n̄ha;

A mangadzaho, a mangadzaho, ndi Yesu kha  
nne,  
Mułauli, Mukololo wa Mulalo, Mudzimu wa  
Maanda ndi Ene;  
Oo, o ntshidza, a ntsireledza kha zwivhi zwoṭhe  
na zwi shonisaho,  
Murengululi wanga ndi wa vhuđi, kha hu  
rendwe Dzina Lawe!

Oo, zwi mangadza hani!

Oo, wa vhuđi, wa vhuđi, Yesu kha nne,  
Ndi Mulanguli, Mukololo wa Mulalo, Mudzimu  
wa Maanda ndi Ene;  
U khou ntshidza, a ntsireledza kha zwivhi  
zwoṭhe na zwi shonisaho,  
Murengululi wanga ndi wa vhuđi, kha hu  
rendwe Dzina Lawe!

<sup>298</sup> Roṭhe kha ri ri, “Kha hu rendwe Dzina Lawe!” [Mukomana Branhma na tshivhidzo vha amba khathihi—Mudz.]: “Kha hu rendwe Dzina Lawe!” Murengululi wanga! Ni elelwa matshelo nga madekwana, nga iri ya vhusumbe n̄ha ha tshithoma. U swika zwenezwo, u swika ni tshi vhuya murahu hafhu, itani hezwi:

Dzhiani Dzina la Yesu na inwi,  
Nwana wa maṭungu na khombo;  
Li do ralo dakalo, la ni ḥneya na khuthadzo...  
(Ndо takala u vhona ūri ni fhano murathu,  
Murena vha ni fhaṭutshedze.)  
...hoṭhe hune na ya.

Dzina ḥavħudi (Dzina ḥavħudi), Oo li ḥifha  
hani! (Oo li ḥifha hani!)  
Fhulufhelo la liphasi na dakalo la Tađulu;  
Dzina ḥavħudi (Dzina ḥavħudi), Oo li ḥifha  
hani!  
Fulufhelo la liphasi na dakalo la Tađulu.

<sup>299</sup> Musi ri tshi khou kotamisa thoho dzashu zwino ri kha thabelo, kha luimbo lwa u fhedza, kana ndima ya u fhedza:

Kha Dzina la Yesu ro kotama,  
Ri tshi gwadama kha . . . (Murena Mudzimu,  
fhodza izwi, Murena, musi ri tshi . . .) . . . ri do  
Mu ambadza khare,  
Musi lwendo lwashu lwo swika magumoni.



*TSHIKHATHI TSHA TSHIVHIDZO TSHA PHEGAMOSI* TSV60-1207  
(The Pergamean Church Age)  
MILAEDZA YA NZUMBULULO YA YESU KRISTO

Hoyu Mulaedza nga Mukomana William Marrion Branham, u rangani wo ḥewa  
nga Tshiisimane nga madekwana a Łavhuraru, Nyendavhusiku 7, 1960, kha  
Thaberenakejeni ya Branham ngei Jeffersonville, Indiana, U.S.A., wo dzhiwa kha  
rekhodo ya theiphi ya maginete huno wa gañiswa u songo pfufhifhadzwa nga  
Tshiisimane. Heyi ṭhalutshedzo ya Tshivenda yo gañiswa huno ya phađaladzwa  
nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)